


ԵՐԵՎԱՆԻ ՊԵՏԱԿԱՆ
ՌԱՍՏԱԿԱՐԱՆ

Լիլիթ Գարգույան
Ինգա Հարությունյան

ԳԵՂՂԴԵՐԱՅԻՆ ՍՈՅԻԱԼԱԿԱՆԱՅՈՒՄ

Գործընթացն ու արդյունքը



ԳԵՆԴԵՐԱՅԻՆ ՍՈՑԻԱԼԱԿԱՆԱՑՈՒՄ Գործնքացն ու արդյունքը

Լիլիթ Գարզըյան Ինքա Հարությունյան

Սույն հրատարակությունը ստեղծվել է Ամերիկայի ժողովրդի աջակցությամբ՝ ԱՄՆ Սիօնագովային զարգացման գործակալության միջոցով: Այստեղ արտահայտված տեսակետները (կամ նյութի բովանդակությունը) միմիայն հեղինակներին են և պարտադիր չեն, որ արտահայտեն ԱՄՆ ՍՉԳ կամ ԱՄՆ կառավարության տեսակետները:

Ծնորհակալություն ենք հայտնում ԵՊՀ Գենդերային հետազոտությունների և առաջնորդության կենտրոնին այս հետազոտության իրականացմանը և գործի տպագրության աջակցելու համար:

ԵՐԵՎԱՆ
ԵՊՀ ՀՐԱՏԱՐԱԿՈՒԹՅՈՒՆ
2016

ՀՏԴ 316.346.2

ԳՄԴ 60.54

Գ 347

*Հրատարակության է երաշխավորել
ԵՊՀ փիլիսոփայության և հոգեբանության ֆակուլտետի
գիլդական խորհուրդը*

Խմբագիրներ՝ հ.գ.դ., պրոֆեսոր Ս. Հարությունյան
սոց.գ.ք., դոցենտ Գ. Շահնազարյան

Գարգոյան Լ. Ա., Հարությունյան Ի. Կ.

Գ 347 Գեներային սոցիալականացում. գործընթացն ու արդյունքը/ Լ. Ա. Գարգոյան, Ի. Կ. Հարությունյան.-Եր., ԵՊՀ հրատ., 2016, 94 էջ:

Գրքում վերլուծված են հայաստանյան հասարակությունում գեներային սոցիալականացման գործընթացի տարրեր եզրաշերտերը, այդ գործընթացի վրա ազդող և դրա միջոցով փոխանցվող հիմնական գեներային պատկերացումներն ու կարծրատիպերը, այդ գործընթացի արդյունքում ձևավորվող գեներային կարգավիճակները: Գրքում շարադրված գեներային կարգավիճակների և գեներային սոցիալականացման հիմնախնդիրների տեսական վերլուծությունը, ներկայացված հետազոտության արդյունքները կիետարքը սոցիոլոգներին, հոգեբաններին, մանկավարժներին, հարակից մասնագետներին և ուսանողներին:

ՀՏԴ 316.346.2

ԳՄԴ 60.54

ISBN 978-5-8084-2069-4

© ԵՊՀ հրատ., 2016

© Գարգոյան Լ.Ա., 2016

© Հարությունյան Ի. Կ., 2016

Բովանդակություն

Նախաբան.....	5
1. Գենդերային կարգավիճակների վերաբուղությունը գենդերային սոցիալականացման գործընթացում.....	8
1.1. Կանանց և տղամարդկանց կարգավիճակները հասարակությունում	8
1.2. Կանանց նկատմամբ բռնությունը և սեռով պայմանավորված հիյության արիենտական ընդհատումները որպես անհավասար գենդերային կարգավիճակների հետևանքներ	14
1.3. Գենդերային կարգավիճակները, նախապատվությունները և նորմերը հայկական ընտանիքում: Պատմապատճենական ակնարկ	17
1.4. Գենդերային պատկերացումների փոխանցումը սերնդեսերունդ. գենդերային սոցիալականացում	22
2. Գենդերային սոցիալականացման գործընթացի վերլուծություն	33
2.1. Հետազոտության մեթոդաբանությունը.....	33
2.1.1. Հետազոտության իրականացման մեթոդները	35
2.1.2. Հետազոտության ընտրանքը	35
2.2. Հետազոտության արդյունքները	37
2.2.1. Գենդերային պատկերացումներ, կարծրատիպեր և տարբերակված վերաբերմունք. «Աղջկը գնացող ա...», «Տղեն տան այունն ա...»	39
2.2.2. Խրախուսվող, պարտադիր համարվող որակներ	50
2.2.3. Կնոջ և տղամարդու վերաբերյալ կրոնական պատկերացումներ «Տեր ու հնազանդ».....	61
2.2.4. Դաստիարակչական պրակտիկաներ	66
2.2.5. Վարքի և դրսնորումների սահմանափակումներ	71
2.2.6. Սեռատիպիկ վարքի մոդելավորում	79
2.2.7. Ապագայի ակնկալիքներ	81
Վերջաբան	84
Gender socialization. The Process and Result (Research summary)	87
Գրականության ցանկ	91

Նախաբան

Մարդու վարքի և բնավորության գեներացին առանձնահատկությունները ձևավորվում են հասարակությունում գերիշխող սեռադերային սպասումների, սեռային դերերի մոդելների ազդեցությամբ, որոնք, բեկվելով անձի հոգեկանում, ներքնայնացվում և դրսորվում են անհատական մակարդակում: Սոցիալական ազդեցություններով պայմանավորված սեռային դերերի և սեռատիպիկ վարքածների ու առանձնահատկությունների ներքնայնացման գործընթացը գեներացին սոցիալականացումն է կամ սեռադերային սոցիալականացումը: Եթե սոցիալականացումը մարդու կողմից սոցիալական վորձի, դերերի, հարաբերությունների համակարգի, հասարակայնորեն ընդունելի վարքի նորմերի, ստանդարտների յուրացման գործընթաց է, ապա գեներացին սոցիալականացումը դրա այն մասն է, որի ընթացքում մարդը յուրացնում է տղամարդկայնության և կանացիության սոցիալ-մշակութային պատկերացումները և ձևերը: Գեներացին սոցիալականացման արդյունքում են ձևավորվում կնոջը և տղամարդուն բնորոշ հակագրման ձևերը, հասարակությունում սեփական տեղի և դերի մասին պատկերացումները, համապատասխանաբար՝ կյանքի պլանավորումը և ապագայի հետանկարները: Գեներացին սոցիալականացումն այն գործընթացն է, որի արդյունքում ձևավորվում է կնոջ և տղամարդու այն տիպը, որն ամենատարածվածն է տվյալ հասարակությունում և հանդիսանում է այդ հասարակության պահանջարկը և արդյունքը:

Եթե քննարկում ենք կնոջ և տղամարդու գեներացին կարգավիճակները, նրանց ձեռքբերումներն ու ներգրավվածությունը հասարակական գործընթացներում, հարկ է հաշվի առնել ոչ միայն այն, թե որքանով է տվյալ հասարակությունն աջակցում կամ խոչընդոտում կանանց առաջխաղացմանը, այլ նաև այն, թե ինչպիսի որակներով և մոտիվացիայով անձ է հասարակությունը ստեղծում կնոջից և տղամարդուց:

Հասարակությունը երկու տարրեր ուղղություններով իրականացնում է գեներացին կարգավիճակների սերնդեսերունդ վերարտադրության գործընթացը: Մի կողմից, այն շարունակաբար նպաստում կամ խոչընդոտում է կնոջ և տղամարդու ինքնիրականացմանը, ձեռքբերումներին ու ներգրավվածությանը հասարակական գործընթացներում՝ հատակ սահմանելով յուրաքանչյուրի սոցիալական տեղայնացումն ու գործառույթը: Մյուս կողմից, տվյալ հասարակությունում իրականացվող գեներացին սոցիալականացու-

մը, սնվելով առկա գենդերային կարծրատիպերից և գենդերային դերերի վերաբերյալ պահպանողական պատկերացումներից, նպաստում է կանանց ավելի համեստ հավակնությունների ձևավորմանը և սեփական սեռադերային գործառույթներում այնպիսի առաջնայնությունների հաստատմանը, որոնք չեն ենթադրում բարձր հասարակական դիրք կամ մասնագիտական ձեռքբերումներ: Գենդերային սոցիալականացման ընթացքում վաղ մանկությունից երեխային փոխանցվող կարծրատիպերը, պատկերացումները ստեղծում են գենդերային դերերի, կարգավիճակների բնականոն տրվածության պատրանք թե՝ կանանց, թե՝ տղամարդկանց շրջանում, ինչն առաջացնում է դրանց հետ համակերպվելու անհրաժեշտություն և բացառում է իրերի դրույթունը փոխելու որևէ հնարավորություն:

Այդ պատճառով կարևոր է հասկանալ, թե գենդերային սոցիալականացման ընթացքում ինչ ձևերով և ուղիներով են փոխանցվում այն գենդերային դիրքորոշումներն ու կարծրատիպերը, որոնք նպաստում են ընտանիքում և հասարակությունում կանանց և աղջկների թերարժնորմանը, անհավասար գենդերային կարգավիճակների ձևավորմանը և ամրապնդմանը:

Այս հետազոտությամբ փորձ է արվել բացահայտել Հայաստանում գենդերային սոցիալականացման հիմնական առանձնահատկությունները, այդուհանդերձ, հետազոտությունը չի ներառել գենդերային սոցիալականացման գործնարացի բոլոր կողմերը: Հետազոտության նպատակն է եղել բացահայտել գենդերային սոցիալականացման՝ հասարակությունում տղամարդկանց և կանանց անհավասար դիրքերի ձևավորմանը և ամրապնդմանը նպաստող առանձնահատկությունները: Հետազոտությունը հիմնականում ամդրադրածել է գենդերային սոցիալականացման այն կողմերը, որոնք կապված են ընտանիքում և կրթական համակարգում առկա գենդերային կարծրատիպերի և դաստիարակչական գործնարացների, ինչպես նաև կնոջ և տղամարդու վերաբերյալ եկեղեցական գաղափարների ընկալման հետ:

Գրքում ամփոփված են ԵՊՀ Գենդերային հետազոտությունների և առաջնորդության կենտրոնի 2014 թ. փոքր դրամաշնորհային ծրագրի շրջանակներում իրականացված «Գենդերային սոցիալականացման գործնարացի վերլուծություն» կանանց և աղջկների կարգավիճակն ու հեռանկարները հայկական ընտանիքներում» հետազոտական ծրագրի, ինչպես նաև գենդերային կարգավիճակների և գենդերային սոցիալականացման վերաբերյալ տեսական աղյուսների վերլուծության արդյունքները: Գրքի տեսական մասը ներկայացված է մեկ գլխով՝ «Գենդերային կարգավիճակների վերաբերյալ մոտեցումները գենդերային սոցիալականացման գործնարացում», որտեղ քննարկվում են գենդերային կարգավիճակների ձևավորման վերաբերյալ մոտեցումները, տղամարդկանց դրմինանտման պատճառները, այդ կարգավիճակների սերնդեսերունդ փոխանցման մեխանիզմները: Տեսա-

կան վերլուծությամբ բացահայտվում են գենդերային սոցիալականացման էռոքունը, դրանում ներգրավված գործիչների շրջանակը, ցույց են տրվում տղաների և աղջիկների սոցիալականացման տարրերությունները: Գլխում նաև անդրադարձ է կատարվում Հայաստանում պատմական տարբեր ժամանակահատվածներում կանանց և տղամարդկանց նկատմամբ վերաբեր մունքի, գենդերային նորմների և նախապատվությունների հարցերին:

Գրքի երկրորդ՝ «Գենդերային սոցիալականացման գործընթացի վերլուծություն» գլխում ներկայացված են հետազոտության մեթոդաբանությունը և արդյունքները: Հետազոտության արդյունքներում նշանակալի տեղ է հատկացվել դուրս բերված գենդերային կարծրատիպերի (որպես գենդերային սոցիալականացման վրա ազդող հիմնական գործոն) ու գենդերային կարգավիճակների վրա դրանց ազդեցության քննարկմանը: Բացի գենդերային կարծրատիպերից, հետազոտության արդյունքները ներառում են նաև դաստիարակչական պրակտիկաների, վարքի և դրսուրումների սահմանափակումների, խրախուսվող որակների և ապագայի ապասելիքների գենդերային տարրերությունների քննարկումը: Գիրքն ամփոփվում է վերջաբանով, որտեղ շարադրված են հետազոտության արդյունքներից արված եզրակացությունները, շեշտադրված են գենդերային սոցիալականացման այն հիմնական առանձնահատկությունները, որոնք պայմանավորում են գենդերային կարծրատիպերի վերաբերությանը և գենդերային անհավասար կարգավիճակների ձևավորմանը:

Այս գրքում շարադրված գենդերային կարգավիճակների և գենդերային սոցիալականացման հիմնախնդիրների վերլուծությունը, ներկայացված հետազոտության արդյունքները կհետաքրքրեն սոցիոլոգներին, հոգեբաններին, մանկավարժներին, հարակից մասնագետներին և ուսանողներին:

1. Գենդերային կարգավիճակների վերաբարությունը գենդերային սոցիալականացման գործընթացում

1.2. Կանանց և տղամարդկանց կարգավիճակները հասարակությունում

Հասարակության մեջ կնոջ և տղամարդու կարգավիճակների հարցը, որպես սեռերի միջև հիերարխիայի երևույթ, եղել և մնում է գենդերային հետազոտությունների ուշադրության կենտրոնում: Գենդերային հիերարխիան հաճախ կապում են գենդերային դերերի հետ: Գենդերային դերերը տվյալ հասարակության մեջ կնոջը և տղամարդուն ներկայացվող մշակութային սպասումներն ու վերագրումներն են, իսկ գենդերային հիերարխիան պայմանավորված է ճրանով, թե այդ հասարակության մեջ նշյալ վերագրումները որքանով են արժնորվում և որքանով են ազդում իշխանության, ռեսուրսների, հեղինակության բաշխման վրա: Գենդերային կարգավիճակների վերաբերյալ քննարկումները հիմնականում վերաբերում են տղամարդկանց գերակայությանը և դրա պատճառների պարզաբանմանը:

Տղամարդկանց գերակայությունը մեկնաբանող «մասնավորի և հանրայինի» դիխոտոմիայի տեսությունում որպես տղամարդկանց գերակայության պատճառ դիտարկվում է կնոջ մայրական և տնային տնտեսություն դերը, որը պակաս իշխանություն և հեղինակություն պարունակող դեր է, քան տղամարդու ապրուստ վաստակողի դերը¹: Ի հակառակություն այս տեսության, Էռնեստին Ֆրիդլը համարում է, որ գենդերային կարգավիճակների ձևավորման հիմնական գործոնը տնտեսականն է. կանանց և տղամարդկանց իշխանությունը կախված է ռեսուրսների բաշխումից, ավելի շատ իշխանություն ունի այն սեռը, որը վերահսկում է տնտեսական ռեսուրսները²:

Սեռերի փոխլրացնող բնույթի տեսանկյունից են գենդերային կարգավիճակներն ու դերերը մեկնաբանել կառուցվածքային փոնկցիոնալիստները: Ըստ Թ. Պարսոնսի, սոցիալական դերերը բնական անհրաժեշտություն են, որոնք բխում են օրգանիզմների սեռական երկանությունից և ունեն փոխլրացնող բնույթ: Ընտանիքում կա երկու հիմնական դեր՝ էքսպրեսիվ,

¹ Armstrong C., Squires J., (2002). Beyond the Public/Private Dichotomy // Contemporary Political Theory N1, (pp. 261-283).

² Friedl E., (1978). Society and Sex Roles// Human Nature. April (pp.149-158).

որի գործառույթը ներդնտանեկան հարաբերությունների կարգավորումն է, և ինստրումենտալ, որի գործառույթն ընտանիքի և հասարակության միջև հայրերությունների կարգավորումն է: Մանկածնության և խնամքի կմոց կենսարանական հնարավորությունը նրան դարձնում է ավելի հարմար էքսպրեսիվ դերի կատարման համար, իսկ ինստրումենտալ դերը բաժին է ընկնում տղամարդուն³:

Գենդերային (սեռագենդերային) համակարգերի տեսանկյունից է փորձել մեկնաբանել սեռերի հիերարխիայի երևույթը Գեյլ Ռութինը, որն իր գաղափարները կառուցել է Զ. Ֆրոյդի հոգեվերլուծական և Կ. Լի-Ստրոսը ստրուկտորալիստական մարդաբանության տեսությունների համադրմաճը: Ռութինի կարծիքով, յուրաքանչյուր հասարակությունում առկա սեռ/գենդեր համակարգի միջոցով վերարտադրության կենսարանական առանձնահատկությունները, վերափոխվելով սոցիալական համակարգի ազդեցությամբ, դառնում են մարդկային հարաբերությունների կարգավորման միջոցները: Կանանց և տղամարդկանց անհավասար կարգավիճակները պայմանավորված են ոչ թե ուղղակիորեն սեռի կենսարանական առանձնահատկություններով, այլ այդ առանձնահատկությունների հետ գուգորդվող սոցիալական իմաստներով: Այդպիսով, արական սեռական առանձնահատկությունները (ֆալոսը) դառնում են իշխանության և հասարակական ակտիվության խորհրդանիշ, իսկ կանայք, որպես այդ խորհրդանիշից զրկված էակներ, հանդես են գալիս դրա փոխանցողների դերում: Ռութինի տեսությունում նաև ընդգծված է ազգակցական համակարգում սեռական-ամուսնական հարաբերությունների կարգավորման մեխանիզմների հետևանքով առաջացած տղամարդկանց կողմից կանանց «տիրապետելու» և փոխանակելու երևոյթի ազդեցությունը կանանց ստորադաս կարգավիճակի ձևավորման վրա⁴:

Համանման գաղափարի է հանգում նաև Մ. Գոդիինը, որը գենդերային անհավասար կարգավիճակների գլխավոր պատճառներից մեկը համարում է այն, որ տղամարդիկ վերահսկում են ոչ միայն արտադրության նյութական գործընթացը, այլ նաև կանանց վերարտադրողականությունը⁵:

Գենդերի սոցիալական կառուցակցման տեսությունում (Կ. Ռեսը և Դ. Ջիմերման) գենդերը վերլուծվում և մեկնաբանվում է առօրյա հարաբերություններում իրականացվող գործողությունների և պրակտիկաների համատերաստում: Գենդերի կառուցակցման գործընթացը հասկանալու համար տարբերակում են կենսարանական սեռը (կենսարանական հատկանիշների

³ Parsons T., (1964) Social Structure and Personality. New York: Free Press.

⁴ Рубин Г. 2000. Обмен женшинами: заметки о “политической экономии” пола // Хрестоматия феминистских текстов. Переводы / Под ред. Е. Здравомысловой и А. Темкиной. СПб.: Д. Буланов. (стр. 89-139).

⁵ Godelier M., (1981). The origins of male domination. – New Left Review, 127, 17.

համակցությունը, որը սուկ նախադրյալ է անհատին այս կամ այն սեռի համարելու համար), սեռի վերագրումը (սոցիալական կատեգորիզացիան ըստ սեռի) և գեներերը (ձեռքբերովի կարգավիճակ, որն ամենօրյա փոխագրեցությունների հետևանք է): Գեներերը չի ձևավորվում մեկընդմիշտ, այլ մշտապես զարգանում և վերարտադրվում է հաղորդակցական իրադրություններում: Գեներերը միջանձնային փոխագրեցության համակարգ է, որի միջոցով կառուցվում, ամրապնդվում, հաստատվում և վերարտադրվում են տղամարդկային և կանացի վերաբերյալ պատկերացումները՝ որպես սոցիալական կարգի հիմնարար կատեգորիաներ: Գեներերի կառուցակցումը տեղի է ունենում անընդիած միկրոմակարդակի բոլոր հաղորդակցական իրավիճակներում ամենօրյա «այստեղ և հիմա» փոխագրեցություններում ձևավորելով և վերարտադրելով սեռերի անհավասար կարգավիճակները: Ըստ որում, անհատներին ըստ սեռի այս կամ այն կատեգորիայի դասելը համարվում է կարևոր պայման սոցիալապես կոմպետենտ վարքի և հաջող հաղորդակցման համար: Վերագրումը որևէ սեռի տեղի է ունենում տվյալ հասարակությունում ընդունված գեներերի կառուցակցման կանոնների հիման վրա և պայմանավորված է գեներային դիսվլեյնվ⁶:

Գեներային դիսվլեյն հասկացությունը ներմուծել է Ի. Հոֆմանը, որը ևս դիտարկում էր սեռային տարբերությունները սոցիալական փոխագրեցության տեսանկյունից: Գեներային դիսվլեյը սեռական պատկանելության սոցիալապես պայմանավորված դրսևումների բազմազանությունն է դեմադիմ հաղորդակցական իրավիճակներում. այն հանդիսանում է գեներերի ստեղծման մեխանիզմը: Միջանձնային հաղորդակցումը կոնկրետ իրավիճակում ուղեկցվում է զրուցակցին կանանց կամ տղամարդկանց կատեգորիային դասելու զգիտակցված գործընթացով, ինչը տեղի է ունենում ստացվող բազմաբնույթ ինֆորմացիան (մարմնական տեսք, սիմվոլիկա, ձայն, հաղորդակցման ոճ, բովանդակություն և այլն) ավանդական «իգական» կամ «արական» ստանդարտներով տարբերակելու միջոցով: Քանի որ սեռի վերագրումը հաղորդակցման անխուսափելի հիմնարար պրակտիկան է հանդիսանում, գեներային դիսվլեյը որոշիչ նշանակություն է ունենում միջանձնային հաղորդակցման հաջողվածության համար: Գեներային դիսվլեյը համընդիանուր չէ, այլ պայմանավորված է մշակույթով և իշխանական հարաբերություններով⁷: Այսպիսով, գեներերի սոցիալական կառուցակցումը միջանձնային հաղորդակցման ամենօրյա պրակտիկաներում գեներային առանձնահատկությունների ստեղծման, պահպանման և դրսույթն է, որը ներառում է նաև անհավասար կարգավիճակների ստեղ-

⁶ Սատ Կ., Զիմմերման Դ., (1997). Создание гендеров // Гендерные тетради. Труды СПб филиала ИС РАН (сс. 94 – 124).

⁷ Goffman E. (1979). Gender Advertisements. New York: Harper and Row.

ծումն ու վերաբռնումը:

Առավել ամբողջական է Ո. Քոնելի «գենդերային կոմպոզիցիայի» մոտեցումը, որի շրջանակներում գենդերային հարաբերությունների հիմնահարցը դիտարկվում է որպես գենդերային պրակտիկաների և սոցիալական կառուցվածքների փոխազդեցուրյան գործընթաց: Ամենօրյա պրակտիկաները կառուցվածքների փոխազդեցուրյան գործընթաց: Ամենօրյա պրակտիկաները (միկրոմակարդակ), իսկ սոցիալական կառուցվածքները սահմանափակում և կարգավորում են այդ պրակտիկաները (մակրոմակարդակ): Այստեղ կարեոր է այն, որ պրակտիկաների սուրյեկտը համարվում է այնպիսի գործիչ, որը սահմանափակվում է կառուցվածքների կողմից, սակայն միաժամանակ կարող է ազդել դրանց վրա և փոփոխել⁸: Ո. Քոնելը գենդերը համարում է հարաբերական հասկացություն, կանացիությունը և տղամարդկայնությունը պրակտիկաների համախումք են, որոնք սահմանվում, ոչ թե ամբողջությամբ պարտադրվում են սոցիալական հարաբերությունների կառուցվածքի կողմից: Կանացիությունը և տղամարդկայնությունը հանդիս են գալիս ոչ թե որպես մեկնմիշտ տրված, այլ որպես մշտապես ստեղծվող նույնականություններ: Գենդերային կոմպոզիցիան սոցիալական իրականություն է, ինձ և նոր գենդերային պրակտիկաների կառուցվածքային հնարավորությունների համակարգ, որն ընդգրկում է երեք հիմնական ոլորտ՝ աշխատանք և տնտեսություն, քաղաքականություն և հոգական հարաբերություններ: Կառուցվածքային հնարավորությունների այս երեք ոլորտները սահմանում են կոնկրետ սոցիալական ինստիտուտում (ընտանիք, պետություն, կազմակերպություն և այլն) գենդերային փոխազդեցուրյունների «խաղի կանոնները»⁹:

Ո. Քոնելը պնդում է, որ հասարակությունը տղամարդկանց ներկայացնում է ազրեսիվ, ռիսկային, հոգականորեն սառը և կանանց հանդեպ դոմինանտ լինելու պահանջներ, և տղամարդկության այս տեսակն անվանում է «հեգեմոնիկ տղամարդկություն»: Տղամարդկանց սոցիալական դիրքը մասմասը կախված է նրանից, թե որքանով նրանք կհամապատասխանեն տղամարդկայնության այս ստանդարտին: Եվ չնայած տղամարդկանց մեծամասնությունը չի կարող լիարժեք համապատասխանել «հեգեմոնիկ տղամարդու» կերպարին, այս ստանդարտը շարունակում է գոյություն ունենալ, քանի որ տղամարդկանց համար շահեկան է կանանց նկատմամբ իշխանական և դիրքային առավելություն ունենալը¹⁰:

Այսպիսով, գենդերային կարգավիճակների պատճառները տարբեր կերպ են մեկնաբանվել՝ կենսաբանական նախադրյալներով պայմանավոր-


⁸ Connell R. (1987). Gender and Power: Society, the Person, and Sexual Politics, Satnford, Stanford University Press.

⁹ Connell, R. (2002). Gender. Cambridge, U.K.: Polity Press, p. 10.

¹⁰ Connell, R. (2005). Masculinities (2nd ed.). Sydney: Allen & Unwin Australia.

վածությունից մինչև զուտ մշակութային, սոցիալական կառուցակցման արդյունքը: Պետք է նաև նշել, որ գենդերային կարգավիճակները շատ տարբերվում են տարբեր մշակույթներում և նույն մշակույթում տարբեր պատճական ժամանակահատվածներում: Գժվար է գնահատել որևէ կոնկրետ հասարակությունում կնոջ և տղամարդու կարգավիճակների հավասարությունը/անհավասարությունը, քանի որ չկա միանշանակ կարծիք այն չափանիշների վերաբերյալ, որոնցով պետք է գնահատվեն և համեմատվեն այդ կարգավիճակները:

Գենդերային հավասարության եվրոպական ինստիտուտի կողմից մշակված գենդերային հավասարության ինդեքսում (ԳՀԻ) առանձնացված են գենդերային հավասարության/անհավասարության դրսորման հետևյալ հիմնական բնագավառները՝ աշխատանք, փող, գիտելիք, ժամանակ, իշխանություն, առողջություն: Իսկ բռնությունը համարվում է գենդերային հավասարության արբանյակային բնագավառ: Արբանյակային բնագավառ է համարվում նաև «համակցված անհավասարությունը», որը ցույց է տալիս սեռի և այլ գործակցություն գործոնների (օրինակ, ազգություն, տարիք, ռասա, կրոն և այլն) համակցված ազդեցությունը գենդերային հավասարության վրա:



Նկ. 1. Գենդերային հավասարության ինդեքսի բաղադրիչները¹¹

¹¹ The European Institute for Gender Equality (EIGE)., (2013). Gender Equality Index Report.

Գենդերային հավասարության ինդեքսի առաջին բաղադրիչը՝ աշխատանքը, վերաբերում է աշխատաշուկայում (վճարվող աշխատանքում) կանաց և տղամարդկանց կարգավիճակների տարրերությանը:

Երկրորդ բաղադրիչը՝ փողը, վերաբերում է կանաց և տղամարդկանց ֆինանսական ռեսուրսների և տնտեսական իրադրության տարրերություններին. կանայք սովորաբար ֆինանսապես ավելի անբարենպաստ վիճակում են լինում, ինչը մեծացնում է նրանց սոցիալական մեկուսացման վտանգը:

Երրորդ բաղադրիչը՝ գիտելիքը, առնչվում է կրթության համակարգում և գործընթացում կանաց և տղամարդկանց տարրերություններին: Եթե ասիական և աֆրիկյան երկրներում անհավասարությունը դրսնորվում է կանաց և տղամարդկանց կրթական մակարդակում, ապա Եվրոպական այն երկրներում, որտեղ կրթությունը հավասարապես հասանելի է երկու սեռին, զենդերային տարրերությունները դրսնորվում են առարկաների, մասնագիտությունների ընտրության և ուսումնառության, ինչպես նաև կանաց ակադեմիական կարիերայի և առաջխաղացման մեջ:

Չորրորդ բաղադրիչը ժամանակն է, ոլորտ, որում չափազանց արտահայտված է գենդերային անհավասարությունը, քանի որ կանայք անհամամասնորեն շատ ժամանակ են հատկացնում խնամակալության գործունեությանը, քան տղամարդիկ: Գործունեությունների բաժանումը արդյունավետի (նյութական ռեսուրսների հայթայրում) և վերաբերադրողականի (խնամք), ինչպես նաև վերջինիս արժեզրկումն առաջինի համեմատ, գենդերային անհավասարության հիմք է ստեղծում:

Հինգերորդ բաղադրիչը՝ իշխանությունը, վերաբերում է բաղաքական, սոցիալական և տնտեսական ոլորտներում որոշումներ ընդունող մարմիններում կանաց և տղամարդկանց ներկայացվածության տարրերություններին:

Վեցերորդ բաղադրիչը՝ առողջությունը, ներառում է, առողջության կենսաբանական տարրերություններից զատ, առողջության վրա ազդող այն գործոնները, որոնք ունեն գենդերային պայմանավորվածություն՝ առողջապահական ծառայությունների հասանելիություն, առողջության պահպանման ուղղված վարք և առողջական վիճակ¹²:

Այսպիսով, գենդերային կարգավիճակները ձևավորվել են դերերի և աշխատանքի սեռային բաշխման, ռեսուրսների և իշխանության անհավասար տիրապետման հետևանքով: Զնայած գենդերային պատկերացումների միշտը փոփոխություններին և որոշ երկրներում առկա հարաբերական հա-

Italy, p. 19.

¹² The European Institute for Gender Equality (EIGE)., (2013). Gender Equality Index Report. Italy, p. 18-33.

վասարությանը, մշակույթների մեծամասնությունում կնոջ և տղամարդու անհավասար կարգավիճակները շարունակում են մնալ որպես ընդունված կարգ և վերարտադրվում են յուրաքանչյուր հաջորդ սերնդում։ Գենդերային անհավասարության հարցը հատկապես հրատապ է համարվում, քանի որ հասարակությունում կնոջ հարաբերականորեն ցածր կարգավիճակն ունենում է մի շարք անցանկալի հետևանքներ, այդ թվում գենդերով պայմանավորված բռնությունն ու սեռով պայմանավորված հիդրորիան արհեստական ընդհատումները։

1.2. Կանանց նկատմամբ բռնությունը և սեռով պայմանավորված հիդրորիան արհեստական ընդհապումները որպես անհավասար գենդերային կարգավիճակների հետևանքներ

Գենդերային հավասարության իմադեքսում գենդերով պայմանավորված բռնությունը (կանանց նկատմամբ բռնություն) դիտարկվում է որպես կանանց նկատմամբ մասրույն իշխանության դրսերություն¹³։ Գենդերով պայմանավորված բռնությունը (ԳՊԲ) տարածված երևույթ է, որը բազմազան դրսերություններ ունի՝ սեռական, ֆիզիկական և տնտեսական բռնություն, աշխատանքային ուսուձգություններ, արժանապատվության ուսուահարում, մանկամուսնություն, կանացի սեռական օրգանների անդամահատում և այլն։ Համաշխարհային առողջապահական կազմակերպության 2013 թ. հետազոտությունում բացահայտվել է, որ ողջ աշխարհում 35 տոկոսից ավելի կանայք ենթարկվել են գուգընկերող կողմից ֆիզիկական կամ սեռական բռնության իրենց գուգընկերը չհանդիսացող անձի կողմից¹⁴։

Գենդերով պայմանավորված բռնությունը հիմնված է իշխանության անհավասար գենդերային բաշխումից սկիզբ առնող գենդերային դերերի և նորմերի վրա, հետևաբար, կանայք ավելի հաճախ են ենթարկվում ԳՊԲ-ն¹⁵։ Ըստ որում, դեպքերի մեծամասնությունում կանանց նկատմամբ բռնությունը կատարվում է ընտանիքի անդամի կամ գուգընկերող կողմից։ «Տղամարդկանց և գենդերային հավասարության միջազգային հետազոտության»

¹³ The European Institute for Gender Equality (EIGE)., (2013). Gender Equality Index Report. Italy, p. 31.

¹⁴ Garcia-Moreno, C., Pallitto, C., Devries, K., Stockl, H., Watts, C., & Abrahams, N. (2013). Global and regional estimates of violence against women: prevalence and health effects of intimate partner violence and non-partner sexual violence. Geneva: World Health Organization.

¹⁵ Corman W.C., (2013). Sexual and Gender-Based Violence: What is the World Bank Doing, and What have We Learned? A Strategic Review. World Bank: SocialDevelopment. Washington, p. 7.

(IMAGES) տվյալներով՝ զուգընկերոց կողմից կատարված բռնության տարածվածությունը տատանվում է 25-ից 40 տոկոսի սահմաններում տարբեր երկրների տվյալներով։ Չսա որում, գենդերային անհավասար դիրքորոշումներ ունեցող տղամարդկանց շրջանում մեծ է զուգընկերությունների նկատմամբ կատարված բռնության հաճախականությունը հետազոտության մեջ ներգրավված բոլոր երկրներում¹⁶։

Այսինքն՝ գենդերով պայմանավորված բռնության պատճառականության մեջ նշանակալի դեր ունեն գենդերային հավասարության վերաբերյալ պատկերացումները։ Այս փաստն ապացուցվում է նաև նրանով, որ գենդերի և գենդերային հարաբերությունների վերաբերյալ դիրքորոշումների փոփոխությունը հանդիսանում է գենդերով պայմանավորված բռնության կանխարգելման որոշիչ գործոն^{17,18}։

Գենդերով պայմանավորված բռնության յուրատեսակ դրսևորում է սեռով պայմանավորված հղության ընդհատումը, որի հետևանքով շատ երկրներում արիեստականորեն խախտվել է սեռերի համամասնությունը¹⁹։

Հայաստանում 2011 թ. ՍՍԿ բնակչության հիմնադրամի կողմից իրականացված հետազոտությունը ցույց տվեց, որ մեր երկրում նորածինների սեռերի համամասնությունը կազմում է 100 աղջկ/114-115 տղա, որն աշխարհում երրորդ տեղում է արական սեռի նորածինների գերակշռման առումով և զիջում է միայն Չինաստանին (100/118) և Աղրբեջանին (100/116)²⁰։

Վերլուծությունները ցույց են տալիս, որ հղության ընտրողական ընդհատումների աճը պայմանավորված է երեք հիմնական պատճառներով։

1. Հայրիշխանական մշակույթներում, որտեղ կանայք ունեն մարգինալ սոցիալական և տնտեսական կարգավիճակ և սահմանափակ իրավունքներ, արու զավակը համարվում է ավելի նախընտրելի, քան իգական սեռի զավակը։

2. Պրենատալ ախտորոշման տեխնոլոգիաների զարգացումը, որոնք

¹⁶ Barker, G., Contreras, J.M., Heilman, B., Singh, A.K., Verma, R.K., and Nascimento, M., (2011). Evolving Men: Initial Results from the International Men and Gender Equality Survey (IMAGES). Washington, D.C.: International Center for Research on Women (ICRW) and Rio de Janeiro: Instituto Promundo. p. 44-45.

¹⁷ Heise, L. (2011). What works to prevent partner violence? An Evidence Overview. London: London School of Hygiene and Tropical Medicine.

¹⁸ Ricardo, C., Eads, M., & Barker, G. (2011). Engaging boys and young men in the prevention of sexual violence: A systematic and global review of evaluated interventions. Pretoria: South Africa: Oak Foundation.

¹⁹ UNFPA. (2012). Sex Imbalances at Birth. Current Trends, Consequences and Policy Implications. – Bangkok.

²⁰ Գիլմուս Ք. Զ., Նորածինների սեռերի անհամամասնությունը Հայաստանում. Ժողովրդագրական տվյալներ և վերլուծություն: - Երևան, 2013, էջ 9:

թույլ են տալիս ծնողներին իմանալ իրենց շժնված երեխայի սեռը և դիմել հղիության օրինական կամ անօրինական ընդհատման:

3. Յածր ծնելիությունը. Երեխաների թվի սահմանափակումը և պարտադիր տղա ունենալու ցանկությունը բերում են ընտանիքին հղիության արհեստական ընդհատման որոշման, եթե պտղի սեռն անցանկալի է նրանց համար²¹:

Այս երեք գործոններից առանցքային է արական սեռի երեխա ունենալու ձգտման ուժգնությունը, քանի որ, օրինակ, Արևմտյան Եվրոպայի մեծ մասում ցածր ծնելիությունն ու արդիական վերարտադրողական տեխնոլոգիաների հասանելիությունը չեն հանգեցրել սեռերի հարաբերակցության շեղումների այն պատճառով, որ բացակայում են նշանակալի գեներացին նախապատվությունները²²:

ՍԱԿ բնակչության հիմնադրամի հետազոտությունների, ինչպես նաև Վորլդ Փիֆի Հայաստան կազմակերպության հետ համատեղ անցկացրած մեր հետազոտության արդյունքները ցույց են տալիս, որ հայաստանյան ընտանիքներում արու զավակի նախապատվության հիմքում ընկած են հետևյալ հիմնական պատճառները.

1. Տղաները համարվում են գերդաստանի շարունակողներ:
2. Տղաները դիտարկվում են որպես ընտանեկան ունեցվածքի ժառանգորդներ:
3. Տղաներն ընտանիքի ֆինանսական բարեկեցության ապահովողներն են:
4. Տղաները թե՛ սեփական տան, թե՛ հայրենիքի պաշտպանն են:
5. Տղաները շարունակում են ապրել հայրական ընտանիքում, իսկ աղջկներն ամուսնությունից հետո լրում են հայրական տունը և դադարում են պատկանել հայրական ընտանիքին (պատրիլոկալ ընտանիքի մողել):
6. Աղջկների/կանանց հոգսաշատությունը և ծնողների մտահոգվածությունը նրանց ճակատագրով, քանի որ նա «ուրիշի ձեռքում» է^{23,24}:

²¹ UNFPA. (2012). Sex Imbalances at Birth. Current Trends, Consequences and Policy Implications. - Bangkok, p. 10.

²² **Գիլմուս Ք. Զ.**, Նորածինների սեռերի անհամամասնությունը Հայաստանում. Ժողովրդագրական տվյալներ և վերլուծություն: - Երևան, 2013, 1, էջ 24:

²³ UNFPA Հայաստան. Մերով պայմանափորված հղիության արհեստական ընդհատումների տարածվածությունն ու պատճառները Հայաստանում, Զեկույց. Երևան: UNFPA, Առողջապահության նախարարություն, ՀՀ Ազգային վիճակագրական ծառայություն, Վերարտադրողական առողջության, պերինաստոլոգիայի, մանկաբարձության և գինեկոլոգիայի հանրապետական ինստիտուտ, Երևան, 2011, էջ 32-33:

²⁴ **Գարգույամ Լ.**, Հայաստանում արու զավակի նախապատվության պատճառները: - Արդիականության մարտահրավերները. Փիլիսոփայական և հոգեբանական հիմնախնդիրներ:

Այսպիսով, պարզ է դառնում, որ տղամարդկանց գերակայությամբ մշակույթներում գենդերային անհավասար կարգավիճակները գուգակցվում են կանանց և իգական սեռի զավակների պակաս արժնորմանք, ինչն էլ հանգեցնում է նրանց նկատմամբ բռնության դրսերումների նույնիսկ մինչև լույս աշխարհ գալը:

1.3. Գենդերային կարգավիճակները, նախապատվորյունները և նորմները հայկական բնակչությունում: Պատմազգագրական ակնարկ

Հայաստանում գենդերային կարգավիճակները տարբեր պատմական ժամանակահատվածներում բավական տարբերվել են՝ կնոջ ակտիվ և տղամարդուն գրեթե իրավահավասար կարգավիճակից մինչև կնոջ խիստ սահմանափակումներ ու կախյալ կարգավիճակ։ Տարբերվել են նաև տարբեր գավառների կամ լեռնային ու դաշտային շրջանների կանանց կարգավիճակները՝ պայմանավորված տնտեսության ձևով և ռազմաքաղաքական իրադրությամբ։ Գենդերային կարգավիճակների և նորմների վրա ազդեցություն են բողել նաև այն երկրների մշակութային առանձնահատկությունները, որոնց տիրապետության տակ գտնվել է Հայաստանը։ Շարունակաբար սպառնացող վտանգները, կանանց օտարների գերեւարումից պաշտպանելու և հայկական գենը մարուր պահելու անհրաժեշտությունը հանգեցրել են մի շարք սովորույթների առաջացման, որոնք իրենց ժամանակին ունեցել են ազգապահպաննան գործառույթ։ Պատմամշակութային որոշակի նախապայմանների հետևանքով ստեղծված ավանդույթներն ու սովորույթներն իրենց հետքն են բողել ներկայիս գենդերային դիքորոշումների ձևավորման վրա։ Դիտարկենք այդ նախապայմաններից գլխավորները։

Հայրական գծով ազգի՝ գերդաստանի կառուցումնը։ «Ազգը (այստեղ՝ գերդաստան իմաստով) հայրական գծով հիմնադիր նահապետից սերված վարընթաց և շեղակի կամ հորիզոնական ճյուղավորումներով մերձավոր արյունակից լնտանիքների միավորում է, որի մեջ ընդգրկված են սովորաբար վեցից յոթ, երեսմն էլ ավելի սերունդներ»²⁵։ Հայրական գծով գերդաստանը շարունակելու կարգը կոչվում է պատրիլինեալություն (լատ. pater huius + linea ejus): Ազգի սերմադային հաշվարկը կատարվում է արական գծով, իսկ ազգում տղաների բացակայության դեպքում այն համարվում է անհետացող։ Պատմազգագրական տվյալներով՝ Հայաստանում XIX դ. երկրորդ կեսից XX դ. սկիզբը արյունակիցներից զատ տվյալ ազգի անդամ էին համարվում

Սիշազգային գիտաժողովի նյութերի ժողովածու.- Եր.: ԵՊՀ հրատ., 2014, էջ 255-258:

²⁵ Նահապետյան Ռ. Ա., Հայոց ազգակցական համակարգը (XIX դ. երկրորդ կես - XX դ. սկիզբ): Պատմազգագրական ուսումնասիրություն. - Եր.: ԵՊՀ հրատ., 2012, էջ 21:

նաև տվյալ ազգի հարսները, իսկ այն բոլոր աղջիկներն ու կանայք, որոնք ամուսնանալով՝ թողնում էին իրենց հայրական տունը, ազգի շրջանակներից դուրս էին համարվում: Այսպիսով, հարսն իր հայրական ազգի համար դառնում էր լոկ «ցեղակից», իսկ սկեսրայրենց համար՝ ազգագրված ազգակից²⁶: Սկեսրայրենց ընտանիքի հանդեպ ունեցած պարտականություններից մեկն ամուսնու տոհմանունը ընդունելու էր, որն ուներ անգիր օրենքի կամ սովորությափական պարտականության ուժ²⁷: Այդպիսով, ամուսնացած աղջիկը դադարում է իր հայրական ընտանիքի, իր ազգի ներկայացուցիչը համարվել, ինչը տարածվում է նաև նրա սերունդների վրա. աղջկա երեխաները հայրական ազգի համար համարվում են արյունակից, բայց ոչ ազգակից:

Ընդլայնված ընտանիքը և դրա պատրիլուկալ (լատ. pater հայր + locus տեղ) բնույթը: Հայկական նահապետական ընտանիքը ներառում էր հոր՝ նահապետի որդիներին և նրանց ընտանիքները: Գերդաստանային, նահապետական ընտանիքին բնորոշ էր ոչ միայն համատեղ բնակությունը, այլ նաև համատեղ տնտեսությունն ու աշխատանքը^{28,29}: Ընդլայնված կարգ էր, որ հայրական ընտանիքում ապրել շարունակում էին որդին կամ որդիները (քե՛ ամուսնացած, քե՛ չամուսնացած), իսկ հակառակ երևույթը՝ ամուսնացած աղջկա ընտանիքի բնակությունը հոր տաճը («տնիկնայությունը»), հազվադեպ էր պատահում, այն էլ միայն տղա չունեցող ընտանիքներում³⁰: Մինչ այժմ հայկական ընդլայնված ընտանիքը ներառում է ծնողներին և նրանց որոր ընտանիքը (տարրերությունը գերդաստանային ընտանիքից այն է, որ հիմնականում ծնողների հետ շարունակում է ապրել որդիներից մեկը, ոչ քե՛ բոլորը):

Ընտանիքում և հասարակությունում հայրիշխանական (հուն. pater – հայր, -arch առաջնորդ, ղեկավար) կարգը: Հայաստանում հասարակական կյանքում առաջնակարգ դերը հիմնականում տղամարդուն էր պատկանում, նա էր մասնակցում հասարակական ժողովների և կարգավորում տանից դուրս կատարվող գործերը, իսկ կինը զիսավորապես տան ներքին գործառույթներն էր կարգավորում: Այս բաժանումն արտացոլված է «տղամարդ դր տան դրսի պատն ա, կինը՝ ներփ» ասացվածքում: Նույնիսկ այրի կինն ամուսնու մահից հետո չէր մասնակցում հասարակական ժողովներին, նրա

²⁶ Նույն տեղում:

²⁷ Նահապետյան Ռ. Ա., Կինը հայոց ավանդական ընտանիքում (ըստ սասունցիների ազգագրական սովորույթների), ՊԲՀ, 2009, 1(180), էջ 71-87:

²⁸ Թեմուրձյան Վ. Ա., Գամիքը հայերը, ՀԱԲ, Հ. 1.- Երևան, ՀՍՍՀ ԳԱ հրատ., 1970, էջ 110:

²⁹ Լիսիցյան Ստ., Զանգեզորի հայերը.- Եր., ՀՍՍՀ ԳԱ հրատ., 1969, էջ 184:

³⁰ Նահապետյան Ռ. Ա., Հայոց ազգակցական համակարգը (XIX դ. երկրորդ կես - XX դ. սկիզբ): Պատմասազգագրական ուսումնասիրություն. - Եր.: ԵՊՀ հրատ., 2012, էջ 35:

փոխարեն հանդես էին գալիս խնամակալը, հոգաբարձուն: Ինչպես հարսանիքի արարողության ժամանակ նորահարսը, այնպես էլ հետագա ողջ կյանքում նոյնիսկ հասակն առած կինը փողոցով քայլելիս, որևէ տուն հյուր զնալիս պետք է զնար ամուսնու հետևից³¹: Գերդաստանի, ընտանիքի ղեկավարումն իրականացնում էր հայրը, նրա մահից հետո՝ ավագ որդին: Հայրը տան ներկայացուցիչն էր համայնքում, նա էր վարում ֆինանսական և տրնտեսական գործերը, իսկ կինը (նահապետի կինը կամ տանտիկինը) ղեկավարում և կարգավորում էր տան ներսի գործերը, ինչպես նաև որոշիչ դեր ուներ երեխաների անուսնության պարագայում, հատկապես հարս ընտրելիս³²: Չնայած տան գլխավորը համարվում էր տղամարդը, կինը հայկական ընտանիքում հարգանք և հեղինակություն էր վայելու: Կնոջ հեղինակությունը մեծանում էր տարիքին զուգընթաց, տան մեծ տիկինը նահապետից հետո ամենահեղինակավոր մարդն էր ընտանիքում, նոյնիսկ տարիքն առած որդիները կարևոր որոշումներ կայացնելիս հաշվի էին առնում մոր կարծիքը³³: Քիչ չեն նաև հայ կանաց հասարակական մասնակցության վերաբերյալ վկայությունները: Միջնադարում հայ կանայք երկու ընտրական ինստիտուտների՝ վաճերերի և մենաստանների հոգաբարձուների խորհրդի և գյուղական համայնքի ավագանու անդամ են հանդիսացել³⁴: Այնուամենայնիվ, համընդհանուր ընդունված կարգը հայրիշխանական էր, ինչը ենքարդում էր մի կողմից տղամարդու գերակա դիրքը հասարակությունում, մյուս կողմից՝ հոր գերակա դիրքն ընտանիքում:

Հարունակական պատերազմական իրավիճակը, այլ ազգերի տիրապետության տակ գտնվելը, անկախության և պետականության համար մղվող դարավոր պայքարը մեծացնում էին տղամեր՝ զինվորներ, մարտիկներ ունենալու անհրաժեշտությունը: Համարվում էր, որ ազգն ուժեղ է այնքան, որքան արու զավակներ ունի, ուստի տղամերի ծնունդն ավելի մեծ խանդավառությամբ էր ընդունվում³⁵: Այս գաղափարները պահպանվել են մինչև մեր օրերը և շարունակում են սնել ցանկացած պայմանով տղա ունենալու ձգտումը:

Հողագործական և անասնապահական գրադմունքների գերակշռման պայմաններում ընտանիքը կայուն աշխատուժով ապահովելու անհրաժեշ-

³¹ **Լիսիցյան Ստ.**, Զանգեզուրի հայերը.- Եր., ՀՍՍՀ ԳԱ հրատ., 1969, էջ 221:

³² **Թեմուրճյան Վ. Ա.**, Գամիքը հայերը, ՀԱԲ, Հ. 1.- Երևան, ՀՍՍՀ ԳԱ հրատ., 1970, էջ 112:

³³ **Նահապետյան Ռ. Ա.**, Կինը հայոց ավանդական ընտանիքում (ըստ սաստնյաների ազգագրական սպորտույթների), ՊԲՀ, 2009, 1(180), էջ 71-78:

³⁴ **Բարիսուլարյան Ս. Գ.**, Հայ կնոջ իրավական վիճակը միջին դարերում.- ՊԲՀ, N 2, 1966, էջ 25-40:

³⁵ **Նահապետյան Ռ. Ա.**, Հայոց ազգակցական համակարգը (XIX դ. երկրորդ կես - XX դ. սկիզբ): Պատմազգագրական ուսումնասիրություն.- Եր.: ԵՊՀ հրատ., 2012, էջ 59:

տուրյունը: Ընտանիքի անդամների ավելացումը դիտարկվում է տվյալ ընտանիքի հաստատուն աշխատուժի ավելացման կամ նվազման տեսանկյունից, իսկ աղջիկը որպես աշխատուժ օգտագործվելու էր ոչ թե հայրական, այլ սկեսրայրենց տաճը³⁶:

Այսպիսով, հայրական գծով գերդաստանի շարունակությունը, ամուսնությունից հետո որդիների բնակությունը հայրական տաճը և ազգի ինքնապաշտպանության անհրաժեշտությունը հանգեցրել են հասարակական գիտակցության մեջ տղամարդու գերադասության ամրագրմանը: Այդ պատճառով տղա երեխայի ծնունդը շատ ավելի մեծ ուրախություն էր պատճառում ծնողներին, քան աղջկա ծնունդը^{37,38}: Տղայի ծնունդն ընդունվում էր համընդիանուր շնորհավորանքներով, իսկ աղջկա ծնունդը (հատկապես միայն աղջիկներ ունեցող ընտանիքներում) գրեթե ոժբախտություն էր համարվում, ինչպես նաև միայն աղջիկներ կամ մեծ մասամբ աղջիկներ ծնած կինն ընտանիքում հարգանք չեր վայելում³⁹: Միայն աղջիկների տեր ընտանիքները գրեթե հավասարագոր էին համարվում անզավակ ընտանիքներին⁴⁰:

Ինչ վերաբերում է գեներացիան նորմերին, ապա դրանք հստակ սահմանված էին և սկսում էին գործել մանկության տարիներից: Մինչև 6-7 տարեկան հասակը երեխաները խսդում էին միավին, ունեին միատեսակ հետաքրքրություններ, իսկ դրանից հետո տեղի էր ունենում նրանց աստիճանական ներգրավում կանանց և տղամարդկանց գրաղունքներում: Այս տարիից սկսած՝ երեխաների դաստիարակությունը կտրուկ տարբերվում էր լատ սեռի, նրանք սկսում էին նախապատրաստվել իրենց ապագա գործունեությանը, յուրացնել դրա համար անհրաժեշտ հմտություններ և աջակցել ընտանիքի մյուս անդամներին կենցաղային և տմտեսական աշխատանքներում:

Աղջիկներն ավելի վաղ տարիից էին մասնակցություն ունենում տան կենցաղային գործերին, քան տղաները: Ակսած 4-5 տարեկանից՝ աղջիկները մասնակցում էին տան ու բակի մաքրության, կրտսեր սիրինգների խնամքի գործողություններին, ջուր էին բերում, տան մեծերին և հյուրերին սպասարկում, մեծերի հանձնարարականները կատարում, իսկ 8-12 տարեկան աղջիկները սպիրում էին բուրդ գզել, ճախարակ պտտել, իլիկ մանել, խսոր հունցել, հաց բխել, այծ ու ոչխար կրել, պանիր մակարդել, լվացը անել, գուլ-

³⁶ **Լիսիցյան Ստ.**, Լեռնային Ղարաբաղի հայերը, ՀԱԲ, Հ. 12.- Երևան, ՀՍՍՀ ԳԱ հրատ., 1981, էջ 40:

³⁷ **Գևորգյան Գ. Գ.**, Ղզլար, ՀԱԲ, Հ. 10 .- Երևան, ՀՍՍՀ ԳԱ հրատ., 1980, էջ 46-47:

³⁸ **Լիսիցյան Ստ.**, Լեռնային Ղարաբաղի հայերը, ՀԱԲ, Հ. 12.- Երևան, ՀՍՍՀ ԳԱ հրատ., 1981, էջ 40:

³⁹ Նույն տեղում:

⁴⁰ **Նահապետյան Ռ. Ա.**, Հայոց ազգակցական համակարգը (XIX դ. երկրորդ կես - XX դ. սկիզբ): Պատմասպագրական ուսումնասիրություն. - Եր.: ԵՊՀ հրատ., 2012, էջ 58:

պա, կարպետ, գորգ գործել, շոր կարել, կարկատել, ասեղնագործել և կատարել այն ամենը, ինչ հետազայում նրանց պետք էր լինելու ամուսնությունից հետո^{41, 42}: Տղամերը մոտավորապես 8-12 տարեկանից համալրում էին ընտանիքի աշխատավորների շարքերը՝ մասնակցելով անասնապահական, հողագործական աշխատանքներից^{43, 44}:

Իգական սեղի նկատմամբ գործում էր սահմանափակումների խիստ վերահսկվող կարգ, որը վերաբերում էր թե՛ շամուսնացած աղջկներին, թե՛ ամուսնացած հասուն կանանց: Վերահսկվում էին կանանց տեղաշարժման, արտաքին տեսքի, խորի դրսերումները: Եթե աղջկ երեխաների նկատմամբ կիրառվող սահմանափակումները բավական մեղմ էին, ապա սկսած սեռահասունացման տարիքից (որը հիմնականում համընկնում էր ամուսնության տարիքին)՝ դրանք խստանում էին: Ամենախիստ սահմանափակումներին ենթարկվում էր նորահարսը, ինչը տևում էր մինչև նրա մի քանի զավակ ունենալը, այնուհետ սահմանափակումներն աստիճանաբար նվազում էին, իսկ ամենազարդ այս առումով տան «մեծ մայրն» էր: Կնոջ այս սահմանափակ վիճակը հիմնականում հետևանք էր պատմական այն իրադարձությունների, որոնց ընթացքում հայ կինը ստիպված էր հեռու մնալ հասարակական կյանքից: Նա հաճախ ստիպված է եղել քաքնվել, ծպտվել՝ նույնիսկ տղամարդու կերպարանը ընդունելով: Մրանք երիտասարդ կանանց և աղջկներին բարբարոսների գերեվարումից և բռնությունից պաշտպանելու անհրաժեշտությունից առաջացած նորմեր էին⁴⁵: Քանզի, ինչպես արդեն նշվեց, միջնադարյան արքունիքներում արձանագրված են հայ կնոջ նկատելիորեն ավելի ազատ ու ակտիվ և իրավահավասար դիրքերը տղամարդու հետ^{46, 47}:

Կնոջ սահմանափակումները տարբերվում էին ոչ միայն տարիքային, այլ նաև բնակավայրային առումով: Դաշտային շրջանների կանանց իրավունքները, լեռնային շրջանների կանանց համեմատ, բավական սահմանափակ էին, վերջիններս համեմատաբար ազատ էին մասնակցելու ընտանեկան և հասարակական բնույթի խորհուրդներին: Լեռնային շրջաններում կանանց

⁴¹ **Նահապետյան Ռ. Ա.**, Կինը հայոց ավանդական ընտանիքում (ըստ սաստոնցիների ազգագրական ստորոտյների), ՊԲՀ, 2009, 1(180), էջ 71-78:

⁴² **Լիսիցյան Ստ.**, Զանգեզուրի հայերը.- Եր., ՀՍՍՀ ԳԱ հրատ., 1969, էջ 218:

⁴³ Նոյն տեղում:

⁴⁴ **Վարդանյան Լ. Մ.**, Տղամարդկանց տարիքային խմբերի ավանդույթները հայերի մեջ, ՀԱԲ, Հ. 12 .- Երևան, ՀՍՍՀ ԳԱ հրատ., 1981, էջ 96-97:

⁴⁵ **Սեղբոսյան Կ. Վ.**, Արհեստավորական ավանդույթները և դրանց արտահայտությունները լեռնականցիների կենցաղում. ՀԱԲ, Հ. 6 .- Երևան, ՀՍՍՀ ԳԱ հրատ., 1974, էջ 236-237:

⁴⁶ **Բարխուլարյան Ս. Գ.**, Հայ կնոջ իրավական վիճակը միջին դարերում.- ՊԲՀ, N 2, 1966, էջ 25-40:

⁴⁷ **Գոշ Միսիքար**, Դատաստանագիրը, բարգմ. Մարսիմ Ռուկանյանի.- Երևան, 2001:

ընտանելիան ու հասարակական ակտիվությունը պայմանավորված էր, մի կողմից, տղամարդկաց տևական բացակայության պայմաններում ինքնույթը խնդիրների լուծման և որոշումների ընդունման անհրաժեշտությամբ, մյուս կողմից՝ նաև ռազմաքաղաքական հանգամանքներով. կանայք, տղամարդկանց ուժերը համալրելու նպատակով, ակտիվորեն մասնակցում էին քրողական և քորրական հարձակումներից ու կորոպուտներից ինքնապաշտպանության գործին⁴⁸:

Այսպիսով, պատմական իրավիճակի և մշակութային առանձնահատկությունների ազդեցությամբ հասարակական գիտակցության մեջ խորն արմատավորվել են տղամարդու գերադասության պատկերացումը, տղա ունենալու և աղջկան սահմանափակելու ձգումները, որոնք ել, որոշակի վերափոխումներով հասնելով մինչև մեր օրերը, պայմանավորում են այսօր կնոջ ու տղամարդու վերաբերյալ դիրքորոշումները և գենդերային նորմերը հայատանություն:

1.4. Գենդերային պատկերացումների փոխանցումը սերնդեսերունդ գենդերային սոցիալականացում

Հաշվի առնելով այն, որ գենդերային պատկերացումները, դիրքորոշումներն ու նորմերը սահմանում են հասարակությունում կնոջ և տղամարդու տեղն ու դիրքը, դիտարկենք այդ պատկերացումների և նորմերի միջսերնդային փոխանցման գործընթացը: Գենդերային սոցիալականացումն այն գործնքացն է, որի միջոցով տղան կամ աղջիկը յուրացնում են տղամարդկային և կանացի լինելու հասարակայնորեն ամրագրված ձևերը և կառուցումն են իրենց գենդերային նույնականությունը, այսինքն՝ սովորում են լինել կին կամ տղամարդ:

Զ. Վուդը համարում է, որ գենդերը ձևավորվում է անգիտակցական և գիտակցական գործնքացների միջոցով. անգիտակցական գործնքացներն են նույնականացումը, ներքնայնացումը և Ես-ի սահմանների ձևավորումը, իսկ գիտակցական մակարդակում սեռի մասին գիտելիքների ձեռքբերումը տեղի է ունենում ծնողների, այլ մեծահասակների և հասակակիցների հետ շփման ընթացքում: Գենդերի ձևավորման անգիտակցական գործնքացները հիմնականում քննարկվում են հոգեվերլուծական տեսություններում, որոնցում բացահայտվում են նույն սեռի ծնողի հետ երեխայի նույնականալու և նրա սեռատիպիկ վարքաձևերն ու որակները ներքնայնացնելու մեխանիզմները: Գիտակցական մակարդակում գենդերային սոցիալականա-

⁴⁸ **Ա. Նահապետյան,** Կինը հայոց ավանդական ընտանիքում (Ըստ սաստնյաների ազգագրական տվյալների), ՊԲՀ, 2009, 1(180), էջ 71-78:

ցումը տեղի է ունենում դաստիարակության մեջ ծնողների, ուսուցիչների և այլ մեծահասակների անմիջական ցուցումների, խրախոսանքի և պատժի միջոցով, հաղորդակցման գործընթացում՝ վարքային մոռեների դիտման և ընարկման, դիրքորոշումների անուղղակի փոխանցման միջոցով⁴⁹:

Սեռային կարծրատիպերի անուղղակի փոխանցումը տեղի է ունենում երեխաների համար զնվոր խաղալիքների, հազուսի և տաճր հանձնարարվող պարտականությունների միջոցով: Շատ ծնողներ ակտիվորեն հետ են պահում իրենց երեխաներին հակառակ սեռին բնորոշ խաղալիքներով կամ հակառակ սեռին բնորոշ խաղեր խաղալու ձգուումից: Օրինակ, տղաներին կարող են պարսավել տիկնիկներով խաղալու կամ կերակուր պատրաստելու համար, իսկ աղջիկների՝ ակտիվ, մրցակցային խաղեր խաղալը կարող է հավանության չարժանանալ: Ծնողները նաև հաղորդում են գեներային սպասումներն այն տնային հանձնարարությունների միջոցով, որ նրանք տալիս են որդիներին և դուստրերին: Մոտավորապես 6 տարեկանից սկսած շատ երեխաների տրվում են պարտականություններ, որոնք արտացոլում են նրանց ծնողների սպասումները սեռի նկատմամբ: Տաճ մաքրության և սննդի պատրաստման հետ կապված հանձնարարություններ տրվում են դուստրերին, իսկ տղաներին կարող են հանձնարարել, օրինակ, պարտեզի խնամքը, մերենան լվանալիս հայրիկին օգնելը և այլն⁵⁰:

Գեներային սոցիալականացումը փորձել են մեկնաբանել մի շարք տեսարաններ: Գեներային սոցիալականացման այսպես կոչված իդենտիֆիկացիոն տեսություններում բացահայտվում և բացատրվում են գեներային նույնականության ձևավորման մեխանիզմները:

Զ. Ֆրոյդը գեներային նույնականացման գործընթացը բացատրում է «Եղիայի» և «Ելեկտրայի» բարդույթներով: Այս բարդույթները դրսարվում են հակառակ սեռի ծնողի նկատմամբ անգիտակցական սեռական ցանկությամբ և նույն սեռի ծնողի նկատմամբ խամղի զգացմամբ ու նրան ֆիզիկապես հեռացնելու ձգումամբ: Այս ցանկությունները երեխայի մեջ առաջանում են մեղքի զգացում և պատժվելու վախ, առաջանում է անգիտակցական կոնֆլիկտ, որի հանգուցալուծումը կայանում է նույն սեռի ծնողի հետ նոյնականացման մեջ: Այդպիսով ձևավորվում է նորմալ գեներային նույնականությունը⁵¹:

Գեներային նույնականացման կարևոր առանձնահատկություններն ընդգծված են հոգեվերլուծող, ֆեմինիստ Ն. Չոլորոուի տեսությունում: Փոր-

⁴⁹ Wood J., (2015). Gendered Lives: Communication, Gender and Culture. 11th ed., Cengage Learning.

⁵⁰ Wood J., (2015). Gendered Lives: Communication, Gender and Culture. 11th ed., Cengage Learning.

⁵¹ Фрейд З., Введение в психоанализ. Лекции. М., Наука, 1989.

ձելով բացահայտել յուրաքանչյուր սերնդում որոշակի ընդհանուր և գրեթե համբնդիանուր տարբերությունների վերարտադրությունը, որոնք բնութագրում են արական և իգական անձնավորությունները և դերերը, Չորրորդն վերագրում է այս տարբերությունները ոչ թե անտոմիական առանձնահատկություններին, այլ այն փաստին, որ կանայք ամենուր ավելի շատ են պատասխանատու երեխայի խնամքի համար: Քանի որ երեխայի առաջին խնամակալը միշտ իգական սերի անձնավորությունն է, առաջնային նոյնականացումը տեղի է ունենում իգական սերի հետ: Ավելի ուշ, երբ տղա երեխան զիտակցում է, որ ինքն ու մայրը նույն սերի չեն, նա ստիպված է լինում խարիսկել այդ առաջնային նոյնականությունը և ձևավորել այլ՝ արական նոյնականություն: Սակայն, քանի որ հայրը միշտ հասանելի կամ ներկա չէ ինչպես մայրը, այս նոյնականացումն ավելի շուտ դիրքային է, քան անձնային: Այսինքն՝ տղան նոյնականացումն է կատարում սոցիալական դերի հետ կամ նոյնիսկ կոնցեպցիայի, ոչ թե այն անձի, որի հետ նա կապված է առաջնային հոգական փոխարարերությամբ: Ըստ Ն. Չորրորդի, իոր հարաբերական բացակայությունը և վերացական երևույթի հետ նոյնականացելու բարդությունը բացատրում են թե՛ կանանց բերագնահատումը, թե՛ ստորակարգությունը: Մա ի հայտ է գալիս, քանի որ բախվելով տղամարդ լինելու սպասումների և պահանջների հետ, բայց չունենալով որևէ մեկը, ումից կարելի է առնականություն սովորել՝ տղաներն այն սահմանում են բացասական չափանիշներով. այսինքն՝ առնականությունն այն է, ինչ կանացի չէ, կամ ինչում որ կին չկա: Հետևաբար, նրանք մերժում են այն ամենը, ինչ թվում է կանացի կամ իգական, և դա անում են թե՛ ներքին, թե՛ արտաքին մակարդակներում: Ներքնապես նրանք մերժում են մորք՝ ժխտելով նրա նկատմամբ զգացած կապվածությունը և ճնշելով իրենց կանացի մասը: Արտաքնապես նրանք թերագնահատում են այն, ինչ կանացի է այս աշխարհում: Այս ճանապարհով տղամարդկայնությունը դառնում և մնում է արդյունք տղաների համար՝ ներառելով մոր հետ կապվածության ամբողջական կամ մասնակի մերժումը, կանացիության ճնշումն ու թերագնահատումը⁵²:

Ըստ Է. Բաղենտերի, տղամարդկային նոյնականություննը ձևավորվում է կանացիության ժխտման, ոչ թե առնականության կայացման հիման վրա⁵³, քանի որ վաղ մանկությունից տղաներին ոչ այնքան սովորեցնում են «լինել տղամարդկային», որքան սովորեցնում են «չլինել կանացի»: Արական նոյնականության ձևավորումը կանացիության (մոր հետ կապվածության) ժխտման միջոցով հանգեցնում է կանացիության արտամդման ու թերագնա-

⁵² Chodorow N., (1978). Reproduction of Mothering. Psychoanalysis and the sociology of gender. Berkeley, University of California Press, p. 169-175.

⁵³ Бадентэр Э., Мужская сущность. — М.: АО «Изд-во «Новости»», 1995.

հատման խոր հոգեբանական և մշակութային մակարդակներում⁵⁴, ինչը հիմք է ստեղծում կանանց ստորադասման և գեներային անհավասարության համար:

Սոցիալական ուսուցման կամ սոցիալ-կոզմիտիվ տեսության շրջանակներում ավելի շատ մեկնարաններում են գեներային դերերի և գեներային կարծրատիպերի յուրացման մեխանիզմները, առանձնացվում է այդպիսի երեք հիմնական մեխանիզմ՝ ուսուցում, ամրապնդում և մոդելավորում: Մոդելավորումը, Ա. Բանդուրայի համաձայն, անհատների կողմից սոցիալական վարքի յուրացումն է նշանակալի որիշների վարքի դիտնան և ընդորինակման միջոցով⁵⁵: Այս դիտարկումներն ու ընդորինակումները տեղի են ունենում ողջ կյանքի ընթացքում, սակայն առավել կարևոր են երեխաների և դեռահասների զարգացման համար: Ակսած վաղ մանկությունից՝ երեխաներն իրենց ծնողներից սովորում են տղաներին և աղջիկներին համապատասխանող վարքածները, իսկ այդ տարիքում ձևավորված պատկերացումները (այդ թվում և գեներային) կարող են ազդել մարդու դիրքորոշումների և վարքի վրա ողջ հետագա կյանքի ընթացքում: Բացի ծնողներից, սեռատիպիկ վարքի ձևավորման վրա էականորեն ազդում են նաև այլ նշանակալի անձինք՝ հասակավիցները, ուսուցիչները և այլք, ինչպես նաև զանգվածային լրատվամիջոցներով մատուցվող վարքի մոդելները: Մոդելավորումն ունի երկու փուլ՝ յուրացում և կատարում: Յուրացման փուլում երեխաները յուրացնում են արական և իգական դերերի բովանդակությունը, սակայն կրկնում կամ իրականացնում են (կատարման փուլ) միայն վարքի այն նմուշները, որոնց մոդելների գործողություններն ունեցել են դրական հետևանքներ: Համաձայն այս տեսության, որքան ավելի հստակ է որոշակի վարք կարծրատիպացվում մի սերի համար, այնքան ավելի հավանական է, որ այդ սերի երեխան կրնօրինակի այդ վարքը⁵⁶:

Կոզմիտիվ զարգացման տեսությունը գեներային սոցիալականացման գործնաքացը դիտարկելիս շեշտը դնում է երեխայի կոզմիտիվ ակտիվության, աշխարհի և իրեն ճանաչելու օրինաչափությունների վրա: Այս տեսության մերկայացուցիչ Լորենս Կոլբերգը պնդում էր, որ իրենց սերը յուրացնելու համար երեխաները կախված չեն ո՛չ մեծահասակներից՝ որպես մոդելներ, ո՛չ նրանց խրախուսանքից ու պատժից, փոխարենը նրանք ակտիվորեն

⁵⁴ **Чодоров Н.**, Воспроизведение материнства: Психоанализ и социология гендера.-М., РОССПЭН, 2006, стр. 225.

⁵⁵ **Bandura, A.** (2001). Social Cognitive Theory: An Agentic Perspective. Annual Review of Psychology, 52, 1-26.

⁵⁶ **Bandura, A.** (1989). Social cognitive theory. In R. Vasta (Ed.), Annals of child development. Vol. 6. Six theories of child development (pp. 1-60). Greenwich, CT: JAI Press.

դասակարգում են իրենց և որպիշներին որպես իգական կամ արական սեռի ներկայացուցիչներ և հետո կազմակերպում իրենց վարքը սեռին համապատասխան⁵⁷:

Գենդերի սխեմայի տեսությունում (Սանդրա Բեմ) միավորված են սոցիալական ազդեցությունների և կողմնիտիվ զարգացման մեխանիզմները: Ըստ Ս. Բեմի, սեռի սխեմատիկ մշակումը, որը բնորոշվում է որպես երեխայի ընդհանրացված պատրաստակամություն՝ ընդունել և կազմակերպել ինֆորմացիան (ներառյալ Ես-ի մասին ինֆորմացիան) համաձայն տղամարդկայնության և կանացիության մշակութային բնորոշումների, հանգեցնում է գենդերի տիպականացման: Գենդերային տիպականացումը միջնորդավորված է երեխայի սեփական կողմնիտիվ վերամշակմամբ, իսկ այս վերամշակումը սկիզբ է առնում հասարակության կրողմից սահմանվող գենդերային տարրերակումներից. Երեխայից դուրս գտնվող աշխարհը տարրերակում է սեռերը և դրանց տարրեր ձևով է վերաբերվում: Աշխարհը բաժանված է կանացի և տղամարդկային կատեգորիաների, այն ի սկզբանե երեխային տալիս է դիխոսումիկ տեղեկատվություն, և երեխան յուրացնում է այս կատեգորիաները՝ առանձնացնելով իր սեռին վերաբերող տեղեկատվությունն իր սեռին չվերաբերող տեղեկատվությունից⁵⁸:

Այս տեսանկյունից, հասարակությունում առկա կանաց և տղամարդկանց վերաբերյալ գերակշռող կարծրատիպերը և սպասումները մարդկանց տրամադրում են կողմնիտիվ քարտեզներ և տալիս են որոշակիության և օնրուղիական ապահովության զգացում, այդ պատճառով դրանք լայնորեն տարածված են⁵⁹:

Գենդերային սոցիալականացումը որպես սեռային դերերի յուրացում է մեկնարանել Թավկոտ Փարտնար, ըստ որի, եական են կնոջ և տղամարդու միջև առկա տարրերությունները որպես սոցիալական գործիչներ, և այդ տարրերություններն ունեն փոխլրացնող բնույթ: Գենդերային դերերի տարրերակումն անհրաժեշտություն է, այն գործառութային նշանակություն ունի, իսկ ընտանիքում աշխատանքի բաժանումն «ինստրումենտալ» տղամարդկանց և «էքսպրեսիվ» կանաց միջև անհրաժեշտ է երեխայի համարժեք սոցիալականացումն ապահովելու համար: Ընտանիքում, հասակակիցների խմբերում, դպրոցում, սոցիալական խմբերում և հաստատություններում երեխաները տեսնում են արական և իգական սեռի վարքածների և հատկանիշ-

⁵⁷ Kohlberg L., & Ullian D.Z., (1974). Stages in the development of psychosexual concepts and attitudes. In R.C. Friedman, R.M. Richart, R.L. Vande Wiele (Eds.), Sex differences in behavior, New York. Wiley. (pp. 249-261).

⁵⁸ Bem S., (1981). Gender Schema Theory: A Cognitive Account of Sex Typing. Psychological Review N88, (pp.354-364).

⁵⁹ Howard J. A., Jocelyn H. A. (1997). Gendered Situations, Gendered Selves. Thousand Oaks, CA: Sage, p. 88.

Աերի բազմաթիվ օրինակներ: Արդյունքում՝ տղաներն ու աղջիկները ներք-նայնացնում են սեռատիպիկ անձնային գծեր և վարքածներ, ձևափորում են գենդերային նույնականություն, որը համապատասխանում է սոցիալական կառուցվածքում կնոջ կամ տղամարդու դիրքին ու դերին⁶⁰:

Գենդերի կառուցակցման տեսակետից գենդերային սոցիալականացումը մեկնարանել են Պ. Բերգերը և Թ. Լուկմանը: Համաձայն այս մոտեցման, տղամարդիկ և կանայք հասարակության մեջ տարբեր սոցիալական աշխարհներ են «զրադեցնում», երեխայի առաջնային սոցիալականացման գործնքացում նշանակալի որիշների դեր կատարելով՝ տղամարդիկ և կանայք այդ տարբերվող իրականությունները փոխանցում են նրան: Իրականության տղամարդկային և կանացի տարբերակները սոցիալականացվեն լնորունված են, և այդ լնորունվածությունը հաղորդվում է առաջնային սոցիալականացման միջոցով: Տիայի համար կանխորոշված է տղամարդկային տարբերակի գերակշռությունը, իսկ աղջկա համար՝ կանացի: Երեխան տեղեկանում է մյուս սեռին պատկանող տարբերակի մասին այն չափով, որքան այն միջնորդավորված է հակառակ սեռի նշանակալի որիշներով, սակայն նա չի նույնականացնում այն իր տարբերակի հետ: Սովորաբար հակառակ սեռի իրականությունը երեխայի կողմից ներքնայնացվում է, քայլ նա «համապատասխանաբար» նույնականացվում է իրեն կանխորոշված իրականության հետ⁶¹:

Ա. Ուեպինան միավորել է գենդերային նույնականությունը և սոցիալականացումը մեկ գործնքացի մեջ՝ դիտարկելով առաջնորդ որպես երկրորդի մի փուլ: Համաձայն Ա. Ուեպինայի, գենդերային սոցիալականացումն ընթանում է երեք փուլով: Առաջին փուլում տեղի է ունենում գենդերային նույնականացումը, երբ երեխան, սովորելով տարբերակել կանաց և տղամարդկանց, տղաներին և աղջիկներին ու նրանց բնորոշ վարքածները, իրեն դասում է տղամերի կամ աղջիկների խմբին: Երկրորդ փուլում տեղի է ունենում գործունեության և կյանքի տարբեր ոլորտներում գենդերային նախընտրությունների ձևափորում: Այս փուլը սերտորեն կապված է նախորդի հետ, քանի որ նախընտրություններ ձևափորելու համար երեխան պետք է իմանա, թե որոնք են տարբեր սեռի մարդկանց վարքի տարբերությունները: Երրորդ փուլում տեղի է ունենում գենդերային ստանդարտներին համապատասխանող վարքածների յուրացում և որոշ հոգեբանական գենդերային առանձնահատկությունների ձևափորում⁶²:

⁶⁰ Parsons T. (1964). Social Structure and Personality. New York: Free Press.

⁶¹ Бергер П., Лукман Т., Идентичность. В кн. Психология самосознания. /Под ред. Д. Я. Райгородского. Самара, БАХРАХ-М, 2000, с. 567-588.

⁶² Репина Т. А., Проблема полоролевой социализации детей / Т. А. Репина. Москва – Воронеж, 2004.

Գենդերային սոցիալականացման գործընթացը գերազանցապես հասարակությունում առկա սոցիալական սպասումների միջոցով են մեկնաբանում «սեռի նոր հոգերանության» կողմնակիցները: Զ. Սոտրկարովը և Մ. Չոնտնը պնդում են, որ կենսաբանական (բնածին) սեռը կարող է միայն օգնել սահմանել մարդու պոտենցիալ վարքը, իսկ հոգերանական, սոցիալական սեռը յուրացվում է կյանքի լնքացրում, և դրա ձևավորման վրա մեծ ազդեցություն են ունենում գենդերային դերերի դասակարգային, երիկական, ռասայական տարրերությունները և դրանց համապատասխանող սոցիալական սպասումները⁶³: Ըստ Ռ. Անգերի, գենդերային առանձնահատկությունների գլխավոր դետերմինանտները սոցիալական սպասումներն են, դերերը և վարքի սեռային համապատասխանության ավանդական պահանջները: Այն սոցիալական պահանջները, որոնց պետք է համապատասխանի անհատի վարքը, հանդիսանում են «ինքնիրականացվող կանխատեսումներ», դրանք այնքան խիստ են սահմանում գենդերային հակագրումների սխեմաները, որ շարունակում են գործել նույնիսկ այն դեպքերում, երբ մարդը մենակ է մնում կամ հայտնվում է այնպիսի իրավիճակներում, երբ անձի սեռական պատկանելությունն էական չէ: Անգերի կարծիքով, գենդերի սոցիալական կառուցակցման հիմքն ամենօրյա սոցիալական ինտերակցիաներն են, իսկ տևական գենդերային սոցիալականացման լնքացրում ձեռքբերված անձնային գծերն ունեն երկրորդական նշանակություն⁶⁴:

Ի. Վեցինան գտնում է, որ հասարակությունում գոյություն ունեցող գենդերային կարծրատիպերը (արական և իգական վարքի մոդելների և բնավորության գծերի մասին ստանդարտացված պատկերացումները) էականորեն ազդում են երեխաների գենդերային սոցիալականացման վրա՝ կանխորշելով դրա ուղղվածությունը: Այդ կարծրատիպերը բաժանվում են երեք հիմնական խմբի:

Մասրուլմության-ֆեմինիմության կարծրատիպեր. Վերաբերում են անձի հոգերանական հատկանիշներին և որակներին, հոգերանական և վարքային առանձնահատկություններին: Մրանք հանդիսանում են սեռերի հոգեֆիզիոլոգիական և սոցիալական տարրերությունների բացարձակացման և լնդիանրացման արդյունք, որի հետևանքով նասքովինությունը նույնացվում է ակտիվ-ստեղծագործական, մշակութային, ֆեմինինությունը՝ պատմվածքարտադրական, բնական նախասկզբի հետ: Այդ նորմատիվ պատկերացումները հակադրում են կանանց և տղամարդկանց՝ նրանց տալով

⁶³ Stockard J., Johnson M.,(1980). Sex Roles: Sex Inequality and Sex Role Development, Prentice Hall.

⁶⁴ Unger R. K., (1990). Imperfect reflections of reality: Psychology and the construction of gender. In R. Hare-Mustin & J. Marecek (Eds.). Making a difference: Representations of gender in psychology. New Haven: Yale University Press, (pp. 102 - 149).

ընեռային հատկանիշներ և դմելով նրանց հիերարխիկ հարաբերակցության մեջ. տղամարդկանց համարում են դոմինանտ, անկախ, կոմպետենտ, ինքնավատահ, ազրեսիվ և տրամաբանող, իսկ կանանց՝ ենթարկվող, կախյալ, հոգական, կոնֆորմ ու նորր:

Գենդերային կարծրատիպերի երկրորդ խումբը վերաբերում է ընտանեկան և մասնագիտական դերերի գենդերային տարրերակմանը: Կանանց համար առաջնային սոցիալական դերերն ընտանեկան դերերն են, իսկ տղամարդու համար՝ մասնագիտականը: Այդ դերերի լավագույն իրականացման համար կանանցից ակնկալվում է միջանձնային հարաբերություններ հաստատելու ընդունակություն, իսկ տղամարդկանցից՝ նպատակավացություն, ձեռքբերումների ձգուում:

Գենդերային կարծրատիպերի երրորդ խումբը կապված է աշխատանքի բովանդակային տարրերությունների հետ: Կանանց վերագրվում է գործունեության էրսպրեսիվ ոլորտը՝ սպասարկման և կատարողական բնույթի աշխատանքը, իսկ տղամարդկանց ինստրումենտալ ոլորտը՝ ստեղծագործական, արտադրական, դեկավարման բնույթի աշխատանքը⁶⁵:

Գենդերային նույնականության և գենդերային սոցիալականացման տեսառությունները բացահայտում են «արական» և «իգական» անձի կայացման կարևոր մեխանիզմները, իսկ միջշակութային հետազոտությունները ցույց են տալիս, որ տարրեր հասարակություններում տղաների և աղջիկների մեջ փորձում են ձևավորել տարրեր որակմեր: Ընդհանրապես, տղաներին ավելի կոպահան են վերաբերվում և խրախուսում են լինել ավելի ազրեսիվ, իսկ աղջիկներին ավելի նորր են վերաբերվում և խրախուսում լինել հոգական և ֆիզիկապես զուսաց:

Ուսումնասիրելով 110 տարրեր մշակույթներում գենդերային սոցիալականացման առանձնահատկությունները՝ Հ. Բարի Յ-րդը, Մ. Բեկոնը և Ի. Չայլդը բացահայտել են, որ այդ մշակույթների մեծամասնությունում աղջիկների մեջ ձգուում են ձևավորել հոգատարություն, ենթարկվողություն և պատասխանատվություն, իսկ տղաների մեջ՝ ձեռքբերումների ձգուում և սեփական ուժերին ապավինելու ունակություն⁶⁶:

Ակսած նորածնությունից՝ երեխաները ստանում են գենդերացված ուղերձներ հագուստի և սպիտակեղենի գումային տարրերակման, հետազյում՝ սեռատիպիկ խաղալիքների, պարագաների գնման, ինչպես նաև տարբերակված ծնողական ինտերակցիաների միջոցով: Ողջ հետագա հաղոր-

⁶⁵ Клецина И., Гендерная социализация. Учебное пособие.- СПб.: Издательство РГПУ им. А. И. Герцена, 1998.

⁶⁶ Barry H. III, Bacon M., Child I., (1962). A Cross-Cultural Survey of Some Sex Differences in Socialization. In J.F. Rosenblith and W. Allinsmith (Eds.). The Causes of Behavior: Reading in Child Development and Educational Psychology. Boston MA, Allyn and Bacon Inc., (pp.253-258).

դակցումը վերբալ և ոչ վերբալ ուղիներով փոխանցում է տարրերակված գենդերային ինֆորմացիա: Կյանքի առաջին տարիներին այդ ինֆորմացիայի հիմնական փոխանցողմերը ծնողներն են, ապա երեխայի կյանք են մտնում գենդերացված ուղերձների այլ աղբյուրներ՝ հեռուստատեսությունը, զանգվածային լրատվամիջոցների որիշ աղբյուրներ, հասակակիցները, մանկավարժները և այլ մեծահասակներ: Հեռուստատեսությունը տրամադրում է սեռատիպիկ մոդելների՝ տղաների ակտիվության, ագրեսիվության, դրմինանության և աղջկների հուզականության, կախյալության շեշտադրմամբ^{67,68}: Մանկական գրականությունը և նույնիսկ դպրոցական դասագրքերը պարունակում են գենդերային կարծրատիպիկ բազմաթիվ դրսւորումներ^{69,70}: Հասակակիցների խմբերը նույնպես կարևոր գործիչներ են գենդերային սոցիալականացման գործընթացում. նրանք ակտիվորեն խրախուսում են միմյանց սեռատիպիկ վարքը, ըստ որում, տղաներն ավելի անհանդուրժող են իրենց ընկերների սեռին ոչ տիպիկ վարքածների հանդեպ, քան աղջկները^{71,72}: Գենդերային դիրքորոշումների և կարծրատիպիկ ևս մեկ աղբյուր է դպրոցը: Հայտնի է, որ ուսուցիչները տարրերակված ուշադրություն են դրսւորում տղաների և աղջկների նկատմամբ, խրախուսում են տարրեր դրսւորումներ և ավելի են արժնորում տղաների ջանքերը⁷³:

Սոցիալականացման այս բոլոր գործիչների կողմից վերբալ և ոչ վերբալ հաղորդակցման միջոցով գենդերային դիրքորոշումները փոխանցվում են սերմուներուն՝ երեխաների մեջ ձևավորելով մասքուլին և ֆեմինին որակներ: Աղջկներին քույլատրում և նույնիսկ խրախուսում են լինել կախյալ, նրանց փոխանցվում է սեփական ուժերի նկատմամբ անվստահությունը, ուրիշների աշակցության անհրաժեշտությունը, միջանձնային հարաբերու-

⁶⁷ Smith S., Cook C., (2008). Gender Stereotypes: An Analysis of Popular films and TV, Conference 2008, The Geena Davis Institute on Gender in Media, http://seejane.org/wp-content/uploads/GDIGM_Gender_Stereotypes.pdf

⁶⁸ Կողյան Ա., Գևորգյան Ա., Առնականությունն ու գենդերային բռնությունը հայկական հեռուստաերիալներում, Երևան, 2014, <http://www.ystu.am/files/Reserch%20paper%2003.09.2014..pdf>

⁶⁹ Попова Л. В., Проблемы самореализации одаренных женщин // Вопросы психологии. 1996. № 2., стр. 31-39.

⁷⁰ Ծասուրյան Ռ., Գենդերային դերերը ՀՀ տարրական դպրոցի դասագրքերում, Երևան, 2014 http://www.osf.am/wp-content/uploads/2014/01/Gender_roles_in_primary_school_textbooks-2012.pdf

⁷¹ Кон И. С., Ребенок и общество. М., «Академия», 2003.

⁷² Wood J., (2015). Gendered Lives: Communication, Gender and Culture. 11th ed., Cengage Learning.

⁷³ Golombok S., Fivush R., (1994). Gender Development, Cambridge University Press, New York & Cambridge.

բյունների կարևորումը, իսկ տղաներին նույն միջոցներով ներշնչվում է սեփական ուժերին ապավիճելու, ինքնուրույնության և արդյունավետության անհրաժեշտությունը: Ինչպես նաև գեներային սոցիալականացման ընթացքում վաղ մանկությունից աղջիկների համար շեշտադրվում է արտարին գրավչության, իսկ տղաների համար՝ ուժի և իշխանության կարևորությունը^{74,75:}

Հասարակությունների մեծ մասում գեներային նորմերը ճնշում են կանաց ինքնաղքանորումը և խրախուսում տղամարդկանց ցուցաբերել այնպիսի վարքաձևեր, ինչպիսիք են ազրեսիվությունը, դրմինանությունը, ինչը մեծացնում է կանաց ինքնաղքանորման ճնշումը: Գեներային նորմերը խստորեն վերահսկում են կանաց և տղամարդկանց վարքը, իսկ դրանց խախտումը պատժի է արժանանում: Միջազգության հետազոտությունները ցույց են տալիս, որ գեներային առումով առավել անհավասար հասարակություններում կանաց մեծ մասը գրեթե հնարավորություն չունի շեղվելու գեներային նորմերից առանց լուրջ հետևաճքների^{76:}

Սակայն, սխալ կլինի եզրակացնել, որ գեներային սոցիալականացման նորմատիվ ճնշումը հիմնականում կանաց է վերաբերում: Ավանդական հասարակությունում տղամարդկանց ներկայացվող առնականության պահանջները ևս բավական խիստ են, իսկ շեղումը դրանցից կարող է բերել մերժման, ծաղրի կամ մեկուսացման: Թե՛ ծնողները, թե՛ հասակակիցները, թե՛ այլ մեծահասակները հիմնականում ավելի անհանգստացած են տղաների «ճիշտ» գեներային սոցիալականացմանը, քան աղջիկների. տղայի կախյալ, հուզական վարքը ծնողների մեջ ավելի խիստ բացասական հակադրում է առաջացնում, քան աղջիկների «տղայական» ազրեսիվ պահկածքը:

Համաձայն Ռ. Բրենոնի, ավանդական մարդունության հիմնական նորմերը հետևյալն են. տղամարդը պետք է խոսափի ցանկացած կանացի դրսուրումներից, տղամարդը պետք է համար հաջողության և առաջ անցնի նյուտ տղամարդկանցից, տղամարդը պետք է ուժեղ լինի և քուլություն ցույց չտա, տղամարդը պետք է չվախենա բռնությունից^{77:} Զ. Դոյլը նույնպես պնդում է, որ «տղամարդկանց ներկայացվող ամենահիմնական պահանջը

⁷⁴ **Wood J.**, (2015). Gendered Lives: Communication, Gender and Culture. 11th ed., Cengage Learning.

⁷⁵ **Клецина И.**, Гендерная социализация. Учебное пособие.- СПб.: Издательство РГПУ им. А.И. Герцена, 1998.

⁷⁶ **Fleming P. Barker G. McCleary-Sills J. Morton M.** (2013). Engaging men and boys in advancing women's agency: Where we stand and new directions. Women's Voice, Agency, & Participation Research Series No.1.

⁷⁷ **Brannon R.** (1976). The Male Sex Role: Our culture's blueprint for manhood, what it's done for us lately // The Forty-Nine Percent Majority: The Male Sex Role Reading / Ed. By D.David, R.Brannon. . MA: Addison-Wesley, (pp. 1-48).

կանացի չլինելն է»: Ըստ Ջ. Դոյլի, տղամարդկանց նաև ներկայացվում են հաջողակ, ազրեսիվ, սեքսուալ լինելու և սեփական ուժերի վրա հույս դնելու պահանջները⁷⁸: Մասքուլինության ավանդական սահմանումը, ներառելով կանաց նման չլինելու պարտադիր պայմանը, տղամարդկանց մեջ առաջացնում է դիսֆունկցիոնալ լարվածություն, դրանից շեղումները պատժվում են մերժմանք, առաջացնում են ամորի և աճհամապատասխանության զգացում⁷⁹:

Այսպիսով, թե՛ տղաների, թե՛ աղջիկների գեներային սոցիալականացումը սահմանափակում է նրանց որոշ դրսնորումներ և ակտիվութեն խրախուսում այլ դրսնորումներ: Տղաների/տղամարդկանց սոցիալականացումը ճնշում է նրանց եքսպրեսիվ-հուզական կողմը՝ զրկելով հարաբերություններում լիարժեք դրսնորվելու հնարավորությունից, աղջիկների/կանաց սոցիալականացումը ճնշում է նրանց ինստրումենտալ-ստեղծագործական կողմը՝ նվազեցնելով գործունեության մեջ հաջողության հասնելու նրանց հնարավորությունները:

⁷⁸ Doyle J. A., (1989). The male Experience (2nd ed.) Dubuque, IA, William C. Brown Co., p. 150-155.

⁷⁹ Кон И. С., Гегемонная маскулинность как фактор мужского (не)здоровья /Социология: теория, методы, маркетинг, 2008, 4, (стр. 5-16).

2. Գենդերային սոցիալականացման գործընթացի վերլուծություն

2.1. Հետազոտության մերուդառանորդությունը

Հետազոտությունը հիմնականում անդրադարձել է գենդերային սոցիալականացման այն կողմերին, որոնք կապված են հայաստանյան ընտանիքներում և կրթական համակարգում առկա գենդերային կարծրատիպերի և դաստիարակչական գործընթացների, ինչպես նաև կնոջ և տղամարդու վերաբերյալ եկեղեցական գաղափարների ընկալման հետ:

Հետազոտությունը նպատակ ուներ բացահայտել գենդերային սոցիալականացման այն առանձնահատկությունները, որոնք նպաստում են հասարակությունում տղամարդկանց և կանանց անհավասար դիրքերի ձևավորմանը և ամրապնդմանը:

Հետազոտության խնդիրներն են:

- պարզել գենդերային սոցիալականացման գործիչների՝ ծնողների, մանկավարժների, հոգևորականների հիմնական գենդերային պատկերացումներն ու կարծրատիպերը,
- պարզել երիտասարդ սերնդի՝ պատաճների և երիտասարդների գենդերային պատկերացումներն ու կարծրատիպերը (վերջիններս, իրենց հերթին, հանդիսանում են գենդերային սոցիալականացման գործիչների հասակակիցների համար),
- համեմատության միջոցով պարզել ավագ սերնդի գենդերային կարծրատիպերի վերաբերապրությունը կրտսեր սերնդում,
- պարզել գենդերային պատկերացումների և կարծրատիպերի փոխանցման ուղիներն ու առանձնահատկությունները,
- ցույց տալ սոցիալականացման ընթացքում փոխանցվող գենդերային պատկերացումների և տարբերակված դաստիարակչական պրակտիկաների ազդեցությունն ընտանիքում և հասարակությունում կնոջ և տղամարդու կարգավիճակների վրա:

Վերոհիշյալ նպատակին հասնելու համար տեսականորեն վերլուծել ենք այն ուղիները, որոնցով իրականացվում է գենդերային սոցիալականացումը, և այն գործիչներին, որոնք ազդում են այդ գործընթացի վրա: Սոցիալականացման (այդ թվում և գենդերային) գործընթացներից են դաստիարակությունը, ուսուցումը, միջանձնային շփումը, որոնց շրջանակներում տեղի է ունենում գենդերային կարծրատիպերի, դիրքորոշումների, նորմերի ու սպա-

սումների փոխանցումը: Հիշյալ գործընթացները պայմանավորում են տարբերակված սոցիալականացումը՝ աղջիկներին այլ դաստիարակություն, տղաներին՝ այլ, ինչն էլ պայմանավորում է երեխաների մեջ գենդերային դիրքորոշումների և գենդերային նույնականության ձևավորումը, իսկ ավելի հեռահար շրջանում՝ կանաց և տղամարդկանց սոցիալ-հոգերանական կարգավիճակները հասարակության մեջ: Այդ գործընթացներում ներգրավված են, առաջին հերթին, ընտանիքի անդամները, ապա՝ կրթական համակարգի աշխատողները (նախադպրոցական, դպրոցական և այլ ուսումնական հաստատությունների մանկավարժները), հասակակիցները, զանգվածային մշակույթը (գրականություն, հեռուստատեսություն, կին և այլն), ազգային մշակույթը (ավանդույթները, սովորույթները, նորմերը), եկեղեցին (հոգևորականները և կրոնական պատկերացումները) և այլն:

Մեր կարծիքով, իհմնական ուղիները, որոնց միջոցով դաստիարակության և շփման ընթացքում փոխանցվում են գենդերային սպասումները, դիրքորոշումները և ձևավորումը են գենդերային կարծրատիպերը հետևյալն են.

- Դաստիարակության տարբերակված պրակտիկաներ՝ սեռատիպիկ վարքածների անմիջական խրախուսում և ատիպիկ վարքածների համար պատիժ կամ նախատինք, տարբերակված չափանիշներ վարքի, վարվելակերպի և խոսքի համար, արտոնությունների և սահմանափակումների «տարբերակված ցուցակներ», որոնք գործում են աղջիկների և տղաների համար:
- «Գենդերացված»⁸⁰ հաղորդակցում. 1) դիրքորոշումների և կարծրատիպերի ուղղակի փոխանցում ցուցումների, խրատների, որինակ. «Տղաները չեն լացում» և այլն, 2) դիրքորոշումների և կարծրատիպերի անուղղակի փոխանցում հանձնարարվող առաջադրանքների, երեխայի համար գննող իրերի, մեծահասակի գործերի մեջ երեխայի ներգրավման, այլ մարդկանց վարքի մասին արվող արտահայտությունների և այլնի միջոցով:
- Երեխայի վարքի և նրա ապագայի վերաբերյալ սպասելիքների արտահայտում, կյանքի սցենարի կազմավորում (տղային՝ «պիտի բիզնեսն դառնաս», աղջկան՝ «պիտի համեստ հարս դառնաս... մեզ ամորով շանես»):
- Սեռատիպիկ վարքային մոդելներ (սկսած ծնողներից մինչև սերիալների, մուլտֆիլմների և համակարգչային խաղերի հերոսներ):

Վերոհիշյալ ուղիներով գենդերային ինֆորմացիան փոխանցում են գենդերային սոցիալականացման գործիչները, որոնցից հետևյալ խմբերը՝ ծնողներ, հասակակիցներ, մանկավարժներ, հոգևորականներ, ուսումնասիրվել են այս հետազոտության շրջանակներում:

⁸⁰ Տերմինը լստ **Զ. Վուփի**, տես Wood J., (2015). Gendered Lives: Communication, Gender and Culture. 11th ed., Cengage Learning.

2.1.1. Հետազոտության իրականացման մերողները

Հետազոտությունն իրականացվել է որակական մեթոդաբանությամբ՝ ֆոկուս խմբային քննարկումների և խորացված հարցազրույցների միջոցով: Իրականացվել են 4 ֆոկուս խմբային քննարկում և 23 խորացված հարցազրույց:

Ֆոկուս խմբային քննարկումները և հարցազրույցներն իրականացվել են համապատասխան հարցաշարերի օգնությամբ, որոնք ուղղված էին պարզեցնելու հետազոտության մասնակիցների գենդերային դիրքորոշումները, կարծրատիպերը և դրանց փոխանցման ուղիները: Հոգևորականների հետ հարցազրույցի հարցաշարի հարցերը, սոցիալականացման գործընթացից զատ, ներառում էին նաև հարցեր Աստվածաշնչի մեկնության ժամանակ գենդերային դիրքորոշումների մասուցման, պսակի խորիրովի բացատրության, պսակի ժամանակ տղամարդու և կնոջ կողմից տրվող խոստումների մեկնաբանության, ընտանիքներում կոնֆլիկտների պատճառների վերաբերյալ:

Ֆոկուս խմբային քննարկումների և խորացված հարցազրույցների վերլուծությունն իրականացվել է հետևյալ մեթոդներով.

1. որակական բովանդակային վերլուծություն,
2. իմաստի խտացում:

Վերլուծությունների ընթացքում հաշվի է առնվել նաև խմբերում որևէ առանձնահատկության կամ օրինաչափության դրսնորման հաճախականությունը: Արյունքների շարադրման մեջ տեղ են գտել այն փաստերը, որոնք դիտարկվել են մի քանի խմբերում, առավել շեշտադրվել և մեկնաբանվել այն փաստերը, որոնք դիտարկվել են բոլոր հետազոտվող խմբերում:

2.1.2. Հետազոտության ընդունությունը

Ելմելով գենդերային սոցիալականացման գործիչների սահմանումից՝ ձևավորվեց հետևյալ հետազոտական ընտրակազմը. տղամարդիկ (հայրեր), կանայք (մայրեր), պատանիներ, երիտասարդներ, նախադպրոցական հաստատություններում աշխատող մանկավարժներ՝ դաստիարակներ, դպրոցի ուսուցիչներ, հոգևորականներ (կուսակրոն հոգևորականներ և քահանաներ):

Ընդհանուր առմամբ, հետազոտության մեջ ներգրավվել է 63 մասնակից՝ 10-ական մասմակից յուրաքանչյուր ֆոկուս խմբում (տղամարդիկ, կանայք, երիտասարդներ, պատանիներ) և 23 հարցազրույցի մասնակից (8 ուսուցիչ, 8 մանկապարտեզի դաստիարակ, 2 կուսակրոն և 5 ամուսնած հոգևորական): Ընտրանքի սոցիալ-դեմոգրաֆիական տվյալները ներկայացված են ստորև, աղյուսակներ 1-ում, 2-ում և 3-ում:

Աղյուսակ 1. Կանանց և տղամարդկանց խմբերի սոցիալ-դեմոգրաֆիական ցուցանիշները (յուրաքանչյուր խմբում 10 մասնակից)

Մասնակից-ների տարիքը	Կրթությունը			Երեխաների քանակը		
	Բարձրագույն	Սիջնակարգ և միջին մասնագիտ.	1 2 3 և ավելի	1	2	3
Տղամարդիկ	28-45	5	5	-	7	3
Կանայք	22-45	4	6	2	7	1

Աղյուսակ 2. Երիտասարդների և պատանիների խմբերի սոցիալ-դեմոգրաֆիական ցուցանիշները (յուրաքանչյուր խմբում 10 մասնակից)


	Անուն		Տարիք	Կրթությունը		Ներկայիս զբաղվածությունը		
	Իգ.	Ար.		Բարձրագույն	Սիջնակարգ/միջին մասնագ.	Ուսանող	Աշխատող	Գործազրույթ
Երիտասարդներ	5	5	18-25	8	2	7	2	1
Պատանիներ	5	5	14-16	Ավագ դպրոցի աշակերտ				
				10				

Աղյուսակ 3. Ուսուցիչների և դաստիարակների խմբերի սոցիալ-դեմոգրաֆիական ցուցանիշները

Տարիք	Աշխատանքային պաշտոն				Աշխատանքային ստաժ (տարի)		
	Դասվար	Սիջին դպրոցի ուսուցիչ	Ավագ դպրոցի ուսուցիչ	5-10	10-20	20-ից ավելի	
Ուսուցիչներ	33-57	3	3	2	1	2	5
Դաստիարակներ	35-64	կրտսեր խմբի դաստիարակ	միջին խմբի դաստիարակ	ավագ խմբի դաստիարակ	-	3	5
		2	3	3			

2.2. Հեղազուրկության արդյունքները

Ֆոլկոս խմբերի և հարցազրույցների տվյալների վերլուծության հիման վրա առանձնացրեցինք այն հիմնական գեներացիան պատկերացումները և կարծրատիպերը, որոնք առկա են գեներացիային սոցիալականացման գործիչների՝ ծնողների, մանկավարժների, հոգևորականների, ինչպես նաև պատանիների և երիտասարդների շրջանում։ Քանի որ վերջիններս, իրենց հերթին, հանդիսանում են գեներացիային սոցիալականացման գործիչներ հասկավիցների համար, նրանց գեներացիային պատկերացումները կարևոր էին ինչպես հասակակիցների կողմից կատարվող գեներացիային սոցիալականացման առանձնահատկությունները, այնպես էլ սերունդների միջև գեներացիային պատկերացումների համար նմանությունները և տարրերությունները հասկանալու համար։ Երկու սերունդների տվյալների համեմատության միջոցով պարզեցինք, որ պատանիների և երիտասարդների գեներացիային պատկերացումները համարժեք էին ծնողների, մանկավարժների, հոգևորականների շրջանում առկա գեներացիային պատկերացումներին և կրում էին կարծրատիպացին բնույթ։ Այդ պատճառով արդյունքների շարադրման մեջ չենք առանձնացրել ավագ և երիտասարդ սերների գեներացիային պատկերացումներն ու կարծրատիպերը, այլ քննարկել ենք դրանցից ամենաարտահայտվածները և գեներացիային սոցիալականացման գործընթացի վրա նշանակալի ազդեցություն ունեցողները (անհրաժեշտության դեպքում շեշտադրելով, թե որ սերնդում կամ որ խմբում է առավել ընդգծվել տվյալ կարծրատիպը)։ Գեներացիային սոցիալականացման միջոցով գեներացիային կարծրատիպերի, պատկերացումների, դիրքորոշումների միջսերնդային փոխանցման ուղիները ներկայացված են նկար 2-ում։



Նկար 2. Գենդերային պատկերացումների, դիրքորոշումների և կարծրատիպերի միջսերնդային փոխանցման ուղիները

2.2.1. Գենդերային պատկերացումներ, կարծրագործությունները և պարբերակած վերաբերությունները. «Աղջիկը զնացող ա...», «Տղեն տան սյունն ա...»

Գենդերային պատկերացումները և դրանց կարծրատիպացված դրսեռումները՝ գենդերային կարծրատիպերը, պայմանավորում են երեխաների նկատմամբ համապատասխան վերաբերմունքն ու դաստիարակության պրակտիկաները, ինչպես նաև փոխանցվում են սերնդեսերունի՝ դառնալով գենդերային սոցիալականացման կարևոր բաղադրիչներ: Վերլուծելով ավագ սերնդի և երիտասարդ սերնդի ներկայացուցիչների շրջանում առկա գենդերային պատկերացումները՝ պարզ դարձավ, որ նոյնիսկ երիտասարդների և պատաճների խմբերում դրանք հիմնականում կարծրատիպային բնույթ են կրում: Այդ կարծրատիպային պատկերացումները նաև ավագուրապես վերաբերում են ընդունակություններին, անձնային որակներին և հատկապես սոցիալական դերերին և դրանցից բխող վարքի նորմերին ու իշխանության բաշխմանը: Գենդերային կարծրատիպերն արտահայտվում են փոխարարելությունների տարբեր մակարդակներում և անդրադառնում են երեխաների նկատմամբ վերաբերմունքի վրա՝ սկսած այն պահից, եթե նրա սեռը հայտնի է դառնում (հիմնավանում մինչև երեխայի ծնվելը), և հետագայում էլ ուղեկցում են մարդուն մինչև կյանքի վերջ: Եթե դաստիարակչական պրակտիկաներն ուղղակիորեն են ազդում գենդերային սոցիալականացման վրա, ապա ծնողական վերաբերմունքն անուրակի ազդեցություն ունի: Այսպես, տարբերակված վերաբերմունքն ընտանիքում և հասարակության մեջ աղջիկների ու տղաների տարբեր կարգավիճակներ է առաջացնում, խրանում կամ արգելակում է տարբեր տիպի վարքածեր և դրսարդումներ, տալիս է վերագրումներ, որոնք հիմնականում չեն արտացոլում երեխայի անձնական արժանիքները, այլ հիմնված են զուտ նրա սեռադերային կարծրատիպին համապատասխանության վրա: Դիտարկենք հասարակական գիտակցության մեջ ամենաարմատափորփած և գենդերային անհավասարությունը խրանող կարծրատիպերը և դրանցից բխող տարբերակված վերաբերմունքի առանձնահատկությունները:

1. Աղջիկն ընկալվում է դրան հեռացող, գնացող, ընտանիքի «ժամանակավոր» անդամ, ի հակադրություն տղայի, որը համարվում է ընտանիքի հիմնական անդամ և դրա «բարգավաճման երաշխիք»: Հայկական մշակույթում ընդունված գերդաստանի պատրիլինիալ և ընտանիքի պատրիլուկալ ձևը փոխում է ծնողի կողմից սեփական զավակների ընկալման տեսանկյունը՝ ստեղծելով գենդերային անհավասարության պայման հանդիսացող «աղջիկը զնացող ա», «տղեն տան սյունն ա» հզոր կարծրատիպը: Այս կարծրատիպը հստակ արտացոլվում է խոսակցական լեզվում տարածված և հաճախ կիրառվող փոխարերություններում և արտահայտություններում: «աղջիկը

ուրիշի տաճ պատ ա», «տղաճ օջախի ծուխը վառ ա պահում», «եթե տղա ունես, տաճդ ծուխը չի մարում», «տաճը մնացած աղջկի» և այլն: Տարբեր սեղի զավակների նմանատիպ ընկալումները գենդերային անհավասարություն են ստեղծում ընտանիքի կեցության գրեթե բոլոր ոլորտներում՝ ժառանգության փոխանցման մեջ. **«Վղեն ա ծնողների ունեցվածքի ժառանգորոր»** (չնայած իրավական տեսակետից ժառանգմերն ունեն հավասար իրավունքներ), ծնողներին սատարելու հարցում. **«ծնողին պահողը վղեն ա»**, **«Վղաճ ծնողին թե ո թիկունք ա»**, երեխաների սերունդների նկատմամբ վերաբերմունքում. **«Վղու բոլոր քն սևիական բոռն ա համարվում»**, տվյալ տոհմի շարունակականության մեջ. **«Վղեն ցեղի շարունակողն ա»** և այլն: Աղջկա դաստիարակությունն ամբողջությամբ կառուցված է «աղջկը գնացող ա» գաղափարի շորջ և ուղղված է իգական դերին ներկայացվող հասարակական սպասելիքներին համապատասխանությանը: Սա ստեղծում է, մի կողմից, աղջկա ավելի խիստ վերահսկման, սահմանափակման անհրաժեշտություն. **«աղջիկը ընդամենքի դեմքն ա ներկայացնում»**, նյութ կողմից՝ նրանից ապագայում ավելի համեստ ձեռքբերումների ակնկալում, քան տղայից, որի ձեռքբերումները կլինեն ընտանիքի բարեկեցության գրավականը:

Այս կարծրատիպը հիմնաբարային է գենդերային սոցիալականացման բոլոր եզրաշերտերի համար, քանի որ ընկած է թե՝ գենդերային առումով տարբերակված վերաբերմունքի, թե՝ դաստիարակության պրակտիկաներում հիմնական գենդերային շեշտադրումների, թե՝ տարբեր սեղի երեխաների մեջ տարբեր անձնային որակներ սերմանելու ձգտման, թե՝ նրանց ապագայի վերաբերյալ պատկերացումների ձևավորման հիմքում:

Որպես տվյալ կարծրատիպի ամենացավալի հետևանք՝ ընտանիքում ի հայտ է գալիս **Վղա երեխայի ավելի բարձր ցանկալիության և Վղայս-պաշտության երևույթը**: Քանի որ աղջկը համարվում է ընտանիքի ժամանակավոր անդամ, ծնողներն ավելի նախընտրում են տղա ունենալ: Տղայի առկայությունը պարտադիր է համարվում հայկական ընտանիքում, որպեսզի ծնողները հետազայում մենակ չմնան, որպեսզի «տաճ ծուխը չմարի»: Ծնողների խմբում ակնհայտ է տղա երեխայի նախապատվությունը, հատկապես շեշտվում է լրա կարևորությունը տղամարդկանց համար: Նույնիսկ մայրերը գերադասում են արու զավակ ունենալ, որպեսզի գոհացնեն իրենց ամուսիններին. **«Որովհեկը ես զիրեկի, որ ամուսին էլ էր Վղա ուզում»** (կանանց ֆոկուս խումբ), **«Ընդամենքում կիսուր, կիսուր, ամուսին, ընա-կամարար, առաջինը Վղա կուզենային»** (կանանց ֆոկուս խումբ), **«Տղեն ցանկալի և միանշանակ»** (տղամարդկանց ֆոկուս խումբ):

Այս կարծրատիպի հետևանք են նաև աղջկների և տղաների վարքի տարբերակված սահմանափակումները, դաստիարակության առանձնա-

հատկությունները, նրանց համար պարտադիր համարվող որակները, ինչպես նաև ակնհայտորեն տարբերվող ակնկալիքները նրանց ապագայից (ավելի մանրամասն տես «Վարքի և դրսորումների սահմանափակումներ» և «Ապագայի ակնկալիքներ»):

2. Դերերի գեներացին բաշխման վերաբերյալ գերիշխում է պահպանողական կարծրատիպը բոլոր խմբերում. կինը՝ տաճ կենցաղային հարցերով զբաղվող, տղամարդը՝ ընտանիքի հիմնական ֆինանսական ռեսուրսներ հայթայրող. **«Էղ սեղամ դնել-հավաքելը, դա բնորոշ ա աղջկան, որովհետիւն դա համապատասխանում ա իր հնարավորություններին..»** (Երիտասարդների խառը ֆոկուս խումբ): Սա համարում են բնականոն տրվածություն, որին դեմ գնալը կամ փոփոխությունը չի ողջունվում: Տղաների կողմից որոշակի (քայլ ոչ այն ամենը, ինչ աղջկանից է պահանջվում) կենցաղային գործեր կատարելու իրողությունն ընդունվում է միայն ընտանիքում քրոջ կամ իգական սեռի ներկայացուցչի բացակայության պայմաններում. **«Ես մորքություններ ունեմ, որ իրենցից ոչ մեկը բույրիկ չունի... միշտ իրանք դնում, իրանք ուրում են ու դրա մեջ վասր բան չեն գրեսնում: Ես էղ մի բանն էլ եմ սիրում գրաների մեջ, որ իրանք դրա մեջ վասր բան չեն գրեսնում»** (Երիտասարդների խառը ֆոկուս խումբ): Այս կարծրատիպն իր արտահայտությունն է գոտում դաստիարակության պրակտիկաներում, երբ աղջկա վրա դրվում են անհամենատ ավելի շատ պարտականություններ, քան տղայի վրա (մանրանասն տես «Դաստիարակչական պրակտիկաներ»):

Ներերի ավանդական գեներացին բաշխումը պայմանավորում է կնոջ և տղամարդու անհավասար կարգավիճակների ձևավորումը, քանի որ մեր հասարակությունում կնոջ ավանդական դերն ընկալվում է որպես պակաս արժեքավոր՝ տղամարդու ավանդական դերի համեմատ, որը կապված է ռեսուրսների հայթայրման և տնօրինման հետ: Ըստ այդմ, տղամարդու կողմից կնոջ դերին բնորոշ գործառույթներ կատարելը որակվում է որպես ոչ պատվարեր: Այսիսով, դերերի ավանդական գեներացին բաշխումը մեծապես պայմանավորում է իգական գեներացին դերի ստորադասումը:

Բացի այդ, դերերի նման խիստ տարանջատման հետևանքով արական դերը, այդ քվում և հայրական դերը, սահմանափակվում է «ապրուստի միջոցներ հայթայրողի», պրոդուկտիվ գործունեություն իրականացնողի, իսկ իգական դերը՝ «խնամատարի», վերաբռնդրական գործունեություն իրականացնողի գործառույթներով: Արական սոցիալական դերի ճնշման տակ տղամարդիկ սկսում են իրենց դիտարկել ընտանիքից դրւս, միայն ընտանիքի վաստակն ապահովողի դերում, ավելին՝ առաջանում է ամեն գնով ընտանիքն ընդունելի տնտեսական վիճակում պահելու սոցիալական պահանջը, ընտանիքի տնտեսական բարեկեցությունը «տղամարդու պատվի» խնդիրն է դառնում: Այս պարագայում երեխաների խնամքին և դաստիարակու-

թյանը մասմակցելը, նրանց հետ հուզական հարաբերությունները դառնում են գրեթե անհնար, քանի որ՝ ա. իր ժամանակի գերակա մասը տղամարդն անցկացնում է ընտանիքից դրւու (երբեմն նաև երկրից դրւու՝ արտագնա աշխատանքի հետևանքով), բ. արական դերը չի ենթադրում կամ նոյնիսկ բացառում է հուզականության և հոգատարության դրսուրումները:

Իզական սոցիալական դերը, հակառակը, չի ենթադրում ընտանիքի ֆինանսական բեռը կիսելու պահանջ, այլ ուղղում է կնոջը դեպի վերաբարդական գործունեություն՝ շեշտադրելով հուզականության և հոգատարության կարևորությունը: Արդյունքում՝ նոյնիսկ այն կանայք, որոնք մասնակցում են ընտանիքի ֆինանսական ապահովմանը և ունեն մասնագիտական ձեռքբերումներ, ներքնապես անբավարարված են լինում դերային կոնֆլիկտի պատճառով, քանի որ հաճարվում է, որ աշխատանքը խանգարում է կնոջն իր առաջնային դերը կատարելիս: Այս կոնֆլիկտը մասամբ հետևանք է նաև այն հանգամանքի, որ կինը, վճարվող աշխատանքի անցնելով, կիսում է ընտանիքն ապրուստով ապահովելու ամուսնու դերային գործառույթը, իսկ երեխաների խնամքի գործառույթը շարունակում է մնալ միայն կնոջ ուսերին: Այսպիսով, դերերի ավանդական բաշխումը ճնշում է տղամարդու հուզականությունը և դնում նրա առջև հասարակական, տնտեսական ոլորտում կայանալու խիստ պահանջներ, սահմանափակում է կնոջ արդյունարար գործունեությամբ զբաղվելու ձգտումը և նրան դարձնում է ընտանիքում հոգատարության և խնամքի գործառույթների միանձնյա պատասխանատու:

«Կնոջը բեռնել ինսելեկտուալ, չգիտեմ ընտանեկան, կազմակերպչական հարցերով՝ դեսֆ չի: Կինը իր դերն ունի, օջախի, էղ սամուրյան, սրբության, էղ ձագուկների, որովհետև գիւերները էղ երեխաները, բառասունի մեջ մայրը համ կերակրում է, համ հսացնում է, առավոն էլ դեսֆ է լվանա, ֆանտասիկա է կին արշաւածք: Ասված սվել է մի զորություն այդ էսկին, որին ուղարկի դեսֆ է զնահատել»:

Խորացված հարցագրույց հոգևորականի հետ

3. Իշխանության գեներային բաշխման վերաբերյալ պահպանողական կարծրատիպային պատկերացումները՝ որպես դերերի ավանդական բաշխման ուղղակի հետևանք, գերակշռում են տղամարդկանց և երիտասարդների խմբում: Նշվում է տղամարդկանց գերակայությունն իշխանության, որոշումները կայացնելու, դոմինանտության, ֆինանսական ռեսուրսների տիրապետման մեջ, ըստ որում, որքան տղամարդը դոմինանտ է և իշխող, այնքան նա ավելի «առնական» է համարվում.

«Բայց տղաների մեջ միշտ սիրել եմ իրենց համառությունը, չնայած ասում են, որ դեսֆ չի, տղաների բարկությունը, էն որ գորում

են, Էղ բաները սիրու չի, բայց շզիտես խի միշտ ես Էղ հավանել եմ տղաների մեջ, որովհետև Էղ մի բան ա, որ տղուն աղջկանից առանձնացնում ա, դե որ իրանք իրանցը տիշի ասեն ու աղջիկն Էլ տիշի լսի»:

Երիտասարդների խառը ֆոկուս խումբ - աղջիկ

Երիտասարդների կողմից կարևորվում է, որ եթե կինը հասարակական կյանքի ոլորտներից որևէ մեկում առավելություն ունի ամուսնու նկատմամբ, ապա դա պետք է մնա միայն ընտանիքի ներսում, և շրջապատը պետք է այդ մասին չիմանա, քանի որ դա «շերում» է բնական դրվագից և վտանգ է տղամարդու կարգավիճակի և նույնիսկ ընտանիքի կայունության համար.

«Ինչ կառված ա կին-տղամարդ հարաբերությանը, եթե նոյնիսկ ընտանիքում կինն է այս բաներ որոշում, ամեն դեմքում հայ իրականության մեջ ընդունված չէ, որ կինը որոշի, բայց, եթե նոյնիսկ որոշում է կինը, իմ կարծիքով՝ ընդհանրապես կարիք չկա, որ երրորդ անձ տեղյակ լինի դրանից, Էղ դեմքում այս ավելի սահուն ամեն ինչ կլինի, ավելի հարք, և իրավիճակն այնոյին կլինի, որ փաստացի տղամարդն է որոշել, և դա այս ավելի ճիշտ կլինի սվյալ զոյցի համար, և տղամարդու դերը կամ բարձրորդունը ընդհանրապես չի ընկնի»:

«Տղան ա իիմնականում էսօրվա մեր հայկական հասարակության մեջ տան սյունը, տես ասած՝ տունը դահողը»:

«Կան ընտանիքներ, որ կինը ավելի ունց որ աղասիովում ա ընտանիքը՝ ավելի այս աւշասում, սյուն ա, Էլի, Էղ տան, բայց ճիշտ ա՝ տղամարդն էլ իրա տեղն ունի ընտանիքի մեջ, իրա դիրքում ա»:

«Տղամարդը դեմք ա լինի տղամարդ, ով ամեն հարցով լինի առաջինը»:

«Ամեն դեմքում տղամարդը տիշի աւշասի, կնոջից ավելի աւշասի, թեկու զումարի արումով էլ, որդեսզի Էղ նոյն, եթե ընտանիքում իշխող դերերը, ասենք, ֆինանսից էլ ա կախված, բանի որ Էղ իշխելը ֆինանսի հետ էլ ա զայս, ու կինը կարողանում ա իշխել, ու այս դեմքերում Էղ իշխելը այս վաս ա անդրադառնում ընտանիքի վրա, բանի որ տղամարդիկ իիմնականում անհնազանդ են լինում և ընտանիքի կորստի է, Էլի, թերում դա, դրա համար տղամարդը առաջնահերթ դեմք ա ինքը տահազրգավի ընտանիքի թե՛ ֆինանսական, թե՛ յուրաքանչյուր դերում առաջնային տեղը գրավի»:

Երիտասարդների խառը ֆոկուս խումբ

Իշխանության գենդերային բաշխման վերաբերյալ կարծրատիպային դիրքորոշումները, տղամարդկանց դռմինանտուրթյան գաղափարներից բացի, ներառում են նաև կանանց ենթարկվորության (հատկապես տղամարդկանց ենթակա լինելու) վերաբերյալ պատկերացումներ: Այս պատկերացումներին համարուն է ընկալվում պասկադրության եկեղեցական արարողության ժամանակ հետո «տեր և հնազանդ» պատգամը, որի թերլմբոննան հետևանքներին կանդրադառնանք 2.2.3. **Կնոջ և դրամարդու վերաբերյալ կրոնական պարկերացումներ** ենթազիտում: Աղավաղված ընկալման համաձայն, կինն ընկալվում է որպես տղամարդուն ենթակա անձ, իսկ հավասար կամ հակառակ հարաբերությունը համարվում է բնականոն դրվագին հակառակ բացասական երևոյթ: Եթե կինն ինքնուրույն ինչ-որ որոշում է կայացնում, ամեն դեպքում պետք է ձևականորեն ընդունի և բարձրաձայնի ամուսնու կայացրած որոշումը: Այդպիսով, «դրամարդը գլուխ է, կինը՝ պարանոցը» արտահայտությունը ցույց է տալիս կանանց ոչ բացահայտ իշխանությունը:

«Զնայած աղջիկը երե խելացի ա, ասում են՝ աղջիկը դարանցն ա, որ կողմ ֆռացնի տղայի գլուխը, էն կողմը կգնա, այս դես որ աղջիկը դիսի խելացի լինի... տղան, որ ասում ա, քող միշտ ասի հա, բայց ամեն դեմքում ինք իրանք կանի»:

«Կինը իշխող կարող ա լինի, բայց չափի մեջ, ու որ ասում են կանացի որոշակի տեսակով դեսf ա մոտենաս յուրաքանչյուր հարցին, իմ կարծիքով ճիշտ է, որ դու լինես ինք ենքանով եաս, ավելի ճիշտ, մոտեցումներդ ք դեսf ա ճիշտ լինի, տղանարդուն չքարկացնել կամ ինչ-որ բաներ, նման բաներ դեսf ա չլինի»:

Երիսսաւրդների խառը ֆոկուս խոսք

Կնոջ ոչ բացահայտ իշխանությունը և ենթաբերյալ ճկունությունը նշվում են նաև հոգեորականների կողմից.

«Իրականության մեջ կինը մի քի երե իմաստուն եղավ, ամուսինը ինչքան էլ գոռա, խփի սեղանին բռունցքը, կինը իր ուզածին կհասնի»:

Խորացված հարցազրոյց հոգեորականի հետ

Այս հանգամանքներում կնոջ իշխանությունը իիմնականում տարածվում է իր զավակների վրա, ինչը նրան ամուսնու վրա անուղղակի ազդեցություն գործելու հնարավորություն է ընձեռում: Միննույն ժամանակ, կնոջ պատասխանատվությունն է՝ ամուսնու հետ ճկուն հարաբերություններ կառուցել, որոնք կնպաստեն իր ցանկությունների կատարմանը:

«Կնոջ առավելությունն էլ այս է, որ զավակների վրա իշխա-

նություն ունի, զավակները իրեն են դատկանում, տան մեջ ըստ էության բոլոր խնդիրների կրողն ինքն է և ինքը կարող է մի վայրկանում դրանք դարձնել յուրաքանչյուրի դրորեմը»:

Խորացված հարցագրույց հոգևորականի հետ

Հուսադրող է, որ երիտասարդների մի մասը գիտակցում է իշխանության, դերերի հավասար բաշխման անհրաժեշտությունը, բայց միաժամանակ ընդգծում, որ դա հայատանյան իրականությունը բացակայում է.

«Պերային բաշխումով նրանք ոլես ա լինեն հավասար, բայց բանի որ մեր հասարակության մեջ էդ դերային բաշխումը մի ինչ սխալ ա ընկալվում, դրա համար անհավասարություն ա տեղի ունենում»:

Երիտասարդների խառը ֆոլցու խումբ

4. Հաջորդ կարծրատիպը, որը փոխկապակցված է դերերի և իշխանության բաշխման կարծրատիպերի հետ, վերաբերում է ակտիվության/պասիվությանը. կյանքի, ճակատագրի նկատմամբ աղջիկն ընկալվում է որպես պասիվ, տղամ՝ ակտիվ դիրք ունեցող: Տղան համարվում է իր ճակատագրի կերտողը, ավելին, իր ընտանիքի կեցությունը որոշողը. «**Տղան ա պունդ պահողը**», իսկ աղջկա ճակատագրի հիմնականում կախման մեջ է դրվում իր ամուսնական ընտանիքից. «**Աղջիկը ի՞նչ պունդ կրնկնի, ո՞նց կպահենա**»: Այս կարծրատիպի մասնավոր արտահայտումն է «պահող/պահվող» հարաբերակցությունը, երբ տղամարդուն վերագրվում է կնոջ նյութական բարեկեցությունը և անվտանգությունն ապահովողի գործառույթը, իսկ կինը տվյալ հարցերում համարվում է տղամարդուց կախման մեջ գտնվող: Կնոջ խնամատարի դերը, չնայած պարտականությունների լայն շրջանակին և կարևորությանը, չի օժտում նրան ակտիվ դիրքով, կամ տալիս է մասնակիորեն՝ երեխաների նկատմամբ: Կնոջ պասիվության կարծրատիպն իր դրսերումն է գտնում տղամարդկանց կողմից բերվող համեմատություններում, երբ աղջկան նույնացնում են գեղեցիկ, բայց անշունչ առարկաների հետ. «**Ոնց որ զանձ լինի**», «**Աղջիկները ոնց որ ... էն փափուկ խաղալիքները ոնց են սենց...**»: Հատկանշական է, որ հոգևորականների կողմից աղջիկը կամ ապագա կինը նույնացվում է Մարիամ Աստվածածնի կերպարի հետ, ինչը նրան օժտում է սրբությամբ և մաքրությամբ իրքն ապագա մայր՝ միաժամանակ նրան վերագրելով գերազույն զոհողության պատրաստ լինելու հատկությունը և սահմանելով նրա ակտիվության շրջանակներն ընտանեկան կյանքով: Այսինքն՝ կինը պետք է օժտված լինի առարինություններով, որոնք լիարժեք կծառայեն ընտանիքի անդամներին լավագույնս խնամելուն և հոգալուն: Սակայն այս գաղափարի համաձայն ևս կինը պասիվ դիրքում է իր կյանքի նկատմամբ, և կնոջ այս կերպարի մեջ դժվար են տեղափորվում հասարակության մեջ բարձր տեղ գրավելու, կարիերա կառուցելու ձգտումները,

քանի որ դրամք շեղում են նրան իր գլխավոր առաքելությունից՝ մայրական ու կանացի պարտականություններից:

Այս կարծրատախպում արտահայտվում է նաև կնոջ և տղամարդու հասարակական ընկալումների տարբերությունն օբյեկտ-սուբյեկտ հարաբերությունում, կնոջ պասիվությունը, կախյալությունը, ենթարկվողությունը ենթադրում են նրա ընկալումն ավելի շատ որպես օբյեկտ, իսկ տղամարդու ակտիվությունը, իշխանությունը տալիս է նրան սուբյեկտի բնութագրեր:

Հենց սրանով էլ հետագայում կարող է պայմանավորված լինել հասարակության մեջ կնոջ նկատմամբ պակաս վստահությունը որպես գիտնականի, ձեռներեցի, կառավարչի կամ հասարակական գործչի՝ տղամարդկանց համեմատ: Այսպիսով, ծնողներն աղջիկներից հաճախ հասարակական ակտիվություն և նշանակալի ձեռքբերումներ չեն ակնկալում շեշտադրելով արտաքին տեսքի, հոգականության, հոգատարության կարևորությունը: Նման պատկերացումն աղջկա դերի մասին, որն, ըստ Էության, զրկում է նրան սուբյեկտ լինելու ձգտումից, հետագայում դրդում է կանանց, որ ունենալով բարձրագույն կրթություն և եռանդ, կամավոր հրաժարվեն իրենց ինքնիրացման իրավունքից և տնտեսական, քաղաքական կամ գիտական դաշտում ինքնարդուստրվելու հնարավորությունից: Ուստի, որպես հետևանք՝ կինն իր ինքնիրացման ամենամեծ դաշտը տեսնում է ընտանիքում, և նրա երազանքներն ու ձգտումներն ամփոփվում են միայն մայրական դերի լավագույն կատարման մեջ: Այսպիսի մոտեցմամբ կնոջ ամենահավակնութ երազանքը սահմանվում է այսպես. «Ունենալ այնպիսի աշխատանք, որը չի խանգարի ընտանիքին», այսինքն՝ թույլ կտա նրան շարունակել կրել ընտանիքում իր ուսերին դրվագ բեռն առանց մեծ կորստի՝ միևնույն ժամանակ նրան հնարավորություն տալով ներգրավվել ընտանիքից դուրս հանրային կյանքում և բուլացնել ֆինանսական կախվածությունն ամուսնուց: Այս գենդերային նորմերին համապատասխանելու պահանջի պայմաններում հայ կինը հասուն տարիքում անցնում է «ինքնանորմավորման» եղանակին՝ ստանձնելով սեփական վարքն ու ձգտումները սահմանափակողի դերը և ձգտում է լավագույն ձևով իրականացնել այն մեղ սոցիալական դերը, որը նրանից ակնկալում է հասարակությունը:

5. Աղջիկն ընկալվում է որպես հոգական, իսկ տղամ՝ գործունյա, վերաբերմունքն աղջկա հանդեպ ավելի զգացմունքային/հոգական է, տղայի նկատմամբ՝ գործընկերային (հատկանու արտահայտված է տղամարդկանց խմբում): Աղջկա նկարագրության մեջ, նրա նկատմամբ վերաբերմունքում գերակշռում է հոգականությունը. **«Աղջիկ երեխու անուշությունը լրի ուրիշ ա»:** Աղջկան ընկալում են որպես ջերմ զգացմունքներ, հիացմունք առաջ բերող օբյեկտ, նա նաև ընկալվում է որպես զգացմունքայինության սուբյեկտ, բայց միաժամանակ չի ընկալվում ակտիվության, գործունակու-

թյան տեսակետից, որպես գործունեության սուբյեկտ: Հիշյալ տարրերությունն արտահայտվում է նաև դիմելածնում, աղջիկներին բաժին են ընկնում ավելի փառաքշական, հուզականություն արտահայտող բառեր և արտահայտություններ, որոնք ընդգծում են դրական հուզական վերաբերմունքը նրանց նկատմամբ, միաժամանակ նաև աղջկա պասիվ կարգավիճակը. **«Գանձս, քաղցր»:** Տղաների նկատմամբ դիմելածնում արտահայտվում են նրանց հետ փոխհարաբերությունների բնույթը և ակտիվությունը. **«Ախար, ընգեր, չարածախ»:** Առկա է նաև կոպիտ դիմալածն. **«Ճռ»**, **«գյաղս»**, **«տռ, այ լակով»**, որը, սակայն, միտված է «տղամարդկայնություն սերմանելու» երեխայի մեջ: Իգական հուզականության և արական գործնականության կարծրատիպերն իրենց դրսորումն են գտնում նաև լայն տարածում գտած հետևյալ արտահայտությունում. «Աղջկի ունենամ, որ վրաս լացող լինի, տղա ունենամ, որ ինձ քաղող լինի»:

6. Մյուս կարծրատիպը, որը վերաբերում է իգական սեռին, այն է, որ աղջիկներն իրենք են պատասխանատու իրենց նկատմամբ տղաների վարվելակերպի համար, ըստ որում, սա ավելի արմատավորված է աղջիկների մտածելակերպում.

«Յուրաքանչյուր աղջիկ ինսն է սիդում, թե իր հետ ոնց վարվի իր դիմացի տղան, այսինքն՝ աղջիկը իր տահվածքով դես է այսուես անի, քոյլ շտա, որ իր դիմացի տղան իրա հետ խոսելուց անզան վաս բառ օգտագործի, իրեն ավելորդ շարժում քոյլ տա, եղ աղջիկը դես է սիդի իր հետ ոնց վարվեն»:

Պատանիների խառը ֆոլուս խումբ

Ստացվում է, որ աղջիկը պատասխանատվություն է կրում ոչ միայն իր, այլ նաև դիմացինի վարդի համար, ինչը հետագայում կնոջ նկատմամբ բրոնության պարագայում դիտվում է իրքն ամուսնուն բարկացնելու համար բնականոն և արդարացված հետևանք.

«Նարավոր չի, որ առանց առիթ ամուսինը կնոջ վրա ձեռք բարձրացնի»:

Տղանարդկանց ֆոլուս խումբ

7. Մտավոր ընդունակությունների և անձնային գծերի վերաբերյալ գեներային կարծրատիպերը, որոնք ընդգծել են նախադպոցական հաստատություններում և դպրոցներում աշխատող մանկավարժների հետ հարցազրույցներում, իմնականում մատնանշում են, որ տղաներն ընկալվում են իրքն ավելի բարձր մտավոր ունակություններ ունեցողներ, ինչպես նաև ավելի ազրեախվ, իսկ աղջիկները բնութագրվում են որպես ավելի աշխատասեր և պատասխանատու:

«Տղաների միտքը մի փոքր ավելի ձկուն է, ավելի արագ են

մտածում, ավելի լավ են կողմնորոշվում, լավ է կոռողինացիան, ինչո՞ւ չէ, նաև տամարանությունը, աղջիկները մի փոքր ավելի, երկի թե նորություն չեմ ասի, աչխատասեր են, ավելի դարձանաշ են, բայց մի փոքր երևի ավելի թույլ ընդունակություններով տամարանության մեջ»:

Խորացված հարցագրույց ուսուցիչ հետ

«Աղջիկները ավելի հանգիս են, ասեն՝ Էդ Խաղային իրենց քաները կարողանում են կազմակերպել, տղաները ավելի շար են, ավելի ազրեսիվ են, իրաւ ավելի շատ իրում են, խփում են, ավելի ակտիվ են, բան աղջիկները»:

Խորացված հարցագրույց մանկապարտեզի դասիարակի հետ

«Որովհեծ աղջիկները սովորաց ավելի հավասարակօված, հավաքված, շափի մեջ են, բան տղաները»:

Խորացված հարցագրույց մանկապարտեզի դասիարակի հետ

Հետաքրքիր է, որ մանկավարժների մեծամասնությունը համարում է, որ վերջին տարիներին (ի տարրերություն իրենց անցյալ տարիների փորձի) իգական սերի աշակերտներն ավելի ակտիվ ու նախաձեռնող են, ավելի ազատ են կարողանում ինքնարբուստրվել և նոյնիսկ երբեմն ավելի անկարգապահ ու ազրեսիվ են, քան տղաները, որոնք ավելի պասիվ ու չնախաձեռնող են. «**Խելքով դղամարդիկ, էն ինպէլիզենսը խալը դղամարդկանց, էնրան խեղճ ա բնավորությամբ, մեջդեղ կորում են: Լավ սովորող դղաները էսօր շալը ժամանակ չեն ընդունվում, որովհեկի բնավորություն չունեն» (խորացված հարցագրույց ուսուցիչների հետ): Համարում են, որ շատ կարևոր է, որպեսզի տղաները լինեն ավելի համարձակ, ակտիվ և ինքնավատահ, քան կան. «**Հեկո դղան պիպի ինքնավարահ լինի շալը, իհմա շալը ա պակասում մեր դղաների մեջ: Բնավանիրում էլ դղան պիպի զգա, որ իր խոսքը մի բանի գեղ պիպի անցնի էդ միջավայրում էլի: Ենրադրենք իրա կարծիքն ունի նշանակություն» (խորացված հարցագրույց ուսուցիչների հետ): «**Առնական դղամարդը, համենայն դեպս իհմա, ինչ թվում է, դրս կարիքը շալը է զգացվում, շալը» (խորացված հարցագրույց մանկապարտեզի դասիարակի հետ): Եվ այս ամենն ամփոփվում է ուսուցչի հոռետեսական արտահայտությամբ. «**Տղա դեսակը կորում ա...»:********

Խնդիրն այն է, որ գոյություն ունի տղաների և աղջիկների անհավասար մրցակցություն. «**Ես նկագրել եմ, որ դղաներին ավելի լավ են վերաբերվում թե՛ զնահավականի, թե՛ ուշադրությամ, թե՛ մյուս-մյուս կողմերով»,** և այս հաճախ մատնանշվում է ուսուցիչների կողմից որպես տղաների շամքերն

ավելի բարձր գնահատելու ձգտում: Այս, որ ընտանիքում և ուսումնական հաստատությունում աղջկը պետք է որոշակի դիրք վաստակի, իսկ տղայի դիրքն ամրագրված է իր սեռով, հանգեցնում է մրցակցության մեջ տղաների ձգտման բուլացմանը: Չիչ զանքերով մեծ ձեռքբերումները դարպում, առանց զանքերի արտօնյալ դիրքն ընտանիքում բուլացնում են տղաների նպատակասլացությունը, նախաձեռնողականությունը, ճկունությունը:

«Աղջկներն ավելի ակտիվ են հիմա դարձել, քան տղաները, ավելի ըմբուսացել են, ավելի կամակոր են դարձել, քան տղաները: Նոյնիսկ ղամահում աւաս հաճախու, որ ձեռք են բարձրացնում տղաների վրա, աղջակում են, այդտիսի երևոյթներ աւաս ենկատել, առաջ էդղես չե»:

Խորացված հարցագրույց ուսուցչի հետ

«Դիմա, ասենք, աղջկները ավելի համարձակ են, ավելի կայուն քնավորություն ունեն, քան նախկինում են դաստիարակել աղջիկներին, հիմա էդղես չի, էի... Հանգիս իրենց կարծիքը կարող են հայսնել աղջիկները, ավելի անկաւկանդ են հիմա, քան տղաները, կարելի ա ասել: ... Դիմա որ նայում ենք, աղջիկներն ավելի կայուն քնավորություն ունեն, համարձակությունն ավելի աւաս աղջիկների մոտ»:

Խորացված հարցագրույց մանկապարտեզի դաստիարակի հետ

Մեջբերումներում առկա դիտարկումները, առաջին հերթին, աղջիկների կողմից մրցակցային անհավասար պայմաններում գոյատելու ձգտումն հետևանք են. քանի որ տղաներն ավելի արտոնյալ դիրքում են զտնվում, աղջիկները փորձում են իրենց նախաձեռնողականությամբ և ակտիվությամբ հավասարվել տղաներին. «**Տղաներն իրանց իմացածքը, իրանց չզպումները չեն ցուցադրում, ավելին ամաչում են սովորեն: Իսկ աղջիկները ցուցադրելու իմադիր ունեն, շատ են ուզում իրենց ցուցադրեն, չեղած գրելից էլ մի քան սպելծում են»» (խորացված հարցագրույց ուսուցչի հետ): Մյուս կողմից, մենք երիտասարդ մայրերի խմբում աղջիկներին ավելի ազատ ու համարձակ մեծացնելու միտումներ ենք արձանագրել:**

Ըստ որում, աղջիկների ակտիվության, լիդերության ձգտումը համարվում է բնական դրվագին հակասող, անընդունելի, և ուսուցիչներից շատերին զայրացնում կամ մտահոգում է. «**Պիպի հակառակը լիներ, պիպի աղջիկները ավելի պասխի լինեին, այսինքն հնագանդ, դղաները՝ նախաչերնող: Բայց մեր դառն իրականությունը մուր գրարիներից սկսած քերել ա հակառակը: Փասդը ցոյց ա տալիս, որ մեր դղաները բացարձակ նախաչերնող չեն, բացարձակ, էնքան ցավով են դա ասում, ազնիվ խոր» (խորացված հարցագրույց ուսուցչի հետ):**

Ընդհանրացնելով՝ կարող ենք ասել, որ գեներային պատկերացումներում գերակշռում են կարծրատիպային ընկալումները դերերի և իշխանության բաշխման, իզականի պատիվության, արականի ակտիվության և միշտ անձնային որակների և ընդունակությունների վերաբերյալ։ Հայաստանյան իրականության համար բնուրագրական է աղջկա ընկալումը որպես ընտանիքի «ժամանակավոր», իսկ տղայի՝ որպես իմանական անդամ, ինչը պայմանավորում է նրանց նկատմամբ տարբերակված վերաբերմունքը, սպասումները, դաստիարակության իմանական առանձնահատկությունները։ Բացի վերոհիշյալներից, միշտ կարծրատիպային պատկերացումները են դուրս բերվել նաև իզական և արական սեռի ցանկալի, պարտադիր համարվող որակների վերաբերյալ, որոնք շարադրված են 2.2.2. «Խրախուսվող, պարտադիր համարվող որակներ» պարագրաֆում։

2.2.2. Խրախուսվող, պարտադիր համարվող որակներ

Գեներային կարծրատիպերը վերաբերում են նաև կնոջ և տղանարդու ցանկալի կերպարին։ Այս կարծրատիպերն անշափ կարևոր են գեներային սոցիալականացումը հասկանալու համար, քանի որ մեծապես պայմանավորում են երեխաների դաստիարակության շեշտադրումները։ Թե՛ ծնողները, թե՛ դաստիարակության գործընթացին մասնակցող մյուս մեծահասակները, թե՛ հասակակիցներն ակտիվորեն խրախուսում են այն որակները, որոնք համարվում են տվյալ սեռի համար պարտադիր։ Կարծրատիպերի այս խումբը դուրս բերելու համար մենք վերլուծել ենք ծնողների, մանկավարժների և հասակակիցների կողմից խրախուսվող վարքածները, նրանց կողմից որևէ սեռի համար որպես պարտադիր նշվող հատկանիշները, որակները, ինչպես նաև տարբեր սեռի երեխաներին տրվող իմանական ուղերձները՝ խրախուսների, կարգախոսների տեսքով։ Այս ամենը մեզ թույլ է տալիս հասկանալ, թե ինչ տիպի անձ է հասարակությունը կերտում տղաներից և աղջկներից, և ինչ գծեր ու հատկություններ է ձգտում ձևավորել նրանց մեջ։

Աղջկների համար կարևորվող որակներ

1. Զսպվածություն։ Բոլոր խմբերում միանշանակ համարվում է, որ աղջկը պետք է զուսապ լինի թե՛ հուզականության, թե՛ շարժուձևի, թե՛ խոսքի և թե՛ բարոյականության տեսակետից։ Զսպվածությունը հարաբերակցվում է աղջկների սեռականության սահմանափակման հետ, և դաստիարակության մեջ այս շեշտադրումները զուգահեռաբար են հանդես գալիս։ Զսպվածությունը որպես աղջկա պարտադիր որակ կարևորում են թե՛ իզական և թե՛ արական սեռի ներկայացուցիչները։ Այսինքն՝ սրանով շեշտադրվում է կնոջ կողմից հասարակական նորմերի տիրապետման, նաև վարքն «ինքնանորմավորելու» կարողության կարևորությունը։

«Ամենասառաջինը երևի բարոյական առումով զուսպ լինելը,

համեստորթյունը, ու շգիտեն: Երևի աղջիկը դեսք ալիսի էստիսին,
որ արժանի լիսի մայր լինելուն»:

Երիսսասարդների խառը ֆոլուս խումբ

«Աղջիկներն ավելի իրենց զարգած դասեն»:

*Խորացված հարցագրույց մանկապարտեզի
դասիարակի հետ*

«Աղջիկներին էլ միւս ասում եմ, որ դեսք է լինել զուսոյ, զան-
կազած դասի շրովսկվել, շարտահայտել այս ամենը, ինչ ուզում են
այդ դասին ասել»:

Խորացված հարցագրույց ուսուցչի հետ

«Ես սիրում եմ, որ աղջիկը զարգած է լինում, այ, իմ աղջկա
մեջ հենց դա սերմանում եմ հիմիկվանից»:

Կանանց ֆոլուս խումբ

2. Համեստորթյուն: Հաճարվում է, որ աղջիկը պետք է համեստ լինի,
սա կարևորվել է բոլոր խմբերում, երկու սեռի ներկայացուցիչների կողմից,
միայն մայրերի խմբում չի արձանագրվել:

«Աղջիկը ինչքան համեստ, կսան լավ»:

Տղանարդկանց ֆոլուս խումբ

«Դե, հայ ընտանիքի մեջ ընդհանրաբես միւս համեստն ալի-
նում, էլի, իմ կարծիքով... Աղջիկը դեսք ա հեզ լիսի, չէ՞, վսյո,
դրանով ամեն ինչ ասված ա»:

Տղանարդկանց ֆոլուս խումբ

«Համեստորթյուն, ինչը բնորու ա աղջկան»:

Երիսսասարդների խառը ֆոլուս խումբ

«Աղջկա համար, դեսք է ավելի կանացի լինել, ավելի հա-
մեստ, ավելի բարեհամբույր»:

*Խորացված հարցագրույց մանկապարտեզի
դասիարակի հետ*

3. Չափի զգացում: Գրեթե բոլոր խմբերում բառացիորեն կամ նկարագ-
րությամբ ընդգծվում է այդ որպակի կարևորությունը, այսինքն՝ կարևորություն
է տրվում ինքնակարգավորման կարողությանը կամ, այլ կերպ ասած՝ ինքնա-
նորմավորման ձգտմանը: Ըստ Էության, չափի զգացումը, զապվածությունն ու
համեստորթյունը կազմում են պարտադիր որակների համախումբ, որը բնորո-
շում է աղջկա/կնոջ ինքնասահմանափակող, հարմարվող էությունը:

«Չափի մեջ, հավաք, համեստ»:

Խորացված հարցագրույց մանկապարտեզի

Պատանիության հետ

«Աղջիկը համես լինի, այսինքն չափավոր լինի, զուսպ լինի»:
Պատանիության հասոր ֆոկուս խումբ

«Աղջկա համար կարևոր են համեսությունը, խելքը, չափի զգացումը»:

Պատանիության հասոր ֆոկուս խումբ

4. Աղջկների պարտադիր որակների թվում են մաքրասիրությունը, կողիկուրյունը. «**Ես կուզեմ աղջկս մաքրաւեր լինի, կոկիկ լինի, իր արդարին պեսրին միշտ հետիկի, դրանից էլ բիտք՝ ինքը կանացի կլինի»** (կանանց ֆոկուս խումբ), կենցաղային գործերում հմուտ լինելը. «**Ավելի շատ երի պատրար լինի աղջիկը**» (տղամարդկանց ֆոկուս խումբ): Ըստ որում, աղջկա մաքրասիրությունը վերաբերում է ոչ միայն սեփական մարմնի և հազուստի, այլ նաև շրջապատի, տաճ, դպրոցի մաքրությանը հետևելուն: Այս որակը կարևորվել է բոլոր խմբերում, միայն երիտասարդների խմբում դրսերվել է ոչ թե ուղղակի, այլ անուղղակի ձևով՝ աղջկան տաճ մաքրությանը հետևելու գործառույթի վերագրումով: Այս որակի կարևորումն ուղղակիորեն արտացոլում է աղջկա՝ իր ապագա դերի համար պատրաստվածության անհրաժեշտությունը և հստակ մատնանշում է կնոջ տեղն ու դերը հասարակությունում:

5. Աղջկների համար պարտադիր են համարվում նաև ենթարկվողությունը, հնազանդությունը, զիջողականությունը (կարևորվել է հայրերի, երիտասարդների, պատանիների, մանկապարտեզների դաստիարակների և ուսուցիչների խմբում): Եթե սեփական ծնողներին ենթարկվելը կարևոր է համարվում երկու սեփի երեխաների համար, ապա աղջկա դեպքում նա նաև պետք է ենթարկվի տղամարդու՝ իր ընկերոջ կամ ամուսնու, նաև ամուսնու ծնողների որոշումներին: Նոյնիսկ համարվում է, որ եթե աղջկը զիջող և ենթարկվող չլինի, նա ապագայում խնդիրներ կունենա: Հետաքրքիր է, որ երիտասարդ աղջիկներն արդեն ընդունել են այս հանգամանքը որպես փաստ, և իրենք էլ կարևորում են կնոջ հնազանդությունը և ենթարկվողությունը տղամարդու որոշումներին:

«**Միշտ ես եղ հավանել ես սղաների մեջ, որովհետև եղ մի բանն ա, որ սղոն աղջկանից առանձնացնում ա, դե, որ իրան իրանցը ոլիսի ասեն ու աղջիկն էլ ոլիսի լսի»:**

Երիտասարդների խասոր ֆոկուս խումբ (աղջիկ)

«Աղջկա համար կարևոր ա լսելու ուսակությունը, որովհետև յուրախանչյուր տղա ցանկանում ա, որ իրա կողքի աղջիկը լսի իրեն»:

Երիտասարդների խասոր ֆոկուս խումբ (աղջիկ)

«Աղջիկն էլ տեսf է մի ժիշտային լսող լինի, եթե տղան մի բան ասում է, ես ասում եմ՝ հետք կռվի մեջ մի մժիր, դու զիջիր, դու աղջիկ ես, եեզ ավելի հանգիստ դահիր, ոչ թե հետք մժիր կռվի մեջ, ավելի իրենց զաղված դահեն: Աղջիկը եթե զիջող չեղավ, իր համար հետն վաս կինի, բող հիմիկանից սովորեն...»:

*Խորացված հարցագրույց մանկապարտեզի
դաստիարակի հետ*

«Դե, Էլի ջղայնանում եմ, ասում եմ. «դու աղջիկ ես, եեզ տեսf է ավելի համեստ դահես, հնազանդ, թեկուզ, որ տղան մի բան է իրենից ուզում, աղջիկը չի տախի, ես ասում եմ՝ չի կարելի, նա տղա է, եթե ասում է, ոչինչ, զիջիր նրան, ես սովորացնում եմ, որ աղջիկները զիջեն տղաներին, չզիտեն դա ճիշտ է, թե չէ»:

*Խորացված հարցագրույց մանկապարտեզի
դաստիարակի հետ*

Որպես հակագորում սեփական ճնշված կարգավիճակիմ՝ մայրերը փորձում են զերծ պահել իրենց դուստրերին այդ վիճակում հայտնվելուց, այդ պատճառով կարևորում են աղջկա չենթարկվողությունը, ինչը նույնական համարվում է աղջկա հետագա բարօրության նախապայման. «**Ուրախանում եմ, որ աղջիկս թեկուզ հոր քննավորության այդ գծերից վերցնում է, բող մեկ-մեկ, ոչինչ, բող ինչ հակառակի, բայց հեկող կյանքում դա իրեն պետք է զայռու»:**

Հաստ որում, այս հարցում երիտասարդ մայրերը ձգտում են փոխել պահպանողական մոտեցումները և իրենց ծնողներից ստացած դաստիարակության իգական մողելները. «**Ես մեծացել եմ ու հասկացել եմ որպես են ինչ իմ ծնողները խեղճացրել, որ ես ինչ-որ մի գեղ եղել եմ ինդա, քաշվող, բայց ես իհնա ինքու եմ ինչ ուղղում ու աշխատում եմ այդ սիալները չկրկնել իմ աղջկա հարցում»:**

6. Գեղեցկությունը: Աղջկա համար պարտադիր են համարվում արտաքին գրավչությունը, գեղեցկությունը (կարևորվել է տղամարդկանց, կանանց, երիտասարդների և դաստիարակների խմբում): Եթե հայրերի և երիտասարդ տղաների կողմից կարևորվում է գեղեցկության մարմնական կողմը («**Համեսպուրյունը, խեղճացրյունը, գեղեցկությունը, ինչո՞ւ չէ»** (տղամարդկանց ֆոկուս խումբ), «**Մեկ էլ գեղեցկություն, բայց գեղեցկության վրա ավելի շատ եմ ուշադրություն դարձնում, էղ իմ համար շատ կարևոր ա, մնացածն էլ էլի շափի մեջ էլի» (երիտասարդների խառը ֆոկուս խումբ)), ապա մայրերի և դաստիարակների կողմից ավելի կարևորվում են աղջկա հագուստի, սանրվածքի կոկիկությունը, խնամվածությունը. «**Սա գեղեցիկ է, ակուրագինի հազնակած է, ճաշակով, ես միշտ դա նշում եմ իրենց մով, միշտ իրախոսում եմ»**(խորացված հարցագրույց մանկապարտեզի դաստիարա-**

կի հետ), «Ես կուզեմ աղջիկս մաքրասեր լինի, կոկիկ լինի, իր արդարին գիւրին միշտ հեղին, դրանից էլ բխող ինքը կանացի կլինի» (կանանց ֆոկուս խումբ): Աղջկա արտաքին տեսքի շեշտադրումը և տղայի մտավոր հճարավորությունների կարևորումը արտահայտվում են անգամ ծնողների մինչծննդյան պատկերացումներում: Դեռևս մինչև ծնվելը, իգական և արական սեռի երեխաների վերաբերյալ պատկերացումները տարրերվում են ոչ միայն բովանդակությամբ, այլ նաև ուղղվածությամբ. աղջիկների վերաբերյալ պատկերացումները հիմնականում կապված են նրանց արտաքին տեսքի, իսկ տղաներինը՝ նրանց մտավոր ունակությունների, անձնային հատկանիշների և անգամ ապագայի ձեռքբերումների հետ:

«Աղջկաս դեմքը քտենց գծել էի, հա՛, ու ասում էի նոյնիսկ եղունգներդ դեսք ա երկար-երկար լինեն, ֆրդ փոքր, աշուկներդ սիրուն, մեծ-մեծ, նուրբ դեսք է լինես, դեսք է երգես, դարես»:

«(աղջիկը) սովորականաց, գանգուր մազերով, ժիկահեր, կատույս կամ կանաչ աշենով»:

«(տղան) խորը մարդ լինի, լավ մարդ մեծանա, շաս ուժեղ մարեմաժիկա իմանա»:

Կանանց ֆոկուս խումբ

Սա նաև կնոջ նկատմամբ որպես սպառնան օրյեկտ դիրքորոշման դրսելումներից է. կնոջ գեղեցկությունը կարևորվում է, քանի որ նա պետք է գրավիչ լինի հակառակ սեռի համար՝ ընտանիք կազմելու, «հայրական տնից գնալու» իր պարտականությունը կատարելու և հետագայում ամուսնու բարեհաճուրյունը վայելելու համար:

7. Քչախտություն (կարևորվել է ուսուցիչների և երիտասարդների կողմից): Երիտասարդների խմբում թե՛ տղաները, թե՛ աղջիկները կարևորում են այս որակն աղջիկների համար. «**Զազլածությունն ու դրա առանձին մի հավականիշ քչախտությունը**» (երիտասարդների խառը ֆոկուս խումբ): Քանի որ աղջիկներին ներկայացվող սահմանափակումներում մանրամասն քննարկել ենք խոսքի սահմանափակումները, այստեղ ներկայացնում ենք միայն «քչախտություն» որակը: Այն բնութագրում է աղջկա չհակածառող, խոսքի իրավունքի չհավակնող կողմը, այդ պատճառով պարտադիր է համարվում:

8. Ուժեղ կամ թույլ բնավորություն: Աղջկա բնավորության վերաբերյալ կանանց խմբում արձանագրվել են հակասական կարծիքներ: Կանանց մի մասը համարում է, որ աղջիկը պետք է թույլ լինի, ինչն ընկալվում է որպես հակառակ սեռի հետ հաջողակ հարաբերությունների գրավական. «**աղջիկը ունի է, ինքը ինչ-որ նրբությունով, բուլությունով է, չէ, որ հեղազայում կյանքում պետք է իրեն այդ բույլ լինելը: Յավոր սրբի, երբ որ դու ուժեղ**

Ես լինում, կիև գրեակը, գրամարդք անգրեսում է, ես իմ փորձից եմ ասում, իսկ եթե դու բոյլ ես լինում, ինքը անընդհապ ուզում է քեզ պաշտպանել, ու դու քեզ լավ ես զգում: Ես կուզենայի բոյլ լինեի մի քիչ աղջիկը իսկականից պեկը է բոյլ լինի, անգամ եթե ինքը ուժեղ մարդ է, ինքը գրամարդու կողը պեկը է բոյլ լինի»: Մյուս մասը հակառակ տեսակետն ունի, համարում է, որ կինը պեսոք է ուժեղ լինի, քանի որ լնտանիքում պատասխանատվորյան մեծ չափաբաժն է կրում. «Ես չեմ գրմում, որ աղջիկը պեկը և անպաշտպան, բոյլ, անողնաշապ էակ լինի, երկուսն էլ մարդ են, ինչ դարբնուրյուն:** Որ ուզում եք ինձնաք, մեր հայ իրականուրյան մեջ ընդունիքի ինքը կինն է, ինչի պեկը է բոյլ լինի, ողնաշապը կինն է»: Սի դեպքում շեշտադրվում է կնոջ կախյալ կարգավիճակը, որն, ի դեպ, դրական է գնահատվում կանանց կողմից, մյուս դեպքում շեշտադրվում են կնոջ պարտականուրյունների լայն շրջանակը և լնտանիքի «ծանր բեռը» կնոջ ուսերին, որը կրելու համար նա պետք է ուժեղ լինի: Երկու կարծիքներն ել արտացոլում են լնտանիքում կնոջ կարգավիճակի անբարենպաստ էությունը:**

Սեկ անգամ ևս շեշտենք, որ վերոիիշյալ բոլոր որակները համարվում են անհրաժեշտ աղջիկների ապագա կարևորագույն դերի՝ մայրուրյան, ինչպես նաև «հարսնուրյան» համար.

«Դու ո՞ս եմ դատկերացնում, եթե իմ աղջիկը գնացել ահար, կեսարը աշխատանից կամ հոգնած, կամ զինովցած եկել ա, ասել ա՝ աղջի, ու ժիրոյ մերը կամ զգիտեմ ինչ, ինսն էլ սկսել ա լեզվին տալը, ընքը, չէ՞ որ խոսից խոս ա քացվում: Ինքը էղ դասիը կարա կու սո ու ըսդունի, ասի՝ «դատ ջան, ցավդ էլ տանեմ, այ մեռնեմ ենք, էս ինչ լսվս ես, սամի դառկացնի, սիա, ինչխան զեղեցիկ կիխնի, ինքը՝ էղ հաւըր, ինչխան սիրուն կիխնի, հարզված բոլորի կողմից, որ լեզվին չսա, քան չանի»:

«Որ ծողներին չի հարզում, իրա կեսուր-կեսարին նկատի ունեմ, իրա ամուսնու, կեսուր-կեսարի առաջ հաց ու ջուր չի դնում, իսկ դա գալիս ա ումի՞ց: Ինձանից, մյուսից, մյուսից, որ շեն դասիւրակել, որ ինքը հնազանդ չի: Թէ՞ որ ինչխան հնազանդ եղավ, էսան հարզանք, իրան էլ կիարգեն, իրան էլ կբարձրացնեն, իրան էլ կդասիեն»:

Տղամարդկանց ֆոլուս խումբ

Ինչպես երևում է, աղջկա ակտուալ ու ցանկալի հատկանիշների նկարագրուրյան մեջ ավելի շատ գերակշռում են լնտանիքի անդամների նկատմամբ նրա պարտավորուրյուններից բխող հատկանիշները, քան այլ անձնային հատկանիշներ, որոնք նրան բոյլ կտան ինքնադրսեորվել նաև մասնագիտական և հասարակական գործունեուրյան մեջ:

Sղաների համար կարևորվող որակներ

Ի տարբերություն աղջիկների՝ տղաների հատկանիշների նկարագրության մեջ հստակ երևում է սոցիալական ակտիվության, ընտանիքից դուրս հասարակական կյանքում մասնակցության, կյանքում տեղ գտնելու կարողության կարևորությը, ինչպես նաև գերդաստանը շարունակողի կարգավիճակի ամրագրումը:

«Տղայի ծնունդը ընտանիքում կրկնակի ուրախություն է, նանի որ հենց նա է դառնում տան, օջախի լույսը, վառ դահող ձրազը և տիկի անոնը շարունակող ժառանգը: Նա ինը կողմից դաստիարակվում է որպես ավանդությունների կրող, դահղանող ու զարգացնող: Տղան դեմք է հնագանդվի ծնողներին, ուսանի, զնի իր տեղը կյանքում և հասարակության մեջ, դառնա լավ ամուսին ու լավ հայր»:

Խորացված հարցագրույց հոգևորականի հետ

Տղաների մեջ խրախուսվող որակներում չկար որևէ որակ, որն ընդգրծվում էր բոլոր խմբերում, տարբեր խմբերում տարբեր որակներ էին կարևորվում, տարբեր տիպի վարք էր խրախուսվում: Այդուհանդերձ, թվարկենք այն որակները, որոնք առավել շատ են նշվել.

1. Համարձակություն (կարևորվել է ուսուցիչների, կանանց, տղամարդկանց, դաստիարակների կողմից): Այս հատկանիշը նշվել է նաև այլ հոմանիշներով, մասնավորապես առօրյա խոսակցական լեզվում ընդունված «դուխով» եզրույթով:

«Դուխ» տիտի ունենա տղան անդայման, չգիտեմ դրան հայերեն ոնց կարելի ա ասել, իրանց հենց տեսուց էլ ասում եմ՝ դուխ ունեցի, տղա ես, երե անգամ կցավացնեն, կծեծեն, մի տեղդ կցավի, ոչինչ, բայց դուխդ տեղը դահի, դուխը գործի կեսն ա, ցանկացած հարցերի լուծման մեջ: Ոփսկը, համարձակությունը»:

Խորացված հարցագրույց ուսուցիչների հետ

«Կուզեմ տղաս ավելի համարձակ լինի, սիրում եմ, զնահատում եմ համարձակ մարդկանց»:

Կանանց ֆոկուս խոսք

Երբեմն համարձակությունը և նախաձեռնողականությունը նոյնացվում են ազրեսիվության հետ, որի բացակայությունը համարվում է «աղջկական»՝ տղայի համար անցանկալի վարքածն:

«Օեծող, կրվարար, ազրեսիվ, երե այդտես չէ, երեխաները ձսում են նրան, այլ տղաները իրենց ծնողների դրդմամբ: «Քո տղեն դզիկ ա, դրա համար էլ ծեծում են, լավ են անում», այ էս մոտեցում ա, էլի»:

Խորացված հարցագրույց հոգևորականի հետ

2. Հարզանքն իգական սեռի հանդեպ (կարևորվել է կանանց, տղամարդկանց, ուսուցիչների, դաստիարակների, պատանիների կողմից): Հատկանշական է, որ այս կարևոր որակը նշվում է դաստիարակություն իրականացնող բոլոր նշանակալի անձանց կողմից: Այն շատ ընդգծված է հատկապես նախադպրոցական հաստատություններում ու դպրոցում և ներառում է աղջկների նկատմամբ բռնություն չկիրառելը, նրանց նկատմամբ ուշադիր և բարեկիրթ վերաբերմունքը:

«Երբ հարզում են աղջկներին, երբ սիրում են, երբ զիջում են,
երբ օգնում են»:

Խորացված հարցագրույց ուսուցչի հետ

«Տղան ոլես է հարզալից լինի աղջկա հանդեպ, երկրորդը, որ
չվիրավորի աղջկան, ձեռք չբարձրացնի, երրորդն էլ, որ ձեռք չառ-
նի աղջկան, աղջկա դասիվը չզգի»:

Պատանիների խառը ֆոկուս խումբ

3. Կամքի ուժը (կարևորվել է տղամարդկանց, կանանց, ուսուցիչների, պատանիների կողմից): Համարվում է, որ տղայի համար կարևոր է ուժեղ կամք ունենալ կյանքում նշանակալի ձեռքբերումներ ունենալու, խոչընդոտ-ներ հաղթահարելու համար: Կանայք համարում են, որ կամքի ուժը հավասարաչափ կարևոր է երկու սեռի համար, սակայն աղջկներին այն անհրաժեշտ է հասուն կյանքի դժվարություններին դիմակայելու, ընտանիքում նոր դերը լավագույն ձևով կատարելու համար:

«Կամք, կամային հաւաքությունները, որ ավելի ամուր կամք ու-
նենա»:

Խորացված հարցագրույց ուսուցչի հետ

«Էղ կամքի ուժը ամենավեհն ա, որ երեխու մոտ ձևավորվում
ա, կա ու ինքը իրա ուզածին զանկացած դասին կարողանում ա
հասնի»:

Նախարարկանց ֆոկուս խումբ

4. Նպատակավագություն (կարևորվել է երիտասարդների, կանանց, տղամարդկանց կողմից): Ծնողները կարևորում են իրենց տղաների նպատակներին հասնելու ընդունակությունը, ձեռքբերումների ձգտումը. «**Որ
ինքը համոզիչ կարողանում ա իրա ուզածին հասնի, ... նպաւակասալաց
լինի»** (տղամարդկանց ֆոկուս խումբ): Այս որակի շեշտադրումը, նշանակալիությունը հատկապես ակներս է տղաների և ոչ թե աղջկների համար, քանի որ տղան է ընկալվում որպես ձեռքբերումներ ունեցող, ինքնակերտող, իր ճակատագիրը կառուցող անձ: Այս տարբերությունն այնքան խորն է, որ ծնողը նույնիսկ ցանկանում է, որ իր աղջկա նպատակավագությունը պատ-

կաներ իր տղային. «Աղջիկու ուղիղ գնում ա իրա նպաստակին, կուզենայի դղաս այդպիսին լիներ...» (կանաց ֆոկուս խումբ):

5. Արժանապատիվ («թասիրով»), իր խոսքի, խոստումների, արարքների համար պատասխանատու (կարևորվել է ուսուցիչների, մայրերի, երիտասարդների կողմից):

«Տղաների մեջ, երբ որ տղան արժանապատիվ է, տեսե՛ ուս են ասում թասիրով տղա...»:

Խորացված հարցազրոյց ուսուցչի հետ

«Իրենց ասածի տերը, այ, իմ տղային հենց այդուն էլ դաշտասվոր եմ դաստիարակել»:

Կանաց ֆոկուս խումբ

«Դե, տղայի համար, ասենք, կարևոր հասկանիքը նու ա, որ ... ասում ա՝ տղա ես, ո՞ւ ասածին տեր կանգնի: Ասենք, տղամարդը մետք ա իրա տղամարդկությունը հենց առաջին հերթին դրանով ցույց տա»:

Երիտասարդների խառը ֆոկուս խումբ

6. Ընկերապիրություն (կարևորվել է կանաց, տղամարդկանց, երիտասարդների կողմից): Համարվում է, որ տղամարդիկ ավելի լավ են կարողանում ընկերություն անել, քան կանայք, և ընկերների նկատմամբ նվիրվածությունը տղայի, տղամարդու կարևոր հատկանիշ է համարվում. «Այ, դղու մեջ նաև ընկերասիրություն: Դա շատ կարևոր ա դղու մեջ» (տղամարդկանց ֆոկուս խումբ):

7. Հայրենասիրություն (կարևորվել է տղամարդկանց, ուսուցիչների, մանկապարտեզի դաստիարակների կողմից). «Հայրենասիրությունը պարպաղիր» (խորացված հարցազրոյց ուսուցչի հետ), «Հայրենասպաշտպան լինի ու ցանկացած պահի պազրուասք լինի իրա ընկանիքը պաշտպանելու» (տղամարդկանց ֆոկուս խումբ):

Մի շարք որակներ են նշվել են, սակայն ավելի պակաս հաճախականությամբ՝ մեկ կամ երկու խմբում: Դրանք են՝ նախաձեռնողականությունը (ուսուցիչներ, դաստիարակներ), ինքնավատահությունը (ուսուցիչներ), գաղտնապահությունը (երիտասարդներ), լրջությունը (երիտասարդներ), աշխատափականությունը (երիտասարդներ), խասությունը (պատանիներ), հանդուժողականությունը (դաստիարակներ):

Ամփոփելով՝ կարող ենք ասել, որ տղաների համար պարտադիր համարվող որակները, ի տարրերություն աղջկեների մեջ սերմանվող որակների, հիմնականում ինքնիրացմանը, ձեռքբերումներ ունենալուն, ակտիվ և հաջողակ գործունեություն ծավալելուն նպաստող որակներ են: Նույնիսկ ընկերասիրությունն ավելի կարևոր է համարվում տղաների համար, քանի որ աղ-

Չիկն ամուսնությունից հետո ստիպված է լինում իր ընկերական շրջապատը նեղացնել և հնարավորինս նվազեցնել շփումն ընկերների հետ՝ ավելի շատ ժամանակ ընտանիքին նվիրելու համար: Այսախով, վաղ մանկությունից տղաներին մեծացնում են հասարակությունում բարձր դիրք գրավելու, իր նպատակներին հասնելու, դռմինանտ լինելու, իսկ աղջիկներին՝ զիջող, ենթարկվող և ինքնազոհարերությանը պատրաստ լինելու ուղերձներով:

Երկու սեռերի համար կարևորվող որակներ

Կան որակներ, որ պարտադիր են համարվում երկու սեռերի համար և արձանագրվել են գրեթե բոլոր խմբերում: Սակայն այստեղ տարբերություննը դրսերփում է տվյալ որակի բովանդակային ընկալման և նպատակային կիրառականության մեջ: Միևնույն որակը, օրինակ՝ նվիրվածությունը, այլ բովանդակային նշանակություն է ստանում կնոջ և տղամարդու դեպքում, իսկ կրթվածությունը տարբեր նպատակների է ծառայում՝ կախված այն կրողի սեռից: Նման երկակիություն կրող որակները երեք են՝ կրթվածությունը, խելացիությունը և նվիրվածությունն ընտանիքին.

1. Կրթված լինելը, բարձրագույն կրթությունը, բարձր առաջադիմությունը: Ծնողները, ուսուցչները երիտասարդներն ու պատանիներն առաջնահերթ կարևորում են մարդու կրթվածությունը, պատանիներն ու երիտասարդները նշում են նաև դրա կարևորումն իրենց ծնողների կողմից: Այստեղ տարբերություն չի դրսերփում և թե՛ տղայից ու թե՛ աղջկանից պահանջում են ուսման հանդեպ լորջ վերաբերմունք, բարձր առաջադիմություն: «**Երկուսն էլ ունենան բարձրագույն կրթություն անպայման**» (կանանց ֆոկուս խումբ), «**Լավ սովորի, սովորելու վրա են շեշտը դնում**» (տղամարդկանց ֆոկուս խումբ), «**Ընկանիքում միշտ ասել են սովորի, կարդա, որ ինչ-որ մի բանի հասնեն, դժվարություններ հաղթահարեն, որովհեկի էս կյանրում յուրաքանչյոր մարդ մենակ աւ.**» (երիտասարդների խառը ֆոկուս խումբ):

Սակայն տարբերություն դրսերփում է այդ կրթվածության նպատակում: Հաճախ տղամարդու կրթվածությունը կարևորվում է ապագայում եկամտաբեր աշխատանք ունենալու, ընտանիքը ֆինանսավես ապահովելու տեսակետից: «**Տղայի համար երեխ ուսումը, որովհեկի դրան է ընկանիքի գույքը, դրան է իր ընկանիքը պահում, երեխ դրան դգեկտ լինի, ինքը իր ընկանիքը չի կարող պահեն, դրա համար ին համար ամենառաջնահերքը, որ կրթված լինի**» (պատանիների խառը ֆոկուս խումբ): Կնոջ կրթվածությունն ավելի շատ կարևորվում է երեխաների դաստիարակության, նրանց ուսմանը հետևելու, աշակեցելու տեսակետից: «**Ընկանիքում ամենակրթվածը պետք է լինի կինը, որովհեկի կինը պահան մայր է, ու ինքը պետք է դաստիարակի իր երեխաներին**» (պատանիների խառը ֆոկուս խումբ):

2. Խելացիություն: Այս որակի տակ հասկացվում են կշռադատված որո-

շումների կայացումը, վարքի ծրագրավորումն ու վերահսկումը: Տարբերությունն այն է, որ աղջկների խելացիությունը իմանականում վերաբերում է միջանձնային հարաբերություններում կշռադատված քայլերին, սեփական վարքի գիտակցական վերահսկմանը. «...պիտի իմանա, որպես ոնց պահի իրեն» (տղամարդկանց ֆոկուս խումբ), «Խելացի վարքագիծ հանդես բերելու, որ հասունակուրյուն չունենան, բարի լինեն իրենց ընկերուի իմենի, ընկերուների նկատմամբ, օգնեն միմյանց...» (խորացված հարցազրույց մանկապարտեզի դաստիարակի հետ), իսկ տղաների դեպքում՝ ինտելեկտուալ ընդունակություններին և որոշումների կայացմանը. «Խելացի լինի, ճիշտ կարողանա դասի գոլյալ պահին» (տղամարդկանց ֆոկուս խումբ): Կրկին տեսնում ենք, որ նոյնիսկ աղջկա խելացիությունը կարևորվում է ոչ թե նրա հասարակական գործունեության, մասնագիտական ձեռքբերումների, կայացման տեսակետից, այլ մտերիմների հետ փոխսհարաբերությունների պահպանման, ընտանեկան, մայրական ֆունկցիան կատարելու տեսակետից. «Որ աղջիկը լինի աղջիկ, և՝ արդարուստ, և՝ ներրուստ, որս համար ինքը պետք ա լինի և՝ խելացի, և՝ գրագեկ, և՝ մայր ապագա, չգիտեմ, ամեն ինչով ինքը լինի առանձին...» (Երիտասարդների խառը ֆոկուս խումբ):

3. Նվիրվածություն ընտանիքին: Տղամարդու՝ ընտանիքին նվիրվածություն ասելով, առաջին հերթին, նկատի են առնվում ընտանիքի կարիքները հոգալը, ընտանիքը անհրաժեշտ ռեսուրսներով ապահովելը. «Երեւ պարմարդն ընդունիք կազմած ա, պետք ա առաջնահերք հոգ դանի իր ընդունիքի մասին ու հեկազ մյուս զործերը, իրա համար մյուս բայլերը պետք ա երկրորդական բվան» (Երիտասարդների խառը ֆոկուս խումբ): Կնոջ նվիրվածությունը, առաջին հերթին, ենթադրում է հավատարմություն ամուսնուն, ընտանիքին, նրանց հանդեպ հոգատար և ուշադիր վերաբերմունքի դրսնորում. «(աղջկա համար) Հիմնական կարևոր գծեր եմ առանձնացնում հակապարմությունը, նվիրվածությունը, նաև, ինքացիությունը, իր սիրող լինելը, նամանավանդ իր կողակցին» (Երիտասարդների խառը ֆոկուս խումբ): Տղամարդկանց պարագայում նվիրվածությունը չի ենթադրում հավատարմություն. «Յաւոք սրբի, մեր հասարակությունում պղամարդը իրավունք ունի սիրուի պահելու, գուն չգալու, իրավունք ունի ընկերների հետ գնա խմելու, կնոջը չփանի իր հետ» (խորացված հարցազրույց հոգևորականի հետ), «Տղու մի ովոք բունան ա, մի ովոք դուրսը» (տղամարդկանց ֆոկուս խումբ): Հատկանշական է, որ աղջկների համար նվիրվածությունը համարվում է շատ ավելի կարևոր որակ, քան տղաների:

Երկու սեռերի համար կարևորվել են նաև մի քանի այլ որակներ, որոնք միանշանակ բնույթ են կրում, ի տարրերություն նախորդների, և ավելի համամարդկային արժևորվող հատկանիշներ են: Դրանք են.

1. «Մարդկայնությունը», որի մեջ միավորվում են բարությունը, կամե-

ցողությունը, մարդասիրական վերաբերմունքը, հիմնականում ձևակերպվում են «լավ մարդ», «մարդկային լինի» արտահայտություններով, հավասարաշափ կարևորվում է երկու սեռերի համար գրեթե բոլոր խմբերում:

2. Սեծերի հանդեպ հարգալից վերաբերմունքը: Կարևորվել է գրեթե բոլոր խմբերում, ինչպես նաև հաճախ նույնացվում է ծնողներին ենթարկվելու, նրանց որոշումներով շարժվելու հետ:
3. Ազնվությունը: Կարևորվել է ուսուցիչների, մանկապարտեզի դաստիարակմերի և հոգևորականների խմբերում:

Ընդհանրական որակների բվին են պատկանում նաև սրբեսակայունությունը, համբերատարությունը, պատասխանատվությունը, կայունությունը, երախտագետ լինելը, բարությունը, ներողամտությունը և այլն: Այս որակները կարևորվել են առանձին խմբերում, այդ պատճառով սակավ նշանակալի են:

Այսպիսով, ամփոփելով սոցիալականացման ընթացքում պահանջիրի և աղջկաների մեջ խրախուսվող որակները՝ կարող ենք վարահությամբ ասել, որ դրանց միջև գոյություն ունի շեշտադրված գեներացիան պարբերականացություն՝ որպես հասարակական գիրակցությունում ամրագրված հիմնական գեներացիան կարծրապիտերի դրսուրում: «Աղջկը զնացող ա» և «աղջկիը ապագա մայր ա» զաղափարներն առաջացնում են աղջկաների մեջ զիջողականության, ենթարկվողության, զավածության, ինքնասահմանափակման որակների ծևավորման անհրաժեշտությունը, որոնք նրանց դարձնում են «հարմար» ուրիշ ընդունակություն ապրելու և պարագաների կրցնելու սերունդ դաստիարակելու համար, այսինքն՝ կմոշն ուղղում են դեպի ընկրանիք: Իսկ «լրան լրան այուն ա» և «լրանարդը լրան գլուխ ա» զաղափարները լրաների մեջ նպարակապացություն, համարձակություն, հաջողության հասնելու ծգրում սերմանելու անհրաժեշտություն են առաջացնում, ինչի հետևանքով նրանք հասարակական գործունեության մեջ ինքնադրուելով հնարավորություն են ստանում:

2.2.3. Կմոշ և լրանարդու վերաբերյալ կրոնական պարկերացումներ «Տեր ու հնազանդ»

Ընտանիքում տղանարդու և կմոշ դերերի բաշխման, կմոշ դերի նվազման կամ նրա նկատմամբ բռնությունների առաջացման պատճառները հասկանալու համար փորձել ենք ուսումնասիրել «Տեր ու հնազանդ» զաղափարի ընկալումը հոգևորականների կողմից, նաև պարզել դրա տարրնեցումների պատճառներն ու հետևանքները, քանզի ակնհայտ էին տվյալ զաղափարի խեղաքարության ընկալումը և շահարկումը որպես կանաց ենթարկվող կար-

գավիճակի ամրագրման գործիք. «Եկեղեցում ասլում ա, չէ աղջիկը հնագանդ ա, դրէն պեր: Եղ իզուր ասլած չի, դա բիում ա եղ Զեր ասած, որ մենք պետք ա թվարկեիմք, այ եղ կերերն ա բերում դրամ հասցնում, աղջիկը պետք ա լուղ լինի» (տղամարդկանց ֆոկուս խումբ): Հոգևորականներից ստացված տեղեկություններն ընտանիքում կնոց ու տղամարդու կարգավիճակների մասին, ըստ Աստվածաշնչի ճշմարիտ մեկնաբանության, կարող ենք ձևակերպել հետևյալ կերպ. «Տեր» լինելու գաղափարի մարմնացումը, առաջին հերթին, ենթադրում է պատասխանատվություն միմյանց նկատմամբ:

«Կնոջ սիրելու է, տեր լինելու դայման, կնոջը խնամելը, կնոջը մեծարելը»:

«Կինը կատարյալ կլինի, եթե լինի հոգեղես առողջ ընտանիքում, իր տեղում, զնահատված, արժենութված, չզիտեմ, ին ամենալավ բաները, որ մարդ կարող է ինսն իրեն ցանկանալ»:

Խորացված հարցագրույց հոգևորականի հետ

Հոգևորականների պարզաբանմամբ՝ Աստվածաշնչի ճշմարիտ ընկալման համաձայն պսակադրվողները խոստանում են հնագանդ լինել իրենց սիրուն, այսինքն՝ հավասարապես պատրաստ են զոհաբերել իրենց եսասիրական մղումները հանուն դիմացինի:

«Այսեղ տաս հետաքրից մի քան է ասլում, եթե տղամարդը սիրում է իր կնոջը, ինսն իրեն է սիրում, այսինքն՝ փակվեց այդ օղակը»:

Խորացված հարցագրույց հոգևորականի հետ

«Տեր ու հնագանդ» կնոջ համար և «Տեր ու դաւողան» ամուսնու համար: Պսակադրության ժամանակ ամուսինները խոստում են տալիս հնագանդ լինել իրենց սիրուն»:

Խորացված հարցագրույց հոգևորականի հետ

Ու հետևելով այս մեկնաբանությանը՝ ամուսնանալիս ամուսինը պետք է գիտակցի կնոց հետ հարաբերությունների սրբությունը, և նոր ընտանիքը կառուցելիս առաջնային տեղ տա իր կնոց հետ հարաբերություններին՝ չքողնելով այլ մարդկանց միջամտել և ուղղորդել դրանք:

«Ասվածաւոնչն ասում է. ամուսինը դեսf է քողնի իր ծնողներին և հետևի իր կնոջը»:

Խորացված հարցագրույց հոգևորականի հետ

«Տեր ասածն ի՞նչ ա նեանակում, տեր՝ նեանակում ա կյանս տալ, հոգ տանել: Երբ բերում ա տղամարդկանց ասում ա՝ տես, ոնց որ Քրիստոս իր կյանքը սկեց եկեղեցու համար, Քրիստոս փեսան ա, եկեղեցին հարսը, նույն ձևով դու դարտավոր ես ու կնոց

համար կյանքի տակ, որ ինքը լինի անարահ, սուրբ և առանց որևէ արածի, հոգևոր առողջ: Են, որ կին դիմի կատարյալ լինի, եղ քա հոգածություն ու քա դարսն է ՏԵՐ լինելու, ոչ թե հրաման տալու»:

Խորացված հարցազրոյց հոգևորականի հետ

Մեկնարանելով այս հասկացությունների թերքմբոնումները հասարակության գիտակցության մեջ՝ հոգևորականները ճշում են, որ երիտասարդները հաճախ ամուսնութ են առանց հասկանալու պասկի խորհուրդը: Ամուսին դառնալու ձգտումը շատ անգամ սահմանափակվում է տղայի կողմից «տիրոջ» դեր ստանձնելու պատրաստականությամբ և ենթակա ձեռք բերելու ակնկալիքով, մինչդեռ այն հեռու է ընտանիքի էության Սուրբքային ընկալումից:

«Եվ Պողոս առաջյան ա, չե, ասում՝ ով իր կնոջը սիրում է, ինչ իրեն է սիրում: Եղ բուղը միշ են կարդում սովորաբար, պասկների ժամանակ: Ուրեմն սկիզբը գնում ա սենց՝ կանայք, հնագանդ եղեմ ՉԵՐ ամուսիններին, ինչդեմ Տիրոջը կինազանդեիք, որովհետև ամուսինն է իր կնոջ գլուխը, և կանայք ամեն ինչում դեմք ա հնազանդ լինեն իրենց ամուսիններին, Էսանը, Երկու-Երեմի նախարարությամբ: Հաջորդը՝ այրեր, սղամարդկանց ա դիմում, սիրեմ ՉԵՐ կանանց էսմես, ինչդեմ Քրիստոս սիրենց եկեղեցին և իր կյանքը սկեց եկեղեցու համար, ով իր կնոջը սիրում ա, ինքն իրեն ա սիրում, և չկա մարդ, որ ինքն իրեն ատի, ամեն մեկն էլ սնում և խնամում է իր մարմինը: Ավելի մեծ հաւաքած սրան ա, սղամարդկանց, որ էղ ՏԵՐ լինելը զոհաբերություն ա, ոչ թե ինչ-որ մեկը քն համար դիմի զոհաբերվի»:

Խորացված հարցազրոյց հոգևորականի հետ

Չնայած պսակադրության խոստումների խելաբյուրված մեկնարանումը շատ տարածված է և հատկապես շահարկվում է տղամարդկանց կողմից, հուսադրող է, որ երիտասարդները փորձում են ճիշտ հասկանալ պսակադրության խոստումների խորհուրդը, այլ ոչ թե աղաքաղեկ դրանք՝ կնոջ նկատմամբ տղամարդու լիիրավ իշխանության հիմք դարձնելով և նույնիսկ բռնություն գործելու ինքնարույլտվություն սահմանելով:

«Եւրային բաւչումը, օրինակ, մեր եկեղեցին տալիս է, որ կինը դեմք է խոնարի լինի, իսկ սղամարդը տան գլուխը դեմք է լինի, բայց մեր հասարակությունը սա տաս սխալ ա ընկալում, ավելին, սղամարդը, կորցնելով իր գլուխը, փորձում է քսնի ձևով ենթակեցնել իրան կնոջը, սա կոչվում ա խոնարհություն, այսուես ասած, այսօրվա լեզվով, բայց ինքը վաղուց արդեն կորցրել ա իր կենդանի վիճակը»:

Երիսսասարդների խառը ֆոլուս խոսւմը

Սակայն, ըստ հոգևորականների, միայն սեռերի մասին կրոնական պատկերացումների աղավաղումից չէ, որ կնոջ և տղամարդու հարաբերություններում խնդիրներ են ծագում, և նշում են դրանց նպաստող մի քանի գործոններ.

1. Տղամարդու Ես-ի կայացված լինել/չլինելու աստիճանը, ինքնահաստատման կարիքը:
2. Ամուսինների ընտանեկան դաստիարակության մողելը, ընտանիքից ժառանգված արժեհամակարգը, դերերի բաշխման ու պարտականությունների ընկալման տարրերությունները:
3. Ամուսինների միջև առօրյա դրական շփման պակասը և կոնֆլիկտային իրավիճակում երկխոսության բացակայությունը:
4. Ծնողների միջամտությունը, ամուսնու ծնողների հետ վատ հարաբերությունները՝ մի հարգի տակ բնակվելու հետևանքով:
5. Ամուսնու շեղվող վարքը՝ խաղամոլությունը, հարբեցողությունը, թմրամոլությունը:
6. Ամուսիններից մեկի վերարտադրողական առողջական խնդիրները, մասնավորապես՝ անպատղությունը:
7. Ընտանեկան սոցիալական պայմանները՝ սոցիալական անապահովությունը, աշխատանքային միզրացիան:
8. Ամուսինների կրթական մակարդակը, որը, սակայն, ունի երկրորդական դեր, քանի որ առաջնայինն ամուսինների արժեհամակարգի համատեղելիությունն է և ինքնազիտակցության մակարդակը:

«Մարդուն որոշեսզի դու հարգես, խելք ունենալ ուեսք չի, էի, մարդք ոիհի մարդ լինի, մարդկային կերպար լինի: Այսինքն՝ Էլ կարծրասիմերը ավելի շատ զայխ են ներքին արժեմային համակարգի աղավաղումից, երբ որ մարդք չունի վստահություն սեփական ուժերի նկատմամբ, էսօր մեր հասարակության մեջ ամենասարածված երևոյթներից մեկը՝ ինքսահասատավել ուրիշի հաշվին: Ես շափազանց տարածված ու բացասական ու արատավոր երևոյթ այ:

Խորացված հարցագրույց հոգևորականի հետ

Ըստ հոգևորականների, ընտանեկան խնդիրների հիմնական տեսակներն ու պատճառները, որոնց հետ նրանք բախվում են առօրյա քահանայական ծառայության մեջ, երբ գանգատը ներկայացվում է կնոջ կողմից, հետևյալն են.

«Ըստանիքում անտեսված լինելը, ամուսնու կողմից մորք չափից դուրս լսելը, ամուսնու դավաճանությունը, զավակների դաստիարակության հարցի նկատմամբ տղամարդկանց անսարքությունը...»:

Խորացված հարցագրույց հոգևորականի հետ

«Զայն չունենալը, անուշադրությունը ամուսնու կողմից... սղամարդկանց իրենց ավելի արտօնված լինելու դերի շարաւահումը և կնոջ դերի նվազեցումը...»:

Խորացված հարցագրույց հոգևորականի հետ

Ի տարբերություն սրա, տղամարդկանց կողմից ներկայացվող խնդիրների ձևակերպումն առավելապես անձնային հարքության մեջ է և արտացոլում է նրանց դժգոհությունը սեփական կարգավիճակից.

«Տանը ջերմ վերաբերունի տակասը, աղջկա ծնողների խառնվելը ընտանելիան խնդիրներին, որմես տղամարդ չկայացած լինելու հանգամանքը՝ աղրուս ահաղովելու, աշխատանի ունենալու հարցում, ասում են. կինը չի ուզում ինձ ընդունել ինչ-դիսին ես կամ՝ ուստի զալ, անել ինչ ուզում եմ, կինը դիսի ների, հասկանա, հարմարվի»:

Խորացված հարցագրույց հոգևորականի հետ

Անդրադառնալով բռնության պատճառներին՝ հոգևորականների կարծիքները հաստատեցին այն իրողությունը, որ ներկայիս սեռադերային բաժանումն ընտանիքում ապահովում է տղամարդկանց հոգերանական հարմարավետ վիճակը, այսինքն՝ որպեսզի ընտանիքում խաղաղություն լինի, կինը պետք է հնարավորինս քիչ հավակնի ամուսնու հետ հավասար իրավունքներ ունենալուն, այլապես վտանգի տակ է դրվում տղամարդու սուրյեկտիվ կարգավիճակն ընտանիքի այլ անդամների կամ ավելի լայն շրջապատի ներկայացուցիչների աշքերում:

«Երևի տղամարդկանց դժվար է ընդունել իրեն հավասար կնոջ կերպարը...»:

«Տղամարդուն ձեռնսու չէ կնոջը տեսնել հավասար իրավունքներով օծված, սանի որ դա նրան գրկում է որու առավելություններից՝ դաստիարակությանը շմանակցելու, ազատ ժամանակը իրեն տրամադրելու, այլ»:

«Կանանց նկատմամբ բռնությունները չեն դադարի այսին, բանի դեռ մայենք իրենց որդիներին դաստիարակում են որմես իրենց ենթարկվող, անխննուրույն, իրենցից բացի այլ կանանց չհարգող»:

Խորացված հարցագրույց հոգևորականի հետ

Այդուհանդեմ, հարկ ենք համարում նշել, որ բռնության պատճառների բննարկումից հանգեցինք այն մտքին, որ գենդերային կարծրատիպերի ազդեցությունից զատ, ընտանիքում կոնֆլիկտների ու բռնության պատճառը հաճախ ամուսինների միջև հարգալից, այսպես ասած՝ «մարդկային» վերաբերմունքի պակասն է, որի նախապայմանն է անձի հասուն արժեհամակար-

գր՝ խարսխսված համընդիանուր մարդկային արժեքների՝ հավասարության, հարգանքի, արժանապատվության զգացումների վրա: Ուստի, ընտանելիան բռնության երևույթի դեմ արդյունավետ պայքարի համար գենդերային կարծրատիպերի հաղթահարմանը զուգահեռ՝ պետք է հաշվի առնել այն իրողությունը, որ հասարակության մեջ կանանց դերը ընտանիքում չի կարող բարձր լինել, քանի դեռ հասարակության մեջ նարդու արժեքն ընդհանուր առմամբ նվազեցված է, ու ոտնահարված են նրա հիմնարար իրավունքները:

2.2.4. Դաստիարակչական պրակտիկաներ

Դաստիարակչական պրակտիկաներն ամբողջությամբ հիմնվում են գենդերային դերերի մասին պատկերացումների, հիմնական գենդերային կարծրատիպերի վրա և ծառայում են անձի զարգացմանը զուգընթաց նրան այս պատկերացումներին մոտեցնելուն: Այդ պրակտիկաները ճնշում են անձի որոշ կողմեր և խթանում այլ կողմեր՝ ձևավորելով նրան հասարակական պահանջներին համապատասխան: Այսպիսի տարրերակված դաստիարակությունն ուղղված է աղջիկներին դարձնել ենթարկվող ու հոգատար, տղաներին՝ նախաձեռնող ու ուժեղ: Ավելին, երեխաների դաստիարակության մեջ մի շարք պրակտիկաներ կարող են իմաք դառնալ ընտանիքում տարրեր սեռի երեխաների անհավասար կարգավիճակների ձևավորման և հետազայում քե՛ հասարակության մեջ և քե՛ ընտանիքում այս կարգավիճակների ամրագրման համար: Դաստիարակչական նմանատիպ պրակտիկաներն են աղջիկների ու տղաների պարտականությունների անհամաշափ և չիմնավորված բաշխումը, աղջիկների ու տղաների միևնույն արարքների նկատմամբ ճնողների տարրերակված հակազդումները, տարրեր սեռի երեխաների նկատմամբ քույլատրելիության տարրեր սանդղակի կիրառումը, որը հանգեցնում է «չվաստակած» արտոնությունների ինստիտուտի ձևավորմանը հասարակության մեջ և այլն:

Ստորև առանձնացրել ենք այն դաստիարակչական պրակտիկաները, որոնք առավել ազդեցիկ են կարծրատիպային «արական» և «իգական» անձի ձևավորման գործընթացում, ինչպես նաև հանդիսանում են արական և իգական սեռերի անհավասար սոցիալ-հոգեբանական կարգավիճակների ձևավորմանը նպաստող մեխանիզմներ:

1. Ծնողների կողմից ընտանեկան դաստիարակության ընթացքում արական սեռի զավակների համար հնարավորինս բարձր, արտոնյալ դիրք ստեղծելու ձգություն:

«Ինձ թվում է՝ մի քիչ տղային դեմք է երես սաս որոշակի սարհելում»:

Կանանց գոլուստ խոսք

«Եթե քո տղան ա, ուրեմն ինքը միշտ ճիշտ ողեած և լինի քո աշ-
խում, որ դրսում կարողանա իրեն դրսուրի, եթե անզան վաս էլ ա, սխալ էլ ա, շատ քոյի, հասարակ, հանգիստ ձևով ողեած ա նախա-
ւես, ոչ թե սորուացնես, որ դա իրա համար դառնա սովորություն: Ու էդ մամաներին միշտ ողեած ասվի՝ տղուդ որդես տղա հարզի
տան մեջ, եթե անզան ինքը միշտ չի, որ ճիշտ ա:

Խորացված հարցագրույց ուսուցչի հետ

Տվյալ երևոյթը, անկասկած, բխում է «տան տան սյունն ա» կարծրա-
տիալից, ինչպես նաև դերերի և իշխանության անհավասար գենդերային
բաշխումից, այսինքն, եթե տղամարդն ապագա «տան գլուխն է», նա պետք
է մանկուց ունենա որոշակի իշխանություն, խոսքի որոշակի առավելություն
իգական սերի ներկայացուցչի՝ մոր և/կամ քրոջ հանդեպ:

2. Թե՛ ուսումնական հաստատություններում, թե՛ ընտանիքում տղաների
նկատելիորեն պակաս պարտականությունների առկայություն, իգական սե-
ռոջի համեմատ: Տղաների պարտականությունները լավագույն դեպքում սահ-
մանափակվում են ինքնասպասարկման, սեփական իրերի կարգուկանո-
նին հետևելու խնդիրներով, սակայն նույնիսկ այս պարտականությունները
տղաների դեպքում պակաս պարտադիր և անվերապահ են համարվում, քան
աղջիկների դեպքում: Աղջիկներն ունեն պարտականությունների ակնհայ-
տորեն ավելի լայն շրջանակ թե՛ ընտանիքում, թե՛ ուսումնական հաստատու-
թյուններում: Երանց պարտականությունն է համարվում ոչ միայն սեփական
իրերի կարգուկանոնին հետևելը, այլև ընդհանուր առմամբ իրենց բնակու-
թյան, ուսումնառության տարածքի մաքրությունը պահպանելը, մորը կեն-
ցաղային գործերում աջակցելը և արական սերի հարազատների (եղբայր,
հայր) խնամքը:

«Հիմնականում տղաներին հանձնարարում ենք, օրինակ, սե-
ռանները տեղափոխել, կարգավորել, տեղավորել և այլն, աղջիկ-
ներին հիմնականում հանձնարարում ենք հավաք դահել, մաքուր
դահել, նույնիսկ դիտողության ժամանակ. «աղջիկներ, վաս չե՞
զգո՞ւմ, երբ ձեր հարսազ դասարանը թափթիված է»:

Խորացված հարցագրույց ուսուցչի հետ

«...իրա եղբայրը մի բաժակ սուրճ է ուզում, ինքը կարող է զլա-
նալ»:

Կանանց ֆոլքոս խոսք

«Աղջիկները անում են, տես թափում ա, քուիկներն էլ զայիս
են, ճնշում են, ասում են՝ խի ես թափում, խի չես հավաքում, էն
էլ ասում ա՝ դուի հավատեմ, աղջիկներն էլ հավաքում են, դե բնա-
կանարար»:

Տղամարդկանց ֆոլքոս խոսք

Դաստիարակչական այս պրակտիկան ուղղված է, մի կողմից, աղջկան իր ապագա սոցիալական դերի (որի կարևորագույն բնութագիրն ուրիշներին հոգ տանելը ու պատասխանատվությունն է) լավագույնս նախապատրաստմանը, մյուս կողմից՝ տղայի արտոնյալ, գերադաս վիճակի (կրկին նախապատրաստումն է իր ապագա սոցիալական դերին և կարգավիճակին) ամրագրմանը։ Պարտականությունների նման բաշխումը, անկատկած, ունի իր պատմական հիմքերը. մինչև ուրբանիզացիայի ժամանակակից մակարդակին հասնելը, հայկական ընտանիքում մեծահասակների հոգսերը կիսելու համար տղաների և աղջիկների միջև աշխատանքի բաժանում էին անում։ Տղաներն աջակցում էին ընտանիքին հողագործական և անասնապահական աշխատանքներում, աղջիկները՝ ընտանիքի անդամների սպասարկման, մարդության և այլ գործերում (նմանատիպ պարտականությունների բաշխում ներկայումս կարելի է հանդիպել գյուղական մշակույթում)։ Սակայն, քաղաքային կյանքին անցնելով՝ տղաների պարտականություններն աստիճանաբար նվազել են, իսկ աղջիկներինը՝ իմբնականում պահպանվել։

3. Թե՛ ուսումնական հաստատություններում, թե՛ ընտանիքում աղջիկներին ներկայացվում են ավելի խիստ պահանջներ՝ վարքի, կեցվածքի, հագուստի նկատմամբ, իսկ տղաների նկատմամբ ավելի պակաս խստապահանջվերաբերմունք կա։ Աղջիկների նմանատիպ խիստ դաստիարակությունն ուղղված է մոր և հարսի ապագա դերերին նրանց նախապատրաստելուն։ Այստեղ ակնհայտորեն դրսուրվում է «աղջիկը գնացող ա» կարծրատիպը, որն աղջկա վարքի խիստ նորմավորման պահանջներ է ներկայացնում։ Ըստ Էության, աղջկա դաստիարակությունն ամբողջությամբ ուղղված է ուրիշ ընտանիքում ապրելուն, մայրական գործառույթին, «հարսի» գործառույթին պատրաստվելուն։ Հետաքրքրիր է, որ «կնոջ (կողակցից)» դերն այնքան չի կարևորվում, որքան «հարսի» և «մոր» դերերը։ Իսկ «հարսի» և «մոր» դերերը շատ ավելի խիստ պահանջներ են ներկայացնում կմոջը, ավելի մեծ ինքնանվիրում և ինքնազոհաբերություն են պահանջում։ Փաստորեն, ծնողներն աղջկան դաստիարակելիս՝ պատրաստում են նրան որպես պոտենցիալ «հարս» մեկ այլ ընտանիքի համար, պոտենցիալ «մայր» իրենց բոռների համար։ Որքան հաջողված լինի այս նախապատրաստությունը, այնքան հավանական է աղջկա ամուսնությունը, ինչը ևս հայաստանյան իրականությունում աղջկա համար պարտադիր է համարվում, քանի որ «տաճը մնացած» աղջիկը դժբախտ է համարվում։ Այդ պատճառով աղջիկներն ավելի խիստ են վերահսկում խոսելաձեւի, բառապաշարի, կեցվածքի, հագուստի և նույնիսկ համացանցից օգտվելու հարցերում։ Աղջիկների ոչ նորմատիվ կամ անկարգապահ վարքը, անկաշկանդությունը, նույնիսկ մեր մշակույթում ընդունված նորմերին չհամապատասխանող կեցվածքն ու նստելաձեւը խիստ անհանդուրժելի են, ուստի նշանակալիորեն ավելի խիստ հակագրում

Են առաջացնում՝ վրդովմունք, դիտողություն, պատիժ, քան տղաների նմանատիպ վարքը: Ավելին, աղջկների վարքի վերահսկումը շատ դեպքերում վաստակվում է նաև նրանց եղբայրներին, ինչը նպաստում է ընտանիքում տղաների կարգավիճակի էլ ավելի բարձրացմանը՝ նրանց ավելի մեծ իշխանություն ընձայելով, իսկ աղջկներին դնելով կախյալ վիճակում և վաղ տարիքից սահմանափակելով նրանց դրսորումները:

«Դիմականում իա, աղջկներին սաստում եմ, տղաներին՝ ոչ»:

Խորացված հարցազրույց ուսուցչի հետ

«Ես դորոշից խոսեմ. մեր դասղեկը իենց տարբերությունն ամբողջովին դնում էր ու մեր դիմաց էլ ասում էր, որ ես տղաներին ավելի շատ սիրում, քան աղջկներին: ...աղջկներին շատ էր վիրավորում տղաների մոտ, չգիտեմ ինչ էր մտածում, որ ենց էր վարվում»:

Երիտասարդների խառը ֆոկուս խումբ (աղջկեր)

«Պարզ ա, որ իմ աւրոնություններն ավելի շատ անձնական են մեր դասղեկը ենելով հայկական, հնարավոր չի, էլի, հավասար երկուսին նոյն բաները քույլատրվի, դրա համար էլ տարբերությունը տեսնում եմ»:

Երիտասարդների խառը ֆոկուս խումբ (տղականաց)

Սակայն ստացվում է, որ աղջկան հետագա կյանքին նախապատրաստելիս դուրս է մնում նրա կարևորագույն ընտանեկան դերերից մեկը՝ ամուսնական դերը: Հաճախ տղամարդիկ ևս, հատկապես առավել պահպանողական հայացքներ ունեցողները, ամուսնանալիս ոչ այնքան իրենց համապատասխան կին են ընտրում, որքան իրենց ծնողներին հարմար «հարս»: Իսկ տղաների դաստիարակության մեջ չի ընդգծվում ոչ հայրական դերը, ոչ ամուսնական: Սա ևս ընտանեկան հարաբերություններում աններդաշնակության մի գործոն է ամուսինների միջև փոխհասկացման բացակայության, կնոջ ցանկությունների և հասարակական սպասելիքների անհամապատասխանության առաջացման համար, որոնք էլ կարող են ընտանեկան կոնֆլիկտների և բռնության իիմք դառնալ:

4. Թե՛ ընտանիքում և թե՛ դպրոցում տղաների ջանքերն ու ձեռքբերումները սովորաբար ավելի բարձր գնահատականի են արժանանում, ի հակադրություն աղջկների՝ հաջողությունների հասնելու ճանապարհին ստեղծելով անհավասար պայմաններ աղջկների համար:

«Ա՛յ, իսկ երբ տղաներն են խելացի լինում, դասիարակված, կարգադրան, նրանք մեր աշխին մի փոքր ավելի են բարձրանում, քան նմանատիպ աղջկերը: Չգիտեմ, ակնկալիքները տղաներից ու

աղջիկներից տարեր են»:

Խորացված հարցագրույց ուսուցչի հետ

«Մեր կուրսում իմաստականում զերակեռում են աղջիկները, և ես նկատել եմ, որ տղաներին ավելի լավ են վերաբերվում քե՛ գնահատականի, քե՛ ուսադրության, քե՛ մյուս-մյուս կողմերով։
Երիսասարդների խառը ֆուլուս խոսք

5. Ընտանիքում իգականի ստորադասման երևոյթը դրսուրվում է երեխաների հագուստի պարագաների ու խաղալիքների սեռային բաշխման գործընթացում։ Առաջին հայացքից օրինաչափ և անվտանգ այս հանգամանքը մի կարևոր առանձնահատկություն ունի. իրերի, հագուստի, խաղալիքների սեռային բաշխումն իրականացվում է ոչ համաշափ։ Թույլատրելի և նույնիսկ սովորական է համարվում աղջիկներին «արական» հագուստ հազցնելը, եղբոր խաղալիքներով խաղալը, նույնիսկ նրա համար «տղայի» խաղալիքներ գնելը, արական համարվող գույների օգտագործումը, իսկ տղաներին խստիվ արգելվում է որևէ «աղջկական» իրի, պարագայի, խաղալիքի օգտագործումը։ Այս երևոյթն առաջացնում է ծնողների վիդովմունքը, վախը, և կարող է արժանանալ նախատինքի, նույնիսկ պատժի։ Տղայի հետաքրքրությունն աղջիկների համար նախատեսված իրերի նկատմամբ համարվում է շատ ավելի անընդունելի, քան աղջիկների հետաքրքրությունը տղաների համար նախատեսված իրերի նկատմամբ։

«Մեր աղջիկը շատ էր տղայի նման, մենք իրան հազցնում էինք տղայի նման, իրան չէին սազում տորիկներ, դեռ, տղային փորձել են տղայական ինչ-որ բաներ»։

«Բնիք լրիվ աղջիկ է, քայց հրացան կուզի եղբայրների հետ խաղա, ես չեմ արգելում»։

«Բնիք (աղջիկ) մեմնան է ուզել, ու ես դասրասավում եմ զնել, որ ինիք խաղա, չեմ ուզում, որ մանկության երազանք մնա մեմնայով խաղալը»։

«Իմ տղային կտրուկ չեմ քոյլ տալիս տիկնիկներով խաղալ, ոչ մի աղջկա խաղալիներով խաղալ...»։

Կանանց ֆուլուս խոսք

«Երբ աղջիկը խաղում է տղայի խաղալիներով, էլի բարկանում եմ, քայց... էղբան չէ, ինչխան, որ տղան խաղում ա տիկնիկով»։

Խորացված հարցագրույց մանկապարտեզի դաստիարակի հետ

Նման պրակտիկաները հանգեցնում են «իգականի» նկատմամբ քացա-

սական վերաբերմունքի ձևավորմանը՝ որպես պարսավաճքի արժանի վարքագիծ կամ անձնային դրսնորում, միևնույն ժամանակ՝ «արականի» վերաբերյալ որպես ավելի գերադասելի, ավելի նախընտրելի, պատվերացումների կայացմանը: Այսպիսով, տղաներին ավելի «առնական մեծացնելու» ձգությունը կամ նրանց «ֆեմինիզացիայի վախր» հարկադրում են ծնողներին, լատ էության, բացասական դիրքորոշումներ փոխանցել իրենց երեխաներին իգական հատկանիշների, վարքածների նկատմամբ: Այս մեխանիզմով «աղջիկ» բառը տղաների համար դառնում է վիրավորական արտահայտությունն, բանի որ «այդպես մի՛ արա, դու ի՞ն աղջիկ չես» արտահայտությունը մեխանիկորեն ամրագրում է «աղջիկ լինելու» բացասականությունը: Գաղտնիք չէ, որ տղաները միմյանց ստորացնելու համար կիրառում են «աղջիկ», իսկ տղամարդիկ՝ «կնիկ» բառը: Եվ լիովին հակառակ՝ դրական բովանդակություն է կրում կանանց նկատմամբ կիրավողությունը «տղամարդ կին» արտահայտությունը, որը բնուրագրում է բարձր կամային որակներով, նաև տակապաց, առաջնորդ կնոջը:

Այսպիսով, դաստիարակության հիմնական գեներային տարրերությունները կայանում են աղջկան ավելի խիստ և սահմանափակ պահելու, միաժամանակ պատասխանատու դարձնելու, տղային ավելի ազատ, արտոնյալ, «ոչ կանացի» մեծացնելու շեշտադրումներում: Ի հակարություն այս նոտեցման, կային քահանաների կողմից հնչեցված գեներային կարծրատիպերից ազատ դաստիարակության գաղափարներ: *«Տղաներն ու աղջիկները պետք է դաստիարակվեն միևնույն կերպ, պետք է նրանց մեջ խրախուսել ազնիկ ու իիզախ լինելը, հոգերամորեն ազար ու լիարժեք մարդ մեծացնել...»*:

2.2.5. Վարքի և դրսնորումների սահմանափակումներ

Դաստիարակության կարևոր պլակտիկաներից մեկն է դրսնորումների սահմանափակումը, որոշակի վարքածների արգելումը, ինչը համապատասխան որակներ է ձևավորում և ուղղորդում է գործունեությունը, կյանքի պլանավորումը և այլն: Ամենաակնիայտ տարրերությունն այն է, որ իգական սեռին ներկայացվող սահմանափակումներն ավելի բազմաքանակ են և ներգրավում են տարրեր ոլորտներ՝ սկսած արտաքին տեսքից, կեցվածքից, նստելաձնից մինչև սեռական կյանքի և ապագայում ամուսնական լնտանիքում վարքածների պահանջներ:

Սահմանափակումներ, որոնց ենթարկվում են աղջիկները
«Մի՛ արա, դու աղջիկ ես...»

Աղջիկների ավելի խիստ և սահմանափակող դաստիարակությունը նրանց ապագա սոցիալական դերի և քարեկեցության համար անհրաժեշտություն է համարվում: Աղջիկներին ներկայացվող իմանական սահմանափակումները հետևյալն են:

1. Սեռականության սահմանափակում: Աղջիկների սեռականության սահմանափակումները տարբեր տարիներում դրսնորմում են տարբեր կերպ.

- հավանության չեն արժանանում պատանեկան տարիքում աղջիկների ոռնանտիկ հարաբերությունները տղաների հետ. «**Հինս աղջիկների մեծամասնությունը ընկեր է ունենում, ինչ բվում է դա, ընդունիքներում է դա հարցն է, էլի, որ չեն բռնուում»** (պատանիների խառը ֆոկուս խումբ),

- անընդունելի է աղջկան սեռականորեն գրավիչ դարձնող հազուատը՝ կարճ, ընդգծող, մեծ բացվածքներով. «**Ծորերի համար են շատ խոսում, որ կարծ է կամ սիրում չի»** (պատանիների խառը ֆոկուս խումբ),

- առանձնահատուկ ուշադրություն է հատկացվում աղջկա նատելաձևին նույնիսկ շատ փոքր տարիքից, աղջկա ուսուերը բացված դիրքով նատելը համարվում է անվայել և դիտողության կամ պատժի է արժանանում թե՛ ծնողների և թե՛ մանկավարժների կողմից: Սա սեռականության սահմանափակման յուրահատուկ դրսնորմ է,

- մինչև ամուսնությունը սեռական կյանքով ապրելը, ինչը հակառակ պատկերն է ստանում տղայի դեպքում, քանի որ տղամարդկանց մեծամասնությունը կարծում է, որ անգամ ամուսնությունից հետո տղամարդու համար նորմալ է արտամուսնական կապեր ունենալը. «**Ման եկող է պեկդ ա լինի, դրամարդ ա, չէ**»,

- կնոջ ամուսնությունը սեռական կյանքով ապրելը, ինչը հակառակ սարասփելի մեղք, որն արժանի է ամենադաժան պատժի, նույն արարքը տղամարդու դեպքում համարվում է բնական, հատկապես տղամարդկանց շրջանում:

2. Աղջիկների նկատմամբ կիրառվում են հստակ ժամանակային և տարածքային սահմանափակումներ, օրինակ՝ երեկոյան ուշ ժամերի տանից շբացակայելու և որոշակի ժամանցի վայրեր այցելելու արգելվներ, որոնք ընկալվում են նաև որպես նրա բարոյականության պահպանման պայման:

«Աղջիկներին չի կարելի գիշերով տուն գնալ, ուս ժամի տուն գնալ, ին էլ նենց տեղերում, որ գեղեցիկ չի»:

«Կորիքե՞: Ես ինս երբիցե չեմ եղել էսեղ, դրա համար է դ խնդրին երբիցե չեմ... իմ համար խնդիր չի եղել, ախողես չի բարկացել»:

«Տղաներին՝ մեզ, ավելի շատ ժամանակ ա քոյլատրվում ու

կարելի ա մեկ-մեկ նոյնիսկ կեսզիւերին գալ տուն ու, ասենք,
նոյնը աղջիկներին հաստա չեն բռդնի, Էլի»:

Երիսսաւրդների խառը ֆոկոս խոսք

Պետք է փաստել, որ այս տարածաժամանակային սահմանափակումները գործում են նաև հասուն կնոջ կյանքում, պարզապես փոխվում են դրանց վերահսկող անձինք՝ հայրական ընտանիքում ծնողները և/կամ ավագ եղբայրը, իսկ հետագայում՝ ամուսնները և/կամ նրա ծնողները: Հաճախ փոխվում են նաև սահմանափակումների բնույթը և խստորժյունը՝ կախված ընտանիքի պահպանողականության աստիճանից: Եթե հայրական ընտանիքը եղել է պակաս պահպանողական, քան ամուսնական ընտանիքը, ապա ամուսնությունից հետո կնոջ տարածաժամանակային սահմանափակումներն ավելանում են, ըստ որում, դրանցում կարող են ներառվել նաև հայրական տուն այցելելու և ծնողների հետ շփվելու սահմանափակումները: Իգական սեռի խիստ տարածաժամանակային սահմանափակումները հիմնականում առաջացել են հայ ժողովրդի պատմության որոշակի ժամանակահատվածներում կանանց գերեվարումից պաշտպանելու անհրաժեշտությունից, այդ սահմանափակումների մի մասը մասնակի փոփոխություններով պահպանվել է մինչ այժմ:

3. Աղջիկների համար անընդունելի է համարվում վրդովմունքի, զայրույթի արտահայտումը: Չնայած աղջիկներին խրախուսում են լինել հոգական, սակայն արգելում են արտահայտել զայրույթը հատկապես տղամարդկանց և իրենցից տարիքով մեծերի նկատմամբ: Նմանապես արգելվում է տղամարդկանց և մեծերի խոսքին հակածառելը, նրանց կողմից ստացված վիրավորանքներին պատասխանելը, քանի որ այս երևույթներն ընկալվում են որպես չենքարկվողություն: Նմանատիպ սահմանափակումները փոքր տարիքից աղջիկներին սովորեցնում են ենքարկվողություն, սեփական շահերից հրաժարում, ինքնազնություն: «**Ինքը (աղջիկը) էղ պահը (սկեսրայրի կողմից հսացված վիրավորանքը) կարա կուլ վրա ու ընդունի**»(տղամարդկանց ֆոկուս խումբ):

4. Աղջիկների խոսքի սահմանափակումները վերաբերում են խոսքի գրեթե բոլոր կողմերին.

- տոնայնությանը. «**Չեմ սիրում, որ աղջիկները բարձր բղավում են, իիմնականում գենց աղջիկ չեն ունեցել, որ... աղջիկը պիտի միշտ համեստ լինի, չըղավի, ցածր խոսի, նախ սասածը լսի, Էղպիսի բաներ, Էլի» (խորացված հարցազրույց ուսուցչի հետ),**

- կիրք և գրագետ ձևակերպմանը. «**Իմ մասնան ահաւոր շար ուշադրություն է դարձնում իմ խոսելածելի վրա, ամեն ոչ գեղին բարի համար ջղայնանում է ինչ վրա...**» (պատանիների խառը ֆոկուս խումբ),

- անպարկեշտ, վիրավորական, հայինյական բառերի և արտահայտու-

թյունների օգտագործմանը. «**որ կոհիկ է լինում, աղջիկների մեջ վասր քառեր չասեն, որովհենու ինձ բվում է դա աղջկա համար նորմալ չէ» (պատաճիների խառը ֆոլուս խումբ),**

- շատ խոսելուն. «**Շապախոս չաշանակուրյունը չեմ սիրում աղջկա մոպ» (խորացված հարցագրույց ուսուցչի հետ), «**աղջիկը պեսք ա քչախոս լինի»** (երիտասարդների խառը ֆոլուս խումբ),**

- ուրիշների, հատկապես իրենց ընկերների մասին չարախոսելուն. «**ադջիկը պեսք է չքամքասի սրա-նրա մասին»** (խորացված հարցագրույց ուսուցչի հետ):

Աղջիկների խոսքի տարատեսակ սահմանափակումները մասամբ «հարսների չխոսկանության» ավանդույթի* վերապրուկներ են:

5. Աղջիկների անցանկալի վարք է համարվում վատ սովորություններ ունենալը, իմմնականում ծխախոտի և ալկոհոլի օգտագործումը, ինչն ընդունելի (չնայած վնասակար) է համարվում տղաների դեպքում. «**այնպիսի աղջիկներ են գեևել, որ ծխում են, դա բույյապրելի չի, կամ խմելը»**: Սա կրկին մեկնաբանվում է աղջկա ապագա մայր լինելու և նրա արարքների՝ հետագա սերունդների համար ունեցած նշանակության տեսակետից: Իսկ տղաների պատասխանատվությունն ապագա սերունդների համար գրեթե չի գիտակցվում:

6. Ծնողները նաև փորձում են վերահսկել աղջիկներին շրջապատող մարդկանց, նրանց ընկերների ընտրությունը, իմմնականում սահմանափակում են աղջիկների շփումն այն հասակակիցների հետ, որոնք չեն տեղափորվում ընդունված նորմերի սահմաններում և խախտում են աղջիկների համար նախատեսված սահմանափակումներից մեկը կամ մի քանիսը. «**Մայրս շրջապատումն ակազում է ընենց մարդկանց, որ իրեն դուր չեն զայխ, ասում է դրա մասին, և ես իրեն լուս եմ» (պատաճիների խառը ֆոլուս խումբ):**

7. Աղջիկներին ներկայացվող հաջորդ սահմանափակումն առնչվում է բափիփվածությանը (որի հակադրությունը՝ մաքրասիրությունը, համարվում է աղջիկների համար պարտադիր որակ), եթե տղայի բափիփվածությունը հաճնիլ չէ, բայց նորմալ է, ապա աղջկա համար դա համարվում է խիստ անընդունելի և ոչ «աղջկական»: Այս սահմանափակումը ևս աղջիկների ապագա դերի կարևորագույն բաղադրիչներից է:

«Կամ էլ թե չէ, ասենք, փնքի ա, բափիփված ա, մազերը գեղեցիկ չի դասում, անընդհատ ասումում ա, հավաբված չի, արո-

* Հստ ավանդույթի՝ հարսը չպետք է խոսեր ընտաճնիքի տղանարդկանց հետ, բացի իր ամուսնուց, որոշակի ժամանակ նաև չպետք է խոսեր սկեսուրի հետ (օրինակ, Լեռնային Ղարաբաղում մինչև առաջին երեսայի ծնվելը): Հայաստանի տարբեր բնակավայրերում տարբեր խստության չափանիշներ են կիրառվել «հարսի չխոսկանության» նկատմամբ:

ոխն գեղեցիկ չի նստում, ինչ ասեմ, սրբիչն իր տեղը չի կախում, դրանք միշտ դեմք ա... նու, կոլիկորոյուն լինի, մաքրորոյունը ավելի շատ ոգևորում էմ, քափրփված քան շտեսնել, անմիջապես դասավորել ամեն ինչը, ոգևորում էմ, ահա սեսց ինչո՞ր քանե՞»:

Խորացված հարցազրոյց մանկապարտեզի դասիարակի հետ

8. Ուսուցիչների կողմից աղջիկների անընդունելի վարքածն են ընկալվում նաև լիդերության ձգուումը, նախաձեռնողականություն ցուցաբերելը, ուժեղ կամքը: Հենց այս հատկանիշներն են դիտարկվում իրքն վտանգավոր, քանի որ կարող են ազդել աղջկա հետագա նորմատիվ վարքի ձևավորման վրա՝ նրան «սուրյեկտի» հատկություններով օժտելով և տղամարդու հետ հարաբերություններում հավասարակից դարձնելով:

«Ուժեղ են աղջիկները, եղ լավ չի: Ու բոլոր ուսուցիչների ցավուն կողմն ա եղ, բոլորը եղ կարծիքն են»:

«Միրուն եմ, երբ որ աղջիկները չեն մտածում լիդեր լինել, այլ հավասար են տեսնում իրենց ըջաղասի հետ, անկախ սովորելու ասիհճանից: ...Քայց ես էլուս փորձիկ հավասներ եմ անում աղջիկների հետ ու աշխատում եմ, որ եղ հավասարության նշանը լինի անդայման»:

Խորացված հարցազրոյց ուսուցչի հետ

Ամփոփելով աղջիկների գեներացիան սոցիալականացման գործընթացում սահմանափակումների առկայությունը և դրանց հնարավոր ազդեցությունն աղջկա անձի ձևավորման վրա՝ հավելենք, որ աղջիկներին ավելի խիստ սահմանափակումների ենթարկելը հետազոտության մասնակիցների կողմից մեկնաբանվում է մեր մշակույթում աղջիկներին ավելի սահմանափակ պահելու անհրաժեշտությամբ: Այս անհրաժեշտությունը, ըստ նրանց, թխում է կնոջ սոցիալական և ընտանեկան դերի առանձնահատկություններից, աղջկան «ապագա լավ մայր» դաստիարակելու ձգուումից, իր մտերիմների և սերունդների հանդեպ կնոջ պատասխանատվությունից (կնոջ արարքների հետևանքները տարածվում են ոչ միայն իր, այլ նաև նրա մտերիմ շրջապատի վրա՝ ծնողների, երեխաների, ամուսնու)։

«Աղջիկների հանդելու ավելի խիստ եմ՝ ուսումնավորված մեր մենքայիտեսով, մեր մշակույթով, և մի դրական կողմ եմ դրա մեջ նայում, երբ աղջկան դասիարակելուց հեռանկարային իրան նայում եմ որդես մայր, ինքը որդես մայր դեմք ա ձևավորվի, դրա համար եղ խսությունն ավելի կենտրոնացված ա աղջկա ուղղությամբ: Նայրը իր ուսումնավորություններով, եղ առումով չի կարս համատեղվի մոր հետ, դրա համար ավելի խիստ եմ վերաբերվում աղջիկների հետ: Ոչ թե բռնի, այլ ուղղակի շատ հավասարակշիռ

խստորյամբ, Էլի, այսպես ասած»:

Երիսսաւդների խառը ֆոկոս խումբ

«Աղջիկների նկատմամբ հայրը յուրահասով ուշադրություն ա տածում, դրա համար բարկացնող դասերը դեղի աղջիկները կարող ա ավելի տա լինեն, բայ տղայի դարագայում, բայ որ բացքողումները աղազայում լուրջ խնդիրների կարող են հանգեցնել... Դուք դատկերացնում եք՝ հարս ա զնում, աղջիկ չի դուրս գալիս, դա ինչան ցավալի ա ծնողի հանմա»:

Տղամարդկանց ֆոկոս խումբ

Սահմանափակումներ, որոնց ենթարկվում են տղաները

«Սի՛ արա, դու աղջիկ չես....»

Տղաներին ներկայացվող սահմանափակումները թե՛ ավելի քիչ են և թե՛ ավելի մեղմ են արտահայտված, դրանք են.

1. Տղաների ամենանընդունելի և խիստ պատժվող վարքը բոլոր խմբերի կողմից համարվում է աղջկան, կնոջը բնորոշ գործողություններ կատարելը, աղջկական պահվածքը.

«Օկան բաներ, որ աղջկան կարելի է, տղային ոչ, միայն. բավել,
բարձր կրունկով կույկներ հազնել»:

Պատսանիների խառը ֆոկոս խումբ

«Տղան բավում է, ինքը Յ տարեկան երեխա էր, ինքը բավում էր, մանայի հետ էր ամրող օրը, իր մաման ուզում էր սղանել, այ, դա
կարգելեմ, ես Էլ կսղանեմ»:

Կանանց ֆոկոս խումբ

«Արգելում եմ տղային կուկուռվ խաղա, խոսի՝ աղջկա սարերով խաղա»:

Տղամարդկանց ֆոկոս խումբ

«Կանացի չլինելը» տղաների ամենախիստ սահմանափակումն է, որի խախտումը պատժի, դիտողության կամ ծաղրի է արժանանում: Այս սահմանափակման խստորյանը պայմանավորված է «կանացի միջավայրում» «տղամարդ» մեծացնելու դժվարությամբ: Փաստ է, որ ընտանիքում, նախադպոցական հաստատություններում և դպրոցում երեխաների դաստիարակությամբ գրադպում և նրանց հետ շփվում են հիմնականում կանայք: Հայրերը և այլ տղամարդիկ թե՛ ժամանակային, թե՛ բովանդակային առումով պակաս մասնակցություն են ունենում տղաների կյանքում, ինչը դժվարաց-

նում է տղաների գենդերային նույնականության կայացումը՝ «տղամարդկանության մոդելի» հարաբերական բացակայության պայմաններում։ Այդ պատճառով թե՛ ծնողները և թե՛ մանկավարժները խստորեն վերահսկում են տղաների վարքի «կանացի դրսերումները»՝ փորձելով այդ կերպ նրանց մեջ «տղամարդկային գծեր» դաստիարակել։

2. Տղաների հաջորդ ամենաարգելվող արարքը համարվում է ազրեսիան, բռնության կիրառումը, բոյլերի շահագործումը, հատկապես իգական սեռի նկատմամբ ֆիզիկական ուժի կիրառումը։

«Միշտ բարկանում եմ, երբ որ թեկուու տղաները իրաւ հետ ձեռն են կամ ուժով կամ խփում են իրաւ, այ, դա չեմ խրախուսում ու անընդհաւ բարկանում եմ, երբ որ իրաւ հետ հարցերը դարզում են ձեռքերով, միշտ ասում եմ, որ ուժի է յստենք, զրուցենք, ուստի զարանենք»։

Խորացված հարցագրույց ուսուցչի հետ

«Տղաներին արգելում եմ աղջիկների հետ կողիս վարվել, ձեռք բարձրացնել»։

Խորացված հարցագրույց ուսուցչի հետ

3. Տղաների համար անընդունելի է համարվում լաց լինելը, հուզականություն դրսերելը։ Սա երրորդ ամենաարգելվող վարքաձևն է ընդհանուր առմամբ, իսկ ծնողների խմբերում երկրորդն է։ Տղայի լացը հիմնականում որակվում է որպես սեռին ոչ բնորոշ վարքաձև, որպես «իգական» տիպի հակագործ կամ բուլության դրսերում, իսկ հաճախ էլ այս երկուսի միջև հավասարության նշան է դրվում։ համարվում է, որ լաց լինելը բնորոշ է աղջիկներին, որովհետև իրենք թույլ են։

«Ղզիկությունը, որ լացում են, չեմ ու չում են անում...»։

Խորացված հարցագրույց մանկապարտեզի դաստիարակի հետ

«Լացկան շինի, եքե նույնիսկ ցալում է, տղայի լացը ավելի ա խնձ ջղայնացնում, բան թե աղջկա լացը»։

Տղանարդկանց քոլոս խումը

4. Տղայի մեջ անընդունելի են համարվում ամաչկոտությունը, համեստությունը, նախաձեռնողականության բացակայությունը, ընկճվող լինելը, դրժվարությունները հաղթահարելու անկարողությունը, բոլորը միասին կարող ենք բնորոշել որպես պասիվություն, բուլություն։

«Երբ որ խեղճանում է տղան, ու ինքը չի կարողանում, փակուդու առաջ է»։

Կանաց քոլոս խումը

«Թեմ ուզում իմ տղային տեսնեմ նման տիրի ամաչկոս, սենց հաւըլող, շխոսկան»:

Տղամարդկանց ֆոկուս խումբ

«Փաստը ցոյց ա տալիս, որ մեր տղաները բացարձակ նախաձեռնող չեն, բացարձակ, էնթան ցավով եմ դա ասում, ազնիվ խոս»:

Խորացված հարցագրույց ուսուցչի հետ

5. Տղաների սահմանափակումները վերաբերվում են նաև հոգեներգործում նյութերի, ալկոհոլի, ծխախտի օգտագործմանը, անօրինական արարքներին, որոնք ավելի շատ նշվում են պատաճների և երիտասարդների կողմից որպես իրենց ներկայացվող պահանջներ: Սա միանշանակ թարուչէ, քանի որ տղաների մեծ մասը ծխելը կամ որոշ չափով ալկոհոլ օգտագործելը տղամարդու համար համարում է նորմալ, սակայն թե՛ հայրերը, թե՛ մայրերը փորձում են սահմանափակել իրենց տղաների կողմից այդ նյութերի օգտագործումը:

«Տղաների դեմքում էլ՝ չծխեն, չխմեն»:

Պատաճների խառը ֆոկուս խումբ

«Փոքր տարիքում մայրս միշտ ասում էր, որ ոսիլկանություն շրնկնեմ ու ավելի մասնավորաբար թմրանյութեր չօգտագործեն»:

Երիտասարդների խառը ֆոկուս խումբ

Տղաների մնացած սահմանափակումները չունեն համընդհանուր բնույթ, այլ ավելի մասնավոր են. մայրերի խմբում անընդունելի է համարվում բամբասկոտությունը, հայրերի խմբում վախսկոտությունը, ծնողներին չենթարկվելը, ուսուցիչների խմբում՝ ուսման նկատմամբ անպատճանատու վերաբերմունքը, մեծահասակներին հակածառելը, ուսուցիչների և մանկավարժների խմբերում կարգուկանոնին չենթարկվելը և ստելը. «Երեւ սրում են, դասներ չեն կարող: Երեւ սրում են, դա ինչ համար ամենապարժելի արարքն ա»:

Պարզ է դատնում, որ տղաների դաստիարակության ընթացքում կիրառվող ամենաեւական սահմանափակումը, առաջին հերթին, կանացի չլինելն է, որի մաս կարող ենք համարել նաև բուլությունը, ամաչկոտությունը, լացկանությունը, հուզականությունը, նախաձեռնողականության բացակայությունը, զգայունությունը: Իսկ հաջորդ կարևոր սահմանափակումը՝ բոնություն չգործելը: Առաջին հայացքից տարօրինակ է թվում այն, որ տղաներին վաղ մանկությունից սոցիալականացման բոլոր ինստիտուներում սովորեցնում են կանանց, աղջկների հանդեպ բռնություն չգործել, բայց հասուն տարիքում նրանցից շատերը դա անում են: Իրականում իսկդիրն այս երկու սահմանափակումների հակասության մեջ է. երբ լրդային պարժում են իրական

կամ բվացյալ աղջկական վարքի և դրսուրումների համար, նրա մեջ իգական սեփական բացասական վերաբերմունք, ինչպես նաև «իգականի» պալտելիության վերաբերյալ դիրքորոշում են սերմանում: Այսպիսով, պատիճն իգական վարքի համար դառնում է ավելի զորեղ գործոն և ավելի ուժեղ է ամրապնդվում տղայի հոգեկանում հետագայում, հնարավոր է, պայմանավորելով կանանց հանդեպ բռնությունը, քան «աղջկելիքին չի կարելի խփել» վերացական արտահայտությունը:

Այսպիսով, դաստիարակչական պրակտիկաները, այդ թվում նաև վարքի սահմանափակումներն ուրբած են տղաներին և աղջկելիներին իրենց համար նախանշված դերերին նախապատրաստելուն, նրանց մեջ սեռատիպիկ որակներ և վարքածներ ձևավորելուն: Տարբերակված դաստիարակությունը միտված է աղջկելիներին դարձնելու ենթարկվող, զուսակ, պատասխանատու, հոգատար, արտաքին տեքրը կարևորող, իսկ տղաներին՝ «ոչ կանացի», համարձակ, ազատ, նպատակավագ, կամային, «աղջկելիներին հարգող»: Սակայն դաստիարակչական որոշ պրակտիկաներ ունենում են հակառակ ազդեցություն (տղաներին ավելի մեծ արտոնություններ տալը թուլացնում է տղաների նախաձեռնողականությունը, մեծացնում աղջկելիների հաջողության հասնելու ձգտումը) կամ բացասական հետևանքներ (իգական դրսուրումների համար պատիժը հանգեցնում է իգականի ստորադասման, իգական սեռի հանդեպ բացասական վերաբերմունքի ձևավորման):

2.2.6. Սեռագիպիկ վարքի մողելավորում

Գեներային սոցիալականացման կարևոր գործընթացներից մեկը սեռատիպիկ վարքի մողելավորումն է, երեխաները վաղ տարիքից ընդօրինակում են որիշների վարքը, սկզբնական շրջանում այդ ընդօրինակումն իրականացվում է առանց գեներային տարբերակման. թե՛ տղաները, թե՛ աղջկելները ընդօրինակում են այն նարդու վարքը, ով ավելի հասանելի է, ում գործողությունները նրանք առավել հաճախ են տեսնում: Աստիճանաբար, պայմանականացման ազդեցությամբ նրանք սկսում են ընդօրինակման համար ընտրել նույն սեռի վարքային մողելներ, այս գործընթացը շարունակվում է գրեթե ողջ կյանքի ընթացքում: Յուրաքանչյուր տարիքային փուլում տվյալ մշակույթում կամ խմբում իր վարքը գեներային առումով ավելի տիպական դարձնելու համար մարդը ներքնայնացնում է իր սեռի այն մարդկանց վարքը, որոնք հեղինակավոր են իր համար: Մեր հետազոտության արդյունքների վերլուծությունից դուրս բերեցինք հետևյալ իիմնական անձանց կամ կերպարներին, որոնք հանդիսանում են սեռատիպիկ վարքի մողելները երեխաների, դեռահասների և երիտասարդների համար, դրանք են.

1. Ծնողները: Թե պատանիները, թե երիտասարդները նշում են, որ ձզ-

տում են ինչ-որ գծերով, վարքով կամ գործունեությամբ նմանվել իրենց ծնողներին. «**Իմ նպատակն է իմ հոր ճանապարհը շարունակելը, ևս վարսի եմ ազգային անվասնություն կը լուսավեմ, կույրեամ 5 տարի Մովկայում, կլերադառնամ ու կշարունակեմ իմ հոր ճանապարհը:**» (Պատանիների խառը ֆոկուս խումբ): Ծնողները նշում են փոքր տարիքից իրենց երեխաների կողմից նույն սեռի ծնողի գործողությունները, վարքը ընդօրինակելու միտում. «**Տղեւ հենց գիւնում ա, ևս զործիքները հանել եմ, որ մի քանի սարքեմ, ինչանից առաջ ա ընկնում.. չնայած դեռ 3 տարեկան չկա**» (Տղամարդկանց ֆոկուս խումբ), «...**դե աղջիկները միշտ էլ չզգում են մամայի շորերին, կուսնարիկային, ևս տարիքից ուզում են կանացի լինել**» (Կանանց ֆոկուս խումբ): Անգամ ուսուցիչները ընդգծում են սեփական ծնողների ազդեցությունը իրենց որպես կին ինքնարդուստրման, հարաբերությունների կառուցման, մայրական գործառությի ընկալման վրա. «**Ինձ երբեք չեն ասել պետք է համեստ լինես, պետք է զիջող լինես, պետք է համեռութենա.. բայց միայն այն, որ ես ունեցել եմ այդպիսի մայր, հերիք էր, որ ես դառնայի զիջող ու երբեմն էլ ի վաս ինձ հանդուրժուդ.. մկածում եմ, որ երե մայրս ուրիշ քնազորություն ունենար, ևս այսպիսին չի լինի..**» (Խորացված հարցազրույց ուսուցչի հետ)

2. Հասակակիցները և տարիքով մեծ սիրլինգներն ու ընկերները: Բոլոր խմբերում նշվում է հասակակիցների դերը որպես վարքային մողելներ, առավել ակնհայտ և անմիջական հասակակիցների ազդեցությունը արտահայտվում է մանկապարտեզում. «**Եթե մենքը մի քանի անում ա..., մնացածը միանգամից նույնն են անում, ևս դպամ արոռը վերցնում դոռացնելով սենյակով քշում ա, մեկ էլ գենանում ես արդեն բոլոր դպաները սկսում են արոռները հրեի...**» (Խորացված հարցազրույց մանկապարտեզի դաստիարակի հետ): Ընտանիքում երեխաներն ընդօրինակում են տարիքով մեծ սիրլինգներին, իսկ այն դեպքերում, երբ մեծ սիրլինգը հակառակ սեռի է, երեխայի վարքում հաճախ ի հայտ են գալիս հակառակ սեռին բնորոշ վարքաձևեր. «**Ինքը լրիվ աղջիկ է, բայց հրացան կուզի եղբայրների հետ կիսաղա, կամ կարող է էնպես վազի, ասես. դու լրիվ դրան ես**» (Կանանց ֆոկուս խումբ):

3. Մոլութիմերի և հեռուստասերիալների հերոսները: Երեխաները հակված են ընդօրինակելու մոլութիմերի հերոսներին, տղաները՝ սուպերհերոսներին (ընդգծված առնական կերպարների), աղջիկները՝ տարբեր իգական հերոսուհիների՝ սկսած ծայրահետ քեմինին գծեր ունեցողներից մինչև արտահայտված մասքովին վարդը ցուցաբերողները: Հեռուստասերիալների հերոսները սեռատիպիկ վարքի մողելներ են հանդիսանում թե՛ երեխաների, թե՛ դեռահասների համար. «**Եթե հիշում եք Զեյդին (քրազիլական հեռուստասերիալի հերոսուհի), իմ աղջիկը էլք ժամանակաշրջանի ա, ու ինքը ընդօրինակում եք Զեյդին, բրասլեցներ եք դմում արարտական պարեր եք**

պարում»(Կանանց ֆոկուս խումբ): Հատկանշական է, որ ընտանեկան դիտման համար նախատեսված հայրենական արտադրության հեռուստասերիալներում առկա են բազմաթիվ քացասական գեներացիան կարծրատիպեր և «անառողջ» սեռատիպիկ վարքածներ, այդ թվում, գեներացիան բոնություն պարունակող վարքային մոդելներ⁸²: Ակնհայտ է, որ նման վարքային մոդելները ձևավորում են կարծրատիպային պատկերացում կնոջ և տղամարդու, ինչպես նաև նրանց փոխհարաբերությունների վերաբերյալ և խրանում են կարծրատիպային վարքային հակագրումներ տիպական իրավիճակներում, օրինակ կին-տղամարդ տարածայնությունների դեպքում:

Բացի նշյալներից սեռատիպիկ վարքի մոդելներ են հանդիսանում նաև ուսուցիչները, ազգականները, երեխայի անմիջական շրջապատում գտնվող այլ մարդիկ: Քանի որ ներկայումս կրտսեր սերունդը նախընտրում է հեռուստատեսությունը և համացանցը ընթերցանությունից, գրական հերոսները, այդ թվում և հեքիաթների հերոսները ավելի քիչ նշանակալի են երեխաների, դեռահասների, պատանիների կյանքում և պակաս ազդեցիկ են սեռատիպիկ վարքի մոդելավորման գործընթացում:

2.2.7. Ապագայի սկնելալիքներ

Որպես գեներացիան սոցիալականացման հաջորդ եզրաշերտ մենք վերլուծել ենք նաև այն ակնկալիքները, որ ծնողներն ունեն սեփական երեխաներից, ինչպես նաև պատանիների ու երիտասարդների ակնկալիքները սեփական ապագայից: Ակնկալիքների վերլուծությունը բույլ է տալիս հասկանալ, թե ինչ կարգավիճակում, ինչ դիրքում, հասարակական կյանքի որ ոլորտում են տեղակայվում հասուն կինը և տղամարդը: Ծնողների ակնկալիքները հստակ ուղերձներ են հանդիսանում երեխաների համար՝ պայմանավորելով նրանց պատկերացումները կնոջ և տղամարդու առաքելության մասին ընդհանրապես և իրենց սեփական առաքելության մասին՝ մասնավորապես:

Վերլուծությունից պարզ է դառնում, որ եթե «**լավ մարդ**» դառնալու ակնկալիքն ընդհանրական է երկու սեռերի համար, ապա կարգավիճակի, ձեռքբերումների, հասարակական դիրքի հետ կապված սպասումները նկատելիորեն տարբերվում են: Ակնհայտ են տղաների նկատմամբ սպասելիքներում նրանց գործուն լինելու, բարձր սոցիալական ձեռքբերումների, ծնողների համար հենարան լինելու արմատավորված գաղափարները հատկապես տղամարդկանց խմբում: «**Տղան, որ արժանավոր լրամարդ դառնա, ասեանք՝ մենց մեծ գործերի վեր չենք, որ գործներիս շարունակություն ու-**

⁸² Կոջոյան Ա., Գևորգյան Ա., Առնականությունն ու գեներացիային բոնությունը հայկական հեռուստասերիալներում, Երևան, 2014, <http://www.yssu.am/files/Reserch%20paper%2003.09.2014..pdf/>

Աենա, ավելի լավ աշխափանքի, ճակապազրի արժանանա»:

Տղամարդիկ տղաներից ակնկալում են լուրջ ձեռքբերումներ աշխատանքի («... կոմպյութերային մասնագենի դառնա կամ էլ թիգնեսմն»), սպորտի բնագավառում («Առնազն աշխարհի չեմպիոն եմ ուզում երկու փղերս էլ դառնան», «Ինքն ուզում ա սպորտամեն դառնա, կիորչենք սպորտամեն սարենք, որ հայ ազգը ներկայացնի ամբողջ աշխարհում»), ճիշտ ինքնայրսներում միջանձնային հարաբերություններում: Տղաներին պատկերացնում են նեկավարող պաշտոններում, ազգի և հասարակության համար կարևորվող գրոծունեության ոլորտներում:

Ակնիայտ է տղամարդկանց կողմից աղջիկներից ավելի համեստ սպասումներ ունենալը, այդ ակնկալիքներն, առաջին հերթին, վերաբերում են նրանց լնտանեկան դերերին, մայրությանը. «Մեր բոլոր հայ օջախի աղջիկներին կցանկանամ լավ մայր լինեն, լավ օջախի հարս լինեն, լավ, առողջ զավակներ քերեն էս պետության համար», «Աղջկերքին համար դեմք կոնկրետ բան չկա, ցանկություն ունեմ, որ հասարակությանն ու բնութանիքին պիտիանի մարդ լինի», իսկ մասնագիտական սպասելիքները լավագույն դեպքում առնչվում են բժշկության կամ մանկավարժության բնագավառների հետ. «Մեկը բժշկություն ա սիրում, որ բժիշկ դառնա, փորս էլ ավելի շատ մինչև հիմա ոնց որ ասած մանկավարժ»:

Եզակի դեպքերում տղամարդկանց շրջանում դրսեորվում է «մասնագիտությունների և ձեռքբերումների իգական կարծրատիպի» հաղթահարում. «Իմ համար բարբերություն չկա, հիմա աղջիկ կուզենա ֆուլբուի աշխարհի չեմպիոն լինի, բող դառնա»:

Աղջկա վերաբերյալ սպասումները տղամարդկանց խմբում նաև կենտրոնացած են նրա՝ տվյալ մշակույթում ընդունված նորմերի համապատասխանության շուրջ, ըստ որում, այդ համապատասխանությունն աղջկա հոր համար պատվի հարց է համարվում. «Աղջիկը պղամարդու պատիվն ա՝ ոնց կղապիարակեն, վաղը-մյուս օր ոնց մարդու կրաս, էդրան չափով դու քեզ կարաս արժանավոր մարդ համարեն»:

Տղամարդկանց խմբում տղաների և աղջիկների ապագա ձեռքբերումների, կայացման վերաբերյալ անհավասարությունը լավագույն ձևով բնութագրվում է հետևյալ արտահայտությամբ.

«Տղային տեսնում եմ լավ դաշտներ, բարձր, թե՛ ուժային ոլորտում, չզիտեմ, թե՛ դեկավարման ոլորտում, այսինքն՝ լավ գործ, լավ մասնագետ, լավ դաշտն, լավ մարդ, իսկ աղջկան էլ մասնագիտությունները եւս ա, սկսած կարա դարի մասնագետ լինի, կարա եւզ լինի, կարա, չզիտեմ, մանկավարժ լինի»:

Կանայք հիմնականում երկու սեռի երեխաներից ել ակնկալում են լուրջ ձեռքբերումներ, մասնագիտական կայացում, արժեքավոր անձնային որակ-

Եեր ապագայում: Եվ այնուամենայնիվ, ակնհայտ է, որ տղաների ապագայից ակնկալիքներն ավելի բարձր սոցիալական, մասնագիտական ձեռքբերումների են վերաբերում.

«Ինքը (աղջիկը) ունենա լավ աշխատանք, գանկացած աշխատանք, թող ինքը ընտիր: Ուզում էի, որ տղա բանկիր դառնա...»:

«Ուզում եմ, որ աղջիկս ունենա լավ մասնագիտություն, լավ աշխատանք, բայց ինձ համար առաջինը, որ ինքը լինի լավ տան մայր, լավ կին, ծնողին գնահատող, հարգող լինի, և նույն էլ տղայիս, իհարկե, կուզենան, որ ունենա լավ մասնագիտություն, հետազայում լավ, եկամտաբեր աշխատանք, ոնց որ ինքն է ասու՝ ես բանկի կառավարիչ եմ դաշնապու, իսկ ես, որդես մայր, ուզում եմ իրենց տեսնեմ կայացած, ինքն էլ լինի ընտանիքի հայր, հարզի մեծերին, իիմնականում ինձ համար կարևոր է, որ լինեն լավ ընտանիքի հայր, մայր»:

«Իմ երազանքն է՝ աղջիկս դարմուի դառնա, իսկ տղաս՝ բիզ-նեսմեն»:

«Պանում եմ, որ աղջկա համար շատ լավ մասնագիտություն է լեզվաբանը, դու անզամ տանը նստած կարող ես նո հացը վասակել, իսկ տղայիս համար կուզենան, որ կայուն աշխատանք ունենա, իհարկե, երկուսն էլ, որ բարձրագույն ավարտ լինեն»:

Պատաճների և երիտասարդների խմբերում թե՛ տղաների և թե՛ աղջիկների ապագայի ակնկալիքները վերաբերում են իրենց անձնային հասունության որակներին և մասնագիտական ձեռքբերումներին, որտեղ տարրերությունները պլակաս նշանակալի են: Միակ ակնհայտ տարրերությունն այն է, որ աղջիկների սպասումներում, բացի մասնագիտական կայացումից, նաև ապագա ընտանիքի և ընտանեկան դերերի վերաբերյալ ակնկալիքներն են արտացոլված. «**Ինչ քվում է ես պեր և սկզբից կայուն մարդ դառնամ, որպեսզի ընկանիք կազմեմ**» (պատաճների խառը ֆոկուս խումբ):

Այսպիսով, ծնողների սպասումները և ծրագրերն իրենց երեխաների ապագայի վերաբերյալ կառուցված են «տղան՝ որպես ընտանիքի բարզավաճման իիմք», «աղջիկը՝ որպես այլ ընտանիք գնացող և ապագա մայր» ընկալումների վրա: Համապատասխանաբար, տղաների ապագան ավելի պլանավորվում է մասնագիտական ու հասարակական ձեռքբերումների և դիրքի, աղջկանը՝ ընտանեկան դերերի և հարաբերությունների տեսանկյունից: Ծնողական սպասումներն իրենց արտացոլումն են գտնում երիտասարդների ակնկալիքներում՝ տղաների ձգտումներին տալով միանշանակություն, աղջիկների ձգտումներին՝ երկատվածություն: Չնայած աղջիկների շրջանում կայացածություն և ձեռքբերումներ ունենալու ձգտումն առկա է ընտանիք կազմելու ցանկության հետ համատեղ, նրանց մեջ ջանափրա-

բար սերմանվող նվիրվածությունը, շափակորությունը և կնոջ ընտանեկան դերի գերակայությունը որպես արժեք հաճախ բերում են ապագայի հեռանկարի և առաջնայնությունների փոփոխության, երբ նա ընտրության առջև է կանգնում:

Վերջաբան

Գենդերային սոցիալականացման առանձնահատկությունների և գործընթացի հետազոտությունը քոյլ տվեց առանձնացել կանանց և տղամարդկանց վերաբերյալ հիմնական պատկերացումներն ու կարծրատիպերը, որոնք պայմանավորում են տարբեր սեռի երեխաների նկատմամբ վերաբերմունքի և դաստիարակչական պրակտիկաների տարբերությունները, ստեղծում են վարքի համապատասխան մոդելներ և ապագայի տարբեր հետանկարներ:

Հիմնական գենդերային պատկերացումները կառուցվում են դերերի և իշխանության ավանդական բաշխման (կինն ընտանիքի համար է, տղամարդը՝ հասարակության), «աղջիկը գնացող ա», «տղան տան սյունն ա» կարծրատիպերի շուրջ, որոնք առաջացել են պատրիլինիալ գերդաստանի, հայրիշխանական մշակույթի և պատրիլիկալ ընտանիքի մոդելների հետևանքով: Դերերի ավանդական գենդերային բաշխումը պայմանավորում է կնոջ և տղամարդու անհավասար կարգավիճակների ձևավորումը, քանի որ մեր հասարակությունում կնոջ ավանդական դերն ընկալվում է որպես պակաս արժեքավոր՝ տղամարդու ավանդական դերի համեմատ, որը կապված է ուսուրսների հայթայրման և տնօրինման հետ: Բացի այդ, դերերի նման խիստ տարանջատման հետևանքով արական դերը, այդ թվում և հայրական դերը, սահմանափակվում է «ապրուստի միջոցներ հայթայրողի», իսկ իգական դերը՝ «խնամատարի» գործառույթներով, ինչը ճնշում է տղամարդու հոգականությունը և դնում նրա առջև հասարակական, տնտեսական ոլորտում կայանալու խիստ պահանջներ, սահմանափակում է կնոջ արդյունարար գործունեությամբ գրադրելու ճգնաժամը և նրան դարձնում ընտանիքում հոգատարության ու խնամքի գործառույթների միանձնյա պատասխանատու:

Փոխանցվելով սերնդեսերունդ՝ այս կարծրատիպային պատկերացումներն առաջ են բերում առաջնորդության հատկություններով օժտված տղայի և ենթարկվող, պատասխանատու, հոգատար աղջկա հասարակական պահանջարկ: Այս պահանջարկը բավարարելու համար գենդերային սոցիալականացման բոլոր օդակներում տարբերակված դաստիարակության, քոյլատրելիության և բարոյականության տարբեր չափանիշների կիրառման միջոցով ստեղծվում են «իգական» և «արական» ինքնություններ:

Աղջկա դաստիարակության բոլոր եզրաշերտերն ուղղված են նրան

ապագա մոր և «համեստ հարսի» դերին պատրաստելուն: Այս դերերի անբաժան մաս են կազմում ինքնանվիրումն ու պատասխանատվությունը. աղջկա տարածաժամանակային սահմանափակումները, սեռականության, ազատ խոսքի, վարքի սահմանափակումները նպատակ ունեն աղջկա մեջ դաստիարակելու սեփական ձգումների սահմանափակման և ինքնանորմավորման կարողություն, իսկ ընտանիքում և կրթական հաստատություններում աղջկներին առաջարկվող բազմաթիվ պարտականությունները, մանկության տարիներից խնամքի և կենցաղային գործերին ներգրավվածությունը նրանց մեջ սերմանում են հոգատարություն և պատասխանատվություն:

Տղայի դաստիարակությունը՝ որպես «տան սյուն», ընձեռում է մի շարք «չվաստակած» արտոնություններ և ամրագրում է տղամարդու գերակա դիրքը հասարակության մեջ: Սակայն գերակա դիրքը պահպանելու և «արական» ինքնությանը համապատասխանելու համար տղային/տղամարդուն ներկայացվում են խիստ պահանջներ. ունենալ նշանակալի ձեռքբերումներ, նյութապես ապահովել ընտանիքը, բոյլ, հոգական և կանացի չինել: «Կանացի չլինելու» պահանջն այնքան խիստ է արտահայտվում տղաների նկատմամբ, որ իգական սեռի հետ առնչություն ունեցող ամեն բանի հանդեպ բացասական վերաբերմունք է սերմանում, ինչպես նաև «իգականի» պատմելիության վերաբերյալ դիրքորոշում է ձևավորում: Մյուս կողմից, պետք է փաստել, որ տղաների՝ առանց ջանքերի արտոնյալ պայմաններ ունենալու նրանց մեջ կարող է բոլացնել մրցակցայնության, նպատակասպացության միտումը:

Այդպես, աղջկներին ներկայացվում են ընտանիքի ներսում հարաբերությունների հաջողվածության և մտերիմների հանդեպ հոգատարության, տղաներին՝ ընտանիքից դուրս տնտեսական և դիրքային ձեռքբերումների պահանջներ: Գենդերային սոցիալականացման բոլոր ինստիտուտներում նրանք ստանում են այդ պահանջներին հաճարժեք ուղերձներ: Երկու սեռի դաստիարակության մեջ էլ իիմնականում բացակայում է ամուսնական դերին նախապատրաստումը, ինչը հետագայում մեծացնում է ընտանեկան կոնֆլիկտների և համատեղ կյանքով անբավարարվածության մակարդակը:

Դաստիարակության այս տարրերակված պրակտիկաները, մասնավորպես աղջկների վարքի, ժամանակային, տարածական, խոսքային, ֆիզիկական և այլ ասպեկտների խիստ վերահսկումը և նկատելի սահմանափակվածությունը, նրանց պարտականությունների բազմազանությունը, իսկ տղաների ազատ և արտոնյալ դաստիարակության պայմաններն ամրապնդում են հասարակությունում առկա անհավասար գննդերային կարգավիճակները և երկու սեռերի պարագայում էլ ստեղծում են դրանց բնականոն տրվածության ընկալում:

Երեխաների ապագայի հանդեպ ակնկալիքները հստակ արտացոլում

Նճ այն պատկերացումները, որոնք հասարակությունը վերագրում է կնոջը և տղամարդուն՝ տղաներից սպասելով բարձր հասարակական ակտիվություն և մասնագիտական ձեռքբերումներ, իսկ աղջիկներից՝ համեստ ձեռքբերումներ և «իգական մասնագիտությունների» յուրացում, «օրինակելի հարսնություն» և ինքնամոռաց մայրություն: Այս սպասելիքները, սկսած վաղ մանկությունից, երեխային մատնանշում են իր ինքնադրսության սահմանները և բավական հստակ ծրագիր առաջադրում հետագա ողջ կյանքի համար:

Փաստորեն, գենդերային սոցիալականացումը, միտված լինելով երեխաներին համապատասխանեցնել հասարակությունում առկա գենդերային պատկերացումներին, սահմանափակում է թե՛ կանանց, թե՛ տղամարդկանց ինքնիրականացման հնարավորությունները, ճնշում է առաջինների ստեղծագործ, երկրորդների էքսպրեսիվ կողմը, նվազեցնում նրանց միջև փոխըմբռնումը, ստեղծում պարտականությունների և պատասխանատվության անհավասար բաշխումից բխող լարվածություն: Այս խնդիրների կանխարգելումն ու լուծումը մենք տեսնում ենք ընտանեկան դաստիարակության և կրթական հաստատություններում որոշակի փոփոխությունների իրականացման մեջ: Մասնավորապես առաջարկում ենք. բարձրացնել ծնողների և կրթության ոլորտի մասնագետների իրազեկվածությունը պահպանողական գենդերային կարծրատիպերի ազդեցության և երեխաներին հավասար և ներդաշնակ պայմաններում դաստիարակելու անհրաժեշտության վերաբերյալ, տրամադրել երեխաների սեռատիպիկ և ոչ սեռատիպիկ դրսևորումների նկատմամբ արդյունավետ հակազդման ձևերի վերաբերյալ տեղեկատվություն, հնարավորինս հավասար համամասնություն ապահովել երեխաների դաստիարակության գործերացում ներգրավված կամաց և տղամարդկանց շրջանում՝ երեխաների գենդերային սոցիալականացման միջավայրում սեռադերային մոդելների բազմազանություն ստեղծելու և ֆեմինիզացված միջավայրում երեխաների դաստիարակության հետևանքները մեղմելու համար:

GENDER SOCIALIZATION

The Process and Result

Research summary

In general, the society uses two major channels to shape gender status and maintenance thereof. From one perspective, it either continuously promotes or hampers the self-socialization in men, as well as their accomplishments and integration in social processes. From the other standpoint, being nurtured by actual gender stereotypes and conservative views, gender socialization for that particular society promotes formation of modest ambitions in women and their little interest in obtaining high societal status or professional achievements as part of their gender role.

The stereotypes and attitudes, which children receive during gender socialization process, create illusions of being pre-defined realities of gender roles and status both in men and women. This creates a psychological need to cope with those roles and excludes any subjective possibility for change. For this, it is crucial to understand the forms and ways by which gender attitudes and stereotypes transmit, also how these contribute to the downgrading of girls and women in families and society, as well as how these stereotypes contribute to the formation and continuation of their unequal status.

The current study explores main psychological causes of gender discrimination because of unproductive gender socialization process in families and Armenian society at large. Based on the desk review of research on gender socialization in various societies around the globe this study attempted to see the root causes of these problems and come up with the analysis of main gender socialization channels affecting status of boys and girls in Armenian society. Interviews with main problem actors have provided for necessary evidence to draw conclusions on flaws and gaps in socialization process of children in families.

The goal of this study is to *reveal the main characteristics of male and female gender socialization in current socio-economic conditions that contribute to and determine the unequal status of men and women in their families.*

In this respect the study attempted to:

1. Explore and define the gender attitudes of the main socialization agents to include parents, teachers, clergy as well as to examine those among

teenagers and youth as the latter in their turn become gender socialization agents for their peers.

2. Examine and outline the channels through which gender attitudes pass across generations: differentiated upbringing approaches, different scales of delegation of rights/ privileges, differentiated expectations from boys and girls, nurturing and reinforcement of different personal and individual qualities in boys and girls.

Research methodology

1. **Desk review** of existing research body about gender specific socialization of males and females in different societies in order to reveal: 1) main patterns and factors which may contribute to male/boy favoritism in the society; 2) understanding specifics of male/female socialization in society and main determinants of their social inequality, including main constraints for women's utmost efficient self-realization in family and career.
2. **Qualitative study** with using the method of focus-group discussions (FGD) and deep interviews (DI). There have been 4 FGDs conducted and 23 DI carried out with target groups described above.

Research sample: Men (fathers), women (mothers), youth, pre-school and school facility teachers, and clergymen. Overall, 63 persons were engaged in the study, 10 participant in each FGD and 23 DI participant (8 teachers, 8 pre-school teacher, 7 clergymen).

Research findings:

1. The main gender attitudes are constructed around traditional roles and power distribution among men and women, whereas men are mostly for the society and women are generally for the family; the current gender discourse is very much shaped by the long-existing patrilineal clan, patriarchal culture and patrilocal family models in Armenia;
2. The church ceremony of wedding with its ritual of exchanging vows of the master (protector) and the one who honors (obedient) is being largely misinterpreted in the society thus creating grounds for abusing power in family and upholding the dominant status of men. At the same time, the ideas of mutual love, humility and honor laid in the essence of the rite, stress the importance of complementarity of spousal roles for harmonic family rather than differences thereof.
3. Passed through generations these images of man and woman create demand for boys who are display features of leaders and girls loaded with traits of submissiveness, ready to self-limitation. Supported by the

practices of differentiated upbringing in all circles of socialization this lays grounds for developing double standard culture in boys and girls based on application of gender-biased morality and permissibility (i.e. what is good or bad for him and for her).

4. The various practices of discerned upbringing, especially the high control and restrictions that apply to girls' behavior with regard to time, space, verbal and physical activity, the variety of their duties also contribute to the shaping of stereotypical images of men and women. Notably, the freedom and high level of permissibility in upbringing of boys sustain the existing gender inequality and create an illusion of the pre-defined nature of things.
5. The prevailing aspects of rearing girls are based on the assumption of her "to leave the household soon" and directed at raising them as future mothers and humble daughters-in-law, where self-sacrifice and responsibility are crucial for these roles. All restrictions of the time-and-space activity, sexuality, verbal activity and behavior are aimed at nurturing high sense of responsibility in girls and ability for self-limitation in personal desires and self-norming. Eventually, these qualities make girls "easy-to-adapt" for living in another family and become important prerequisites for the wellbeing of the people in their environment (husband, children, parents-in-law).
6. The upbringing of boys is built on the presumption of becoming a "pillar of the household" that gives a list of not-earned privileges and benefits to them in the family and society. These not only determine the male dominant position in society but also often limit boys' pro-activeness and hinder their motivation for achievement. Since boys enjoy many "gender benefits" without high efforts (e.g. easier schooling, higher salary), they become less motivated to aspire and less determined to achieve.
7. At the same time, the same circumstance creates additional motivation for high level of activity in women that is mostly expressed by better school performance, and later, as a result of frustration and limitations, may transform into aspiration to excel in carrying out mother's and housewife's role. However, this model leaves no space for developing girls' competence to become a helpmate/better half for their spouses that creates additional risk for the family conflicts and increased level of family dissatisfaction and psychological isolation.
8. The pre-condition of being/acting non-feminine for boys' socialization infuses negative attitude in them towards everything that is considered feminine as well as creates distorted perception of the femininity as inferior.

9. The expectations that parents have in relation to their boys and girls clearly reflect the notion that society prescribes to men and women: anticipation of high level of social activity and career achievements from boys and modest achievements from girls, acquisition of “feminine professions”, coupled with “being an exemplary daughter-in-law” and zealous motherhood. Starting from early childhood, these expectations define the scope of self-realization for children and provide the early plan for their entire life.

In fact, gender socialization, being intended to suit children to gender perceptions prevailing in society, limits both women and men opportunities for self-actualization, suppressed the creativity of woman, and the expressiveness of man, reduces the mutual understanding between them by determining the stress raised from the unequal distribution of duties and responsibilities. Prevention and resolution of these problems is possible by making some changes in family upbringing and educational system. In particular we offer. raising awareness of parents and educators about the impact of conservative gender stereotypes and the need to educate children on an equal and harmonious conditions, and provide information on effective responses to children’s gender specific and unspecific behaviors, to ensure equal proportion of women and men involved in child raising process to reduce the negative effects of bringing up children in mainly feminized environment.

Գրականության ցանկ

1. Բարիստարյան Ս. Գ., Հայ կնոջ իրավական վիճակը միջին դարերում.- ՊԲՀ, N 2, 1966, էջ 25-40:
2. Գարգրյան Լ., Հայաստանում արու զավակի նախապատվության պատճառները: - Արդիականության մարտահրավերները. Փիլիսոփայական և հոգեբանական իմմնախնդիրներ: Միջազգային գիտաժողովի նյութերի ժողովածու.- Եր.: ԵՊՀ հրատ., 2014., էջ 255-258:
3. Գիլմոստ Ք. Զ., Նորածինների սեռերի անհամամասնությունը Հայաստանում. Ժողովրդագրական տվյալներ և վերլուծություն: - Երևան, 2013:
4. Գոշ Միքար, Դատաստանագիրը, Թարգմ. Մարսիմ Ռուկանյանի.- Երևան, 2001:
5. Գևորգյան Գ. Գ., Ղզլար, ՀԱԲ, Հ. 10.- Երևան, ՀՍՍՀ ԳԱ հրատ., 1980:
6. Թեմուրձյան Վ. Ս., Գամիրքի հայերը, ՀԱԲ, Հ. 1.- Երևան, ՀՍՍՀ ԳԱ հրատ., 1970:
7. Լիսիցյան Ստ., Լեռնային Ղարաբաղի հայերը, ՀԱԲ, Հ. 12 .- Երևան, ՀՍՍՀ ԳԱ հրատ., 1981:
8. Լիսիցյան Ստ., Զանգեզուրի հայերը.- Եր., ՀՍՍՀ ԳԱ հրատ., 1969:
9. Ծառության Ռ., Գենդերային դերերը ՀՀ տարրական դպրոցի դասագրքերում, Երևան, 2014, http://www.osf.am/wp-content/uploads/2014/01/Gender_roles_in_primary_school_textbooks-2012.pdf
10. Կոչոյան Ա., Գևորգյան Ա., Առնականությունն ու գենդերային բռնությունը հայկական հեռուստասերիալներում, Երևան, 2014, <http://www.yss.am/files/Reserch%20paper%2003.09.2014..pdf>
11. Նահապետյան Ռ. Ա., Հայոց ազգակցական համակարգը (XIX դ. երկրորդ կես - XX դ. սկիզբ): Պատմապատճենական ուսումնասիրություն. - Եր.: ԵՊՀ հրատ., 2012:
12. Նահապետյան Ռ. Ա., Կինը հայոց ավանդական ընտանիքում (ըստ սաստինցիների ազգագրական սովորույթների), ՊԲՀ, 2009, 1(180), էջ 71-78:
13. Սեղրոսյան Կ. Վ., Արհեստավորական ավանդույթները և դրանց արտահայտությունները լենինականցիների կենցաղում. ՀԱԲ, Հ. 6 - Երևան, ՀՍՍՀ ԳԱ հրատ., 1974:
14. Վարդանյան Լ. Մ., Տղամարդկանց տարիքային խմբերի ավանդույթները հայերի մեջ, ՀԱԲ, Հ. 12. - Երևան, ՀՍՍՀ ԳԱ հրատ., 1981:
15. UNFPA Հայաստան. Սեղով պայմանավորված հղության արհեստական ընդհատումների տարածվածությունն ու պատճառները Հայաստանում, Զեկույց. Երևան: UNFPA, Առողջապահության նախարարություն, ՀՀ Ազգային վիճակագրական ծառայություն, Վերարտադրողական առողջության, պերինասուլոգիայի, մանկաբարձության և գիմնեվլոգիայի հանրապետական ինստիտուտ, Երևան, 2011:

16. Бадентэр Э., Мужская сущность. — М.: АО «Изд-во «Новости», 1995.
17. Бергер П., Лукман Т., Идентичность. В кн. Психология самосознания. /Под ред. Д.Я. Райгородского. Самара, БАХРАХ-М, 2000, (стр.567-588).
18. Клецина И., Гендерная социализация. Учебное пособие.- СПб.: Издательство РГПУ им. А.И. Герцена, 1998.
19. Кон И. С., Ребенок и общество. М., «Академия», 2003.
20. Кон И. С., Гегемонная маскулинность как фактор мужского (не)здоровья / Социология: теория, методы, маркетинг, 2008, 4, стр. 5-16.
21. Попова Л. В., Проблемы самореализации одаренных женщин // Вопросы психологии. 1996. № 2., стр. 31-39.
22. Репина, Т. А.. Проблема полоролевой социализации детей / Т. А. Репина. Москва – Воронеж, 2004.
23. Рубин Г., 2000. Обмен женщинами: заметки о “политической экономии” пола // Хрестоматия феминистских текстов. Переводы / Под ред. Е. Здравомысловой и А.Темкиной. СПб.: Д.Буланин. (стр. 89-139).
24. Уэст К., Зиммерман Д., (1997). Создание гендерса // Гендерные тетради. Труды СПб филиала ИС РАН. СС. 94 – 124.
25. Фрейд З., Введение в психоанализ. Лекции. М., Наука, 1989,
26. Чодору Н., Воспроизведение материнства: Психоанализ и социология гендерса.-М. РОССПЭН, 2006.
27. Amstrong C., Squires J., (2002). Beyond the Public/Private Dichotomy // Contemporary Political Theory N1, (pp. 261-283).
28. Bandura, A. (1989). Social cognitive theory. In R. Vasta (Ed.), Annals of child development. Vol. 6. Six theories of child development (pp. 1-60). Greenwich, CT: JAI Press.
29. Bandura A., (2001). Social Cognitive Theory: An Agentic Perspective. Annual Review of Psychology N52, (pp.1-26).
30. Barker, G., Contreras, J.M., Heilman, B., Singh, A.K., Verma, R.K., and Nascimento, M., (2011). Evolving Men: Initial Results from the International Men and Gender Equality Survey (IMAGES). Washington, D.C.: International Center for Research on Women (ICRW) and Rio de Janeiro: Instituto Promundo.
31. Barry H.III, Bacon M., Child I., (1962). A Cross-Cultural Survey of Some Sex Differences in Socialization. In J.F. Rosenblith and W. Allinsmith (Eds.). The Causes of Behavior: Reading in Child Development and Educational Psychology. Boston MA, Allyn and Bacon Inc., (pp.253-258).
32. Bem S., (1981). Gender Schema Theory: A Cognitive Account of Sex Typing. Psychological Review N88, (pp.354-364).
33. Brannon R., (1976). The Male Sex Role: Our culture’s blueprint for manhood, what it’s done for us lately // The Forty-Nine Percent Majority: The Male Sex Role Reading / Ed. By D.David, R.Brannon. . MA: Addison-Wesley, (pp. 1-48).
34. Chodorow N., (1978). Reproduction of Mothering. Psychoanalysis and the sociology of gender. Berkeley, University of California Press.
35. Connell R., (1987). Gender and Power: Society, the Person, and Sexual Politics, Satnford, Stanford University Press.
36. Connell R., (2002). Gender. Cambridge, U.K.: Polity Press.
37. Connell R., (2005). Masculinities (2nd ed.). Sydney: Allen & Unwin Australia.

38. Corman W.C., (2013). Sexual and Gender-Based Violence: What is the World Bank Doing, and What have We Learned? A Strategic Review. World Bank: SocialDevelopment. Washington.
39. Doyle J. A., (1989). The male Experience (2nd ed.) Dubuque, IA, William C. Brown Co.
40. Fleming P. Barker G. McCleary-Sills J. Morton M. (2013). Engaging men and boys in advancing women's agency: Where we stand and new directions. Women's Voice, Agency, & Participation Research Series No.1
41. Friedl E., (1978). Society and Sex Roles.// Human Nature. April (pp.149-158).
42. Garcia-Moreno, C., Pallitto, C., Devries, K., Stockl, H., Watts, C., & Abrahams, N. (2013). Global and regional estimates of violence against women: prevalence and health effects of intimate partner violence and non-partner sexual violence. Geneva: World Health Organization.
43. Godelier M., (1981). The origins of male domination. – New Left Review, 127, 17.
44. Goffman E., (1979). Gender Advertisements. New York: Harper and Row.
45. Golombok S., Fivush R., (1994). Gender Development, Cambridge University Press, New York & Cambridge.
46. Heise L.,(2011). What works to prevent partner violence? An Evidence Overview: London: London School of Hygiene and Tropical Medicine.
47. Howard J. A., Jocelyn H. A. (1997). Gendered Situations, Gendered Selves. Thousand Oaks, CA: Sage
48. Kohlberg L., Ullian D.Z., (1974). Stages in the development of psychosexual concepts and attitudes. In R.C. Friendman, R.M. Richart, R.L. Vande Wiele (Eds.), Sex differences in behavior, New York. Wiley. (pp. 249-261).
49. Parsons T., (1964) Social Structure and Personality. New York: Free Press.
50. Ricardo, C., Eads M., & Barker G., (2011). Engaging boys and young men in the prevention of sexual violence: A systematic and global review of evaluated interventions. Pretoria: South Africa: Oak Foundation
51. Smith S., Cook C., (2008). Gender Stereotypes: An Analysis of Popular films and TV, Conference 2008, The Geena Davis Institute on Gender in Media, http://seejane.org/wp-content/uploads/GDGM_Gender_Stereotypes.pdf
52. Stockard J., Johnson M.,(1980). Sex Roles: Sex Inequality and Sex Role Development, Prentice Hall.
53. The European Institute for Gender Equality (EIGE)., (2013). Gender Equality Index Report. Italy.
54. Wood J., (2015). Gendered Lives: Communication, Gender and Culture. 11th ed., Cengage Learning.
55. UNFPA (2012). Sex Imbalances at Birth. Current Trends, Consequences and Policy Implications. – Bangkok.
56. Unger R. K., (1990). Imperfect reflections of reality: Psychology and the construction of gender. In R. Hare-Mustin & J. Marecek (Eds.). Making a difference: Representations of gender in psychology. New Haven: Yale University Press, (pp. 102 - 149).

Լիլիթ Գարգրյան, Ինգա Հարությունյան

**ԳԵՆԴԵՐԱՅԻՆ
ՍՈՑԻԱԼԱԿԱՆԱՑՈՒՄ**

Գործընթացն ու արդյունքը

Համակարգչային ձևավորումը՝ Կ. Չալաբյանի
Կազմի ձևավորումը՝ Ա. Պատվականյանի
Հրատ. սրբագրումը՝ Վ. Դերձյանի

Զափառ՝ 70x100 $\frac{1}{16}$; Տպ. մամուլ՝ 5.875:
Տպարանակը՝ :

ԵՊՀ հրատարակչություն
ք. Երևան, 0025, Ալեք Մանուկյան 1



ՀԱՅԱՍՏԱՆԻ
ՆԱՌԱՅԻ